





Ex Bibliotheca  
majori Coll. Rom.  
Societ. Jesu

54-E-2







Nodus Gordius

SEV

DE VOCATIONE  
MINISTRORVM  
DISPV.TATIO.

IN QVA DECEM DEMON-  
STRATIONIBVS OSTENDITVR MINI-  
stros Evangelicos non esse veros verbi Dei &  
Sacramentorum ministros.

A. P. MARTINO SMIGLECIO SOCIE-  
TATIS IESV, S. Theologiæ Doctore.

*Barthol. Sect.*



*Colla. Rom. Soc. Jesu*

*Ex Capito*

*M. Cocini*



*Permissu Superiorum.*  
INGOLSTADII.

Excudebat ANDREAS ANGERMARIVS.

ANNO M. DC. XIII. +

22. 10. 1941

SECRET  
MURDER OF MARTIN LUTHER KING, JR.  
CONFIDENTIAL

THE UNIVERSITY OF CHICAGO  
CHICAGO, ILLINOIS 60637  
U.S.A.

1990-1991

100

Dr. Jones

1945

1944



# DEMONSTRATIONES DECEM, QVIBVS OSTENDITVR MI- NISTROS EVANGELICOS

non esse veros verbi Dei & Sacramen-  
torum ministros.

## PRIMA DEMONSTRATIO.



*Vicumque legitima vocatione & missione est  
destitutus, non potest esse legitimus Euan-  
gelij minister.*

*Ministri Evangelici sunt legitima vocatione & missione de-  
stituti.*

*Non sunt igitur legitimi Evangelij ministri.*

## SECUNDA DEMONSTRATIO.

*Veri & legitimi ministri ritè ordinari & consecrari debent.*

*Ministri Evangelici non sunt ritè ordinati & consecrati.*

*Non sunt igitur legitimi ministri Evangelij.*

## TERTIA DEMONSTRATIO.

*Quicumque potestate remittendi & retinendi peccata carent,  
non sunt legitimi Evangelij ministri.*

*Ministri Evangelici carent huiusmodi potestate.*

*Non sunt igitur legitimi Evangelij ministri.*

## QUARTA DEMONSTRATIO.

*Ministri legitimi sunt Sacerdotes offerentes Deo sacrificiū.*

*Ministri Evangelici non offerunt Deo sacrificium Novi Te-  
stamenti.*

A 2

Ergo

2  
*Ergo non sunt ministri legitimi Novi Testamenti.*

QUINTA DEMONSTRATIO.

*Christus suis ministris dedit potestatem conficiendi Sacramentum Corporis & Sanguinis sui.*

*Hanc potestatem nec habent, nec agnoscunt Ministri Evangelici:*

*Non sunt igitur veri Christi ministri.*

SEXTA DEMONSTRATIO.

*Legitimi ministri sunt dispensatores Sacramentorum.*

*Ministri Evangelici non sunt dispensatores sed dissipatores Sacramentorum:*

*Non sunt igitur legitimi ministri.*

SEPTIMA DEMONSTRATIO.

*Ministri veri sunt Ecclesia Catholica ministri.*

*Ministri Evangelici non sunt Ecclesia Catholica ministri:*

*Ergo non sunt veri ministri.*

OCTAVA DEMONSTRATIO.

*Ministri legitimi sunt veri verbi Dei ministri.*

*Ministri Evangelici non sunt veri verbi Dei ministri:*

*Non sunt igitur legitimi ministri.*

NONA DEMONSTRATIO.

*Ministri Evangelij fructum adferunt Evangelio dignum, hoc est, vita sanctimoniam.*

*Hunc fructum non adferunt Ministri Evangelici:*

*Ergo non sunt veri Evangelij ministri.*

DECIMA DEMONSTRATIO.

*Ministris veris DEVS cooperatur, & sermonem confirmat sequentibus signis.*

*Ministris Evangelicis nunquam est cooperatus DEVS, neq. sermonem eorum confirmavit sequentibus signis:*

*Non sunt igitur veri ministri.*

NODVS



# NODVS GORDIVS

SEV

Devocatione Ministrorum Disputatio.

*IN QVA DECEM DEMONSTRATIONIBVS OSTENDITVR Ministros Evangelicos, non esse veros verbi Dei & Sacramentorum ministros.*

## CAPVT I.

*Disputationem de vocatione Ministrorum maximè necessariam esse.*



Nodum Gordium iurè dixerim esse eā, *Inscriptio libri explicatur.* quæ de vocatione Ministrorum est, disputationem. Nam si semel eum nodum Evangelici dissolvere possent, facile finis imponderetur omnibus de Religione disputationib. Quorsum enim tot clamores excitantur de Missa, de vtraq; specio, de imaginibus, de Sanctorum inuocatione, de Purgatorio, & aliis fidei nostræ articulis? Statuatur semel, an qui hæc docent, sint veri Christi & Ecclesiæ Ministri, nec ne? & simul statuatur doctrinam eorum esse veram, vel falsam. Veri enim Ecclesiæ Ministri falsam doctrinā *Veri Ministri falsam doctrinā docent.* docere

*Veri Mini-* docere nō possunt, cū Deus nō nisi per Ministros  
*stri falsi nō* se cōstitutos nos doceat, & nobis loquatur: illos cō-  
*docent.* stituit Pastores & Doctores ad consummationē Sanctorum  
*Eph. 4. 12.* in opus ministerij, donec occurramus omnes in unitatē fidei  
*Ador. 10.* & agnitionis filij Dei. Illos posuit regere Ecclesiam Dei, quā  
*1. 18.* acquisiuit sanguine suo: illis obediendum praecepit, ita ut  
 nīquis eos audierit, habendus sit sicut Ethnicus & Publicanus. Nomine enim Ecclesiae Prælatos & Ministros  
*Matth. 15.* Ecclesiae eo loco intelligi omnes fatentur. quibus  
*1. 17.* etiam ibidem dicitur: *Quaecumque alligaueritis super  
 terram, erunt ligata & in cælis: & quaecumque solueritis  
 super terram, erunt soluta & in cælis.* Quare si veri Mi-  
 nistri falsum docere possent, Deo ipsi ea falsitas tri-  
*1. Thef. 2.* bueretur, cū per illos nobis loquatur DEVS: &  
*1. 13.* velit, ut verbum illorum, non ut verbum hominum, sed  
*2. Cor. 5.* ut vere est verbum Dei, accipiamus. Et: *Qui vos audit, me  
 1. 10.* audit: qui vos spernit, me spernit. Quare Paulus non  
 dubitat dicere: Pro Christo legatione fungimur tanquam  
 Deo exhortante per nos: nempe DEVS ponit verba sua  
 in ore hominum, & ore ac verbis hominum nobis lo-  
 quitur; ceterosq; nos reddit, ut quam illorum dictis  
 fidē adhibuerimus, sibi ac Christo fidē nos adhibere,  
 nobis persuadeamus.

*2. Cor. 12.* Noluit Ecclesiam suam instituere Christus, ut  
*1. 29.* omnes in ea essent Doctores & Pastores. sed quos-  
 dam posuit Doctores, alios voluit esse discipulos:  
 quosdam dedit Pastores, alios voluit esse oves Pa-  
 storibus suis subiectas & obediētes, quod certē  
 constare non possēt, si à Doctoribus & Pastori-  
 bus suis decipi, & in errorem induci possent, neque  
 enim eorum iudicio & imperio securē quis acquies-  
 cet, quos cogitat fallere posse. Quare si eam fidei re-  
 gulam

gulâ sequamur, ut veris Christi & Ecclesiæ Ministris fidem certâ adhibeamus, facillè intelligemus, verum esse, quicquid veri Dei & Ecclesiæ Ministri docent. siue doceant Missam, siue Sanctorû inuocationem, siue imaginum vsum, siue quæuis alia dogmata de quibus hodie inter nos & Hæreticos controuertitur: & sic breui compendio de omnibus controuersis disputabimus, si de vocatione Ministrorum disputationem instituerimus; eoque solo responso ignea tela aduersariorum extinguemus, si illos non legitimos Ministros Ecclesiæ demonstrauerimus, quibus proinde docentibus non sit fides adhibenda. Ex altera verò parte Ecclesiæ Catholicæ Ministros vera docere de Sacramentis, Sanctorum & imaginum cultu, remissione peccatorum, eò quòd sint veri & legitimi Dei & Ecclesiæ Ministri.

*Disputatio de vocatione Ministrorum est breue compendium omnium controuersiarum.*

Decem igitur demonstrationes adferemus, quibus sicut clarissimè ostenditur Ministros Euangelicos non esse veros & legitimos ministros: ita Catholicos Ministros veros esse atque legitimos. Porro hæ demonstrationes non ducentur ex rebus æquè magis incertis, uti aduersarij facere sat ineptè & insulè solent. interrogati enim an sint veri Ministri? respondent: ita. siquidem verum Dei verbum doceant, quod æquè incertum est ac illud, an sint ipsi veri Ministri. & qui illos negat esse veros Ministros, negabit pari ratione eos esse veri verbi Dei doctores. Vnde & disputationis status non seruetur, cum transitur à materia in materiam: & cum disputatio instituitur de vocatione Ministrorum, ea relicta, disputatur de verbi Dei vera intelligentia quod quid aliud est, quàm declinare à proposita & suscepta materia dis-

*Propositio libri.*

putatio-

*Unde Mi-  
nistri veri  
sunt inue-  
stigandi, &  
Unde pro-  
posita con-  
trouersia  
sic deducenda.*

disputationem, & aliò se transferre? Vt igitur intra terminos propositæ disputationis maneamus, inuestigare debemus veros Ministros ex proprijs ipsorū notis in scriptura traditis, & ex propria eorum officij ratione. Verbi causa. Ministros legitimos scriptura vult esse à Deo vocatos, ritè ordinatos, potestate multiplici præditos ad remittenda peccata, ad Sacramenta administranda, ad sacrificium offerendum, ad prædicandum Dei verbum: Vult prætereas esse Ministros non cuiusvis Ecclesiæ, sed illius duntaxat quam Christus ædificauit supra petram, cuique Spiritū veritatis promisit vt maneret in ea in æternum. Præterea ex fructibus eorum eos esse cognoscendos dicit. qui fructus præcipuè est sanctitas & integritas vitæ. Miracula denique sunt cœlestia de ministris testimonia. Ex his igitur tanquam ex proprijs deriuanda erit controuersia, Catholicinè an Euangelici Ministri sint veri ac legitimi?

### PRIMA DEMONSTRATIO.

*Quicumque legitima vocatione & missione est destitutus, non potest esse legitimus Euangelij minister.*

*Ministri Euangelici sunt legitima vocatione & missione destituti.*

*Non sunt igitur legitimi Euangelij ministri.*

### CAPVT II.

*Nullum legitimum Euangelij Ministrum dici posse, qui sit legitima vocatione & missione destitutus.*

*Per totum  
Ministrorum  
vacatio  
ex scri-  
ptura ostenditur.*

**P**rima & præcipua Ministrorum nota est, diuina vocatio, electio, missio, quam tanti facit commendatque scriptura, vt nemo qui ea est destitutus in Ministrorum numero & ordine censeri debeat.



debeat. Sunt tria illustria loca quæ id docent.

Primus est ad Hebr: *Nec quisquam sumit sibi honorem, sed qui vocatur à Deo tanquam Aaron. Sic & Christus non semetipsum clarificauit vt Pontifex fieret, sed qui locutus est ad eum: Filius meus estu, ego hodie genuite, quemadmodum & in alio loco dicit: Tu es Sacerdos in æternum, secundum ordinem Melchisedech.* Affirmat hic Apostolus, neminem sibi (hoc est propria autoritate) posse assumere honorem & officium Ecclesiasticum, nisi fuerit vocatus, non quomodocumque, sed ad eum modum quo Aaron. Legimus autem Aaron iussu & mandato Dei à Moyse consecratum & constitutum Sacerdotem esse, ab eoque potestatem omnem, in his quæ sunt ad Deum, accepisse. quasi nefas sit ea quæ Dei sunt, in populo Dei tractare nisi iussu, imperio, & mandato Dei. At longè maius & illustrius est Christi ipsius exemplum. Si enim is cum Deus esset, & Dei veri filius, noluit seipsum clarificare vt Pontifex fieret, sed à Patre clarificari debuit, & testimonium suæ vocationis accipere; quanto minus id conuenire potest alijs Ministris, nisi diuino testimonio suam vocationem ostendant. Quam etiam ob causam Christus dicere non dubitauit, Iudæos peccatum non habituros fuisse, si ipsi non crederent, nisi opera admiranda, quæ nemo alius fecit, fecisset. *Si opera,* inquit, *non fecissem in eis, qua nemo alius fecit, peccatum non haberent.* Quod si Christus verus Dei filius sine miraculis credi sibi noluit, neque quenquam ad credendum sibi obligare: multò minus alijs diuinam vocationem ore crepantibus, fides adhiberi debet; nisi certum aliquod eius rei testimonium ostendant.

Alter locus est ad Rom. *Quomodo verò predicabunt,*

B

nisi

Hebr. 5. 4

Leuit. 8.

Ioan. 15.

1. 24.

Rom. 10.

*Rom. 10. nisi mittantur, sicut scriptum est: Quam speciosi pedes euangelizantium pacem, euangelizantium bona.* & δὲ ἰσχυρὸν ἐστὶν Apostolo, ut quis prædicandi officium assumat; nisi sit legitimè missus. *Quomodo, inquit, prædicabunt?* ac si diceret: non potest id vlllo modo fieri, est que impossibile. Quod si tantus Apostolus, modum non inueniebat quo id fieri posset; quis alius inueniet? Neque verò id nudè solùm asseruit, (quod satis esset) verum etiam testimonio scripturæ ex Isaia adducto, confirmavit. *sicut inquit, scriptum est: Quam speciosi pedes euangelizantium pacem.* Nimirum pulchri gressus & speciosi pedes eorum sunt, qui veniunt ordinatè, & legitimè missi; eorum verò pedes nunquam speciosi erunt, qui currunt licet legitima missione destituti. Pulchrum enim semper est ordinem obseruare, superioribus potestatibus obedire, & ab ijs potestatem in se derivatam habere.

*Ierem. 23.  
v. 21.*

Tertius locus est apud Ieremiam: *Non mittebam Prophetas, & ipsi currebant, non loquebar ad eos, & ipsi prophetabant.* Conqueritur hoc loco Deus de Prophetis non missis, caputque querimonie in eo solùm constituit, quòd non missi à Deo, cucurrerint & prophetarint, & officium sibi assumpservint, quòd Deus illis non imposuit. Ideoque gravissimè illis comminatur: *Ecce inquit, ego cibabo eos absinthio, & potabo eos felle.* Quam pœnam proculdubio nullus effugiet, qui seipsum intruserit in Ministri officium, Divina vocatione prætermissa.

*Idem probatur ratione.*

Potest idem ratione quoque explicari. Omnium enim opinione graviter delinquere is censetur, qui alienum officium, maximè verò publicum sibi usurpat. Nam & Magistratui, cuius est officia constituere, grauem

grauem infert iniuriam, & populo, quem in re non levis momenti decipit. Quod tantò grauius censerì debet, cùm in rebus non quibuscunque, sed ad salutem ipsam spectantibus contingit deceptio. Certe si quis legati officium, quasi à Principe missus esset, sibi fumeret, non solum nihil sua legatione efficeret quod ratum & validum esset; sed etiam grauissimè puniretur. Atqui Ministri teste Apostolo, sunt legati Dei, qui pro Christo legatione ad homines funguntur, tanquam Deo exhortante per illos. *2. Cor. 5. v. 20.* Grauißimum igitur scelus est cum Dei & hominum iniuria coniunctum, ministerium & legationem salutis assumere, citra Dei electionem & vocationem.

Adde quòd sicut in ore eorum, quos vocat & mittit Deus, Spiritus sanctus insidet, & ore eorum, loquitur, iuxta illud Christi promissum: *Non vos estis qui loquimini, sed Spiritus Patris vestri qui loquitur in vobis.* Et: *Spiritu s. inspirati loquuti sunt sancti Dei homines.* ita *Matt. 10. v. 20.* vicissim in ore Ministrorum, qui à Deo missi non sunt, insidet spiritus mendacij, iuxta illam visionem Eliæ, de qua 3. Reg. 24. vbi spiritus mendax ad decipiendum Achab, accepta à Deo potestate, ait: *Egreddi- ar, & ero spiritus mendax in ore omnium Prophetarum eius.* *3. Reg. 24. v. 22.* Et dicit Dominus: *decipies & praualebis, egredere, & fac ita.* Procul dubio enim propheta Achabi, non erant à Domino missi; neque Dominus posuit verbum in ore ipsorum, ideo spiritus malus occupauit os illorum ad decipiendum verbis mendacij.

## CAPVT III.

*Ministri Evangelici destituti sunt immediata à Deo missione.*

**C**VM satis cõstet, sine vocatione & missione Diuina nullũ posse esse legitimũ Ministrũ: videa-

*Missio duplex.* mus an ministri Euangelici suam vocationem & missionem ostendere possint. Ac in primis missio in sacris literis duplex inuenitur. altera immediata; cum quis immediatè à Deo mittitur: altera mediata; cum quis mittitur ab his qui à Deo missi sunt, seu à Pastoribus Ecclesiæ ordinarijs. Illa dicitur missio extraordinaria; hæc ordinaria. Deus ordinariè homines per homines gubernat; Ecclesiam per suos Pastores & Episcopos. Dicant igitur Ministri Euangelici, num immediatè à Deo sint missi, vel mediatè? Si dicant immediatè se missos à Deo: producant diuinum testimonium. Nam neque Deus quempiam misit vnquam sine publico testimonio: neque in re tam graui nudis verbis cuiusquam æquum est fidem adhibere; præsertim in tanta multitudine falsorum Ministrorum, qui omnes se à Deo missos iactant.

*Deus nullum immediate misit sine publico testimonio.* Porro Deum, nullum misisse immediatè sine publico testimonio, manifestum est exemplis noui ac veteris Testamenti. Cum enim Moysen ad populū suum mitteret, Moysesque diceret ad Dominum: *Non credent mihi, neque audient vocem meam, sed dicent: Non apparuit tibi Dominus:* Dñs dedit illi in testimoniū virgā q̄ cum proijceret, vertebatur in serpentē, cum resumeret, vertebatur in virgam: eaque virga Moyses plurima deinceps miracula patrauit. Prophetæ cum mitterentur; spiritus prophetiæ datus est illis in testimoniū, quo futura prædicebant: & multa præterea miracula diuina potestatē faciebant. Ioannem Baptistam cum vti Christi præcursores & prænuncium Deus mitteret, multis quæ in eius natiuitate acciderunt miraculis illustrauit; vt omnes mirarentur & dicerent: *Quis putas puer iste erit, quia manus Dei erat*

CUM

cum illo? Et quamuis ille deinde miraculum nullum fecisse legatur: vita tamen ipsius Angelica tam sancte, & laudabiliter acta, fuit vnum magnum miraculum: ita, vt ob hanc sanctitatis opinionē crediderint multi, vel saltem suspicati fuerint, ipsum esse Christum & Messiam. De Christo paulò ante diximus, quòd non solum publicum de cœlo testimonium à Patre habuit in Baptismo & Transfiguratione: sed etiam plurimis miraculis suam missionem comprobauit. Et quidem dixit: *Si non facio opera Patris mei, nolite credere mihi: si autem facio, & si mihi non vultis credere, operibus credite.* Et: *Si opera non fecissem in eis, quæ nemo alius fecit, peccatum non haberent.* Denique Christus mittens Apostolos in mundum, dedit illis virtutem miracula faciendi. *Domino cooperante, & sermonem confirmante sequentibus signis.* vt non esset prædicatio illorū in persuasibilibus humana sapientia verbis, sed in ostensione spiritus & virtutis.

Ioan. 10.

ψ. 37.

Ioan. 15.

ψ. 24.

Mar. 16.

ψ. 24.

1. Cor. 2.

ψ. 4.

Verum quamuis tot exempla deessent, res ipsa loquitur in retanti momenti, quæ Religionem concernit & salutem nostram: non posse, nec debere cuius fidem facile adhiberi, dicenti se à Deo missum esse. Dicunt enim hoc idem omnes Hæretici: dicunt Ariani Caluinistis se à Deo missos esse: nunquid illis fidem habebunt? nunquid à Caluino ad Ariū se transferent? Quare nec illis credendum erit, nisi quod dicunt, probauerint diuino aliquo testimonio. Sanè filij huius sæculi sunt prudentiores filiis lucis in generatione sua. Si quis enim veniat in ciuitatem, vt in ea Magistratum gerat, aut bona ciuitatis illius vsurpet: ante omnia requiruntur ab eo litteræ Regiæ, diploma priuilegij, quod etiam diligenter excutitur & examina-

Non facile  
credendum  
est quicquid  
dicunt se mis-  
sos esse à  
Deo.

tur. At in ea re, in qua salutis cardo vertitur, si veniat Minister Euangelicus fidei antiquæ doctrinam & Sacramenta euertens; neque quæritur an sit legitime missus: neque si asserat se à Deo missum, alia probatio exigitur: sed simplicibus verbis, veluti diuino oraculo creditur; & quam temeritatem nullus in rebus ciuilibus admitteret, ea in re omnium grauissima passim à plerisque admittitur.

*Occurritur  
obiectioni.*

At inquirunt, Ministros Euangelicos probare se à Deo missos, quia prædicant verè verbum Dei, & reijciunt quæ sunt verbo Dei contraria. Verùm misti peruertunt regulam Apostoli: Non enim ex prædicatione missio, sed ex missione prædicatione probanda esset. Disertè enim Paulus asserit: *Quomodo prædicabunt, nisi mittantur?* Prius est mitti, quàm prædicare: & qui legitima missione destitutus est, nō potest prædicandi munus assumere; vt ideo prædicatione eius suspecta esse debeat, qui prædicat cū non sit à Deo missus. Deinde dum ita se tuentur, vnum incertum probant ex alio magis incerto, quod est ineptissimum probationis genus. Incertum enim est, Ministros Euangelicos esse missos: at longè incertius est, quod verum Dei verbum prædicent; cū certum sit ex scripturis, eum qui missus non est, non prædicare legitime verbum Dei. Quare cū signum debeat esse certius re illa cuius est signum: prædicatione non potest esse signum missionis, cū sit illa incertior. Prædicatione enim legitima à legitima missione dependet. Vnde in hac probatione admittitur quædam petitio principij: cū id pro ratione adfertur quod ipsam est in controuersia. Magis enim & præcipue est in controuersia, an Ministri verè prædicent verbum Dei: vt  
enim

*Prædicatione  
non potest  
esse signum  
missionis.*

enim hoc sciamus, quærimus an sint legitimè missi. Non igitur ex prædicatione rectè demonstratur missio: sed ex missione prædicatione. Denique in hac probatione offertur ratio, de qua populus, & ij qui salutis remedium forte quærerent, iudicium ferre nullo modo possunt. *Scriptura enim propria interpretatione non fit, ut docet Petrus, & cum in scripturarum interpretatione sint tot hominum iudicia quot capita: nullo modo fidelibus constare poterit, quæ potissimum interpretatio sit vera: nisi prius constet eum, qui illam interpretatur, esse à Deo missum. Quare prouocare ad scripturarum interpretationem, est populo & singulis de plebe deferre iudicium de scripturis, & earum vera intelligentia, quod est omnium errorum seminarium. Quod si nec dum aduertant aduersarij, quàm sit infirma hæc probatio: reputent apud se, Arianos simili ratione probare posse se esse à Deo missos: quia nimirum verum Dei verbum prædicant. Quam probationem cum non suscipiant Calvinistæ ab Arianis afferri solitam: neque Catholicos æquum est admittere à Calvinistis.*

*Scripturæ  
interpretati-  
onem esse  
cunctis.*

## CAPVT III.

*Philippi Mornei refellitur responsio.*

**P**hilippus Morneus Gallus in suo tractatu de Ecclesia ait, non exigenda esse à Ministris Euangelicis miracula: tum quia non nouam Religionem inducunt, sed antiquam restaurant & reformant: tum quia Sathanas à Christo Domino exigebat miraculū. *Sis filius Dei es, mitte te deorsum: cui Christus non miraculo satisfecit, sed ex scripturis respondit: Scriptum est, non tentabis Dominum Deum tuum.* Pharisæis etiam, cum

*Mornei rationes cur  
miracula  
à Ministris  
Euangelicis  
requiri  
non debeant.*

1. 1. 1.

cum

cùm eijcerentur è templo, interrogantibus, *in qua potestate hæc faceret*, respondit exscriptura: *Domus mea, domus orationis vocabitur.*

*Refellitur  
Mornei pri-  
maratio.  
Reformare  
Religionem  
nemo potest  
nisi Voce.  
tur à Deo.*

Sed errat Morneus. Nam satis manifestè ex scripturis ostendimus, neminem posse sibi honorem assumere, nisi qui vocatus sit tanquam Aaron, neminem posse predicare, nisi qui mittatur. Quare ne ad reformandam quidem Religionem posse sibi quenquam usurpare potestatem, nisi qui vocatus sit à Deo & missus. Nunquid si hæc licentia semel concedatur vnicuique reformandi ad libitum Religionem, non emergent subito innumeri reformatores; qui vti varijs hæresibus imbuti erunt: ita varias inducere reformationes molientur. Velint Ariani reformare Calvinistas, certè Calvinistæ debebunt talibus reformatoribus obedire, si ad reformandum non est opus speciali vocatione & missione divina. Quare necessario fatendum est, si quis se dicat esse à Deo missum ad reformandum, debere proferre miracula, vel alia de cælo testimonia: neque æquum est in re tanti momenti, nudis tantùm cuiusque verbis fidè adhibere. Cùm enim multi veteratores & Hæretici sub specie reformationis deformare Ecclesiam possint, & corrumpere potius quàm instaurare, inficere magis quàm repurgare: quis non videt ad reformandam Religionem opus esse diuino testimonio;

*Ordinarii  
pastores cū  
reformant  
Ecclesiam  
cur non te-  
neantur pro*

Nam etsi ordinarij Pastores cùm Ecclesiam, ad quā regendam à Spiritu sancto positi sunt, pro ratione sui officij & potestate ordinaria reformare volunt, non debent exhibere miracula, nec interrogari in qua potestate hæc faciunt, cùm constet illos esse magistratum legitimum diuina ordinatione ad regendam



regendam Ecclesiam institutum: quomodo Helcias <sup>ferre mira-</sup> sacerdos sub Iosia rege, librum legis restituit, & idola <sup>cula, quod</sup> ex templo profligauit: Esdras quoque populo Baby- <sup>tenentur</sup> lone reuerso, cultum Dei restituit nullo nouo mira- <sup>facere ex-</sup> culo facto, sed ordinaria qua præditus erat potestate; <sup>traordina-</sup> tamen si ij qui non sunt ordinarij Pastores, Ecclesiã <sup>rii.</sup> reformare velint, debent omnino interrogari, in qua potestate hæc faciunt. Et cùm potestatem ordinariã non habeant, ostendant extraordinariã testimonio aliquo diuino, vel miraculo. Ni id faciant, manifestum erit indicium, istos reformatores esse deformatores, & corruptores veræ Religionis, Angelos Sathanæ, transfigurantes se in Angelos lucis. Certè si in Republica priuatus aliquis hanc provinciam reformandi sibi assumeret, eamque ob causam legitimum Magistratum oppugnaret, ab eius obedientia subditos auerteret, nouas leges antiquis sublatis conderet: nonne omnium iudicio talis, turbator pacis, communis & Reipublicæ hostis haberetur? Quid ni igitur <sup>Ministri</sup> Ministri eodem loco habendi sint, qui neque <sup>sub specie</sup> a Deo missi, neque ordinaria potestate præditi, sed <sup>reformatio-</sup> merè priuati homines ad reformandam Religionem <sup>nis sunt</sup> accedunt, & sub specie reformationis seditiones & <sup>turbatores</sup> bella ciuilia in Ecclesia Dei excitant, & homines ab <sup>pacis com-</sup> obedientia suorum legitimorum Pastorum, & ab <sup>munis.</sup> antiqua mille sexcentorum annorum fide auertere conantur.

Deinde prudentes viri consent ad reformationem in Republica tum demum accedendum esse, quando mala quæ Respublica patitur, non alicuius dumtaxat (qui decipi potest) iudicio, mala sunt, sed omnium consensione, vt nullus sit qui diffiteri possit

C

mala

*Hæretici ti-  
tulo refor-  
mationis ea  
impugnant  
qua semper  
in Ecclesia  
bona fue-  
runt.*

mala esse. At si quæ vocent Reipublicæ mala, quæ  
semper pro bonis in Republica sunt habita: illi non  
Rempublicam reformare, sed nouis rebus de suo statu  
deturbare proculdubio volunt. Talis est causa Euan-  
gelicorum, qui sub specioso titulo reformationis ea  
sibi oppugnanda acceperunt, quæ semper in Eccle-  
sia Dei pro bonis sunt habita, quæque ipsis testibus  
historicis Magdeburgensibus, omnibus & singulis  
sæculis suos autores & propugnatores viros grauissi-  
mos atque sanctissimos habuerunt, Missam dico, ve-  
ritatem corporis Christi in Eucharistia, Sanctorum  
inuocationem, ignem Purgatorium, & similia. Non  
possunt igitur reformationis colore suas fraudes con-  
tegere: neque quod in rebus ciuilibus à nullo magi-  
stratu tolerari posset; hoc istis in Ecclesia licere  
debet.

*Pastores  
Ecclesia  
Catholica  
in quo sese  
reformatio-  
nem noluit.  
Non subito  
ad reforma-  
tionem ve-  
niendum  
est.*

At inquirunt; Quid facto opus est cum Episcopi &  
Pastores ordinarij pro officio non reformant? Re-  
spondemus, nihil facto opus esse dominis Euangeli-  
cis, & omnino à tali reformatione abstinendum.  
Pastores enim Ecclesiæ Catholicæ, non ideo refor-  
mationem Euangelicam nolunt, quia nollent videre  
reformatam Ecclesiam: sed quia reformatio, quam  
urgent Euangelici, non est reformatio, sed deforma-  
tio, contraria verbo Dei, doctrinæ, & traditioni Apo-  
stolorum, sensui & consensui Ecclesiæ per hos mille  
sexcentos annos recepto. Neque enim si quæcunque  
alicui videantur in Republica mala, statim ad refor-  
mationis remedium veniendum, sic enim innume-  
ris perturbatoribus pateret via ad Rempublicam re-  
formationis prætextu perturbandam; semper enim  
inueniuntur malè sana capita, quibus multa non pro-  
bantur,

bantur, sed opus est ut mala sint certò mala; quæque non aliquibus tantum, sed omnibus mala esse videantur; maximè ijs qui ex officio Rem publicam gubernant, eiusque incolumitati prospiciunt.

Iam quod ait Morneus, Sathanæ exigenti à Christo miraculum denegatum: miror sanè Morneum non intellexisse Christum non cuius poscenti & tentanti debuisse miraculum edere; multò minus Dæmoni, cum non ad dæmones, sed ad homines fuerit missus, & hominibus non dæmonibus, miraculis suam missionem probare debuerit. Ex iure etiam habetur: Non legitime interroganti, non debetur legitimum responsum. Quare cum Christū eijcientem de templo vendentes & ementes, interrogarent Iudæi: *Quod signum ostendis nobis quare hæc facis?* non est tergiversatus Christus, sed dedit eis signum suæ resurrectionis: *Soluite*, inquit, *templum hoc, & in tribus diebus excitabo illud.* Et interrogantibus summis Sacerdotibus, Scribis, & Senioribus: *In qua potestate hæc facis, & quis dedit tibi hanc potestatem?* proposuit & ipse illis interrogationem de baptismo Ioannis: *an esset de celo, vel ex hominibus?* qua interrogatione tacitè produxit testimoniū de se Ioannis. Intelligebant enim Iudæi: si baptismus Ioannis de coelo erat, ( uti negare non poterant ) credendum esse Ioanni, Christo testimonium perhibenti. Quare etsi Christus Dæmoni miraculum exposcenti non edidit miraculum, tamen hominibus exposcentibus suæ missionis rationem, & miracula protulit, & alia de coelo testimonia. Deinde & illud considerare debuit Morneus, non debuisse Christum quovis loco, quavis occasione miracula edere ad probandam suam missionem, sed

*Refellitur  
Mornei se-  
cunda ra-  
tio.*

satis est quod suo tempore & loco ea ediderit. Adde, miracula sine necessitate poscere, est tentare Deum: tale fuit illud miraculum quod Dæmon à Christo exigebat, & ideo illud edere noluit, protulitque scripturam, *Non tentabis Dominum Deum tuum.*

Sed pergit Morneus probare, frustra à Ministris Evangelicis expeti miracula, tum quia si Angelus è cœlo nouum afferret Euangelium, stupendum esset miraculum, & tamen non esset ei fides adhibenda: tum quia si Evangelici faciant miracula, vel illis crederent Catholici, vel non: si non crederent, frustra postulant miracula: si crederent: pari ratione crederent Antichristo instructo Sathanæ miraculis.

*Aliapro-  
ponuntur  
Morneus ra-  
tiones.*

Respōdeo, nō frustra nos à Ministris exigere miracula, nēpe nō vt illis credamus, sed vt non credamus. Quia enim nulla miracula edere possunt; ideo nullā fidē merentur: nec habendi sunt tanq̃ homines à Deo missi, cū Deus nullum miserit sine miraculorum testimonio. Iam quod Apostolus ait, si Angelus de cœlo nouum Euāgelium adferret: non loquitur tanquam de re possibili, sed tanquam de re impossibili. Sicut ergo impossibile est, vt Angelus de cœlo nouum Euangelium adferat: ita nullo modo fieri potest, vt Euangelium quod prædicatum est, sit falsum. Simili ratione cū petit, an si ederent miracula, fidem illorum doctrinæ haberemus, sermo est de re impossibili. Sicut enim impossibile est, vt ipsi edant miracula: ita impossibile est vt eorum doctrinæ fidē habeamus. Nam non solum nulli vnquam, qui certò Evangelici habentur, ediderunt miracula: sed neq; edere possunt. Deus enim non potest sibi esse contrarius: cumque tot pro fide Catholica ediderit miracula;

cula; nulla potest pro Euangelicis edere. Antichristi verò miracula falsa & mendacia, quia permissurus est Deus: idèd præmonuit fideles tot ante sæculis, ne quenquam deciperent.

At quia hæc Morneo non satisfaciunt, profert tandem pro Euangelicis miracula. Maximum, inquit, miraculum est, quod vnus Monachulus (Lutherum intelligens) solo Dei verbo totum imperium Babylonicum à fundamentis concussit, & regna integra à Papæ tyrannide liberauit. Hoc, inquit, miracula omnia longissimo interuallo superat.

*Harotico-  
rum mira-  
culum à  
Morneo p.  
positū intro-  
ducitur.*

Ostendit sanè Morneus, quanta copia miraculorū abundant Ministri Euangelici, cū rem omnium absurdissimam & maximè omnibus Euangelicis pudendam miraculi loco producit. Eia igitur si hoc miraculum est; miraculum quoque erit illud Arij, qui solo Dei verbo pestilentissimam contra Filium Dei hæresim in orbem Cbristianum inuexit; aut Mahumetis, qui tot nationibus suam sectam longè absurdissimam persuasit. Similia sunt aliorum quoque hæresiarcharum miracula, non ad ædificationem; sed ad destructionem. Deinde, anne miraculum dici potest, vnus Monachus excucullatus, qui fidem Deo datam & iuram violauit: qui virginem Monialem Deo dicatam, sacerdos ipse & solenni castitatis voto obstrictus, sacrilego matrimonio sibi copulauit: qui omnibus hominibus frena ad omnem libidinē laxauit; cū in sermone suo Wittembergenfi non fuerit veritus dicere: Si non vult vxor, veniat ancilla: cū præcepta Dei esse seruatu impossibilia, maximè verò præceptum, Non concupisces, asseruit: cū opera pœnitentiæ nihil prodesse ad salutem; sed hy-

pocritam hominem coram Deo facere; cætera verò operabona omnia esse peccata mortalia & damnationedigna; & sexcenta alia absurdissima docuit: qui à dæmone Euangelium didicit, à quo post multiplicem de missa disputationem, tandem victus est. Hic, inquam homo, non miraculum, sed horrendum monstrum & prodigium dici debet: scilicet talis Euangelij, talis Apostolus & Euangelista.

*Lutherus  
cum nonnullis  
la regna in  
fecit.*

Iam verò quid mirabile videatur, quòd nonnulla regna, & nonnullas Prouincias suis erroribus infece- rit: mundo enim valde arridet Lutheranum Euangelium, quod totum carnale est & delicatum, quod ieiunia tollit, pœnitentias & afflictiones ridet, præcepta Dei seruatu impossibilia docet, vota castitatis relaxat, ab obedientia legum quarumuis homines per libertatem Euangelij liberat, & innumera alia quæ carni & sanguini placent, proponit. Si Lutherus prædicationem exemplo Ioannis, Christi, & Apostolorum à pœnitentia orsus fuisset: sanctam viam quæ ducit ad vitam docuisset: si castitatem seruandâ, ieiunia, pœnitentiam in cinere & cilicio, in fletu & planctu prædicasset, ad eaque omnia, exemplo pœnitentiæ præiuisset, sicut alter Ioannes Baptista, habens *vestitum de pilis camelorum, & zonam pelliceam circum lumbos suos, non manducans neque bibens*; verè magnum miraculum fecisset, si ad tale Euangelium homines conuertisset. At non Lutherani Euangelij sunt hæc miracula; nihilque facilius est quàm destruere, & deteriora quæque persuadere, ad quæ homines naturali quasi pondere satis ex se propendent.

*Lutherus  
non euerit  
imperium  
Papæ.*

Denique Morneus cum gloriatur Lutherum verbo Dei Papæ imperium euerisse, quod ipsum propheticum

phetico quasi spiritu gloriabatur adhuc viuens Lutherus; *pestis eram viuens, moriens ero mors tua, Papa*: falso gloriatur. mentita enim est iniquitas sibi, & in ore prophetæ inuentum est mendacium. Non solum enim non euerit imperium Papæ Lutherus, nec viuens, nec moriens; sed etiam nullo vnquam tempore amplificatum est magis, quàm eo ipso quo Lutherus illud oppugnare aggressus est. Cùm enim Lutherus nonnullos à Christi vera fide auerteret, excitauit Deus sibi populum nouum in vtraque India Orientis & Occidentis; vbi amplissima & potentissima regna ad Christi & Ecclesiæ Romanæ fidē accesserunt, & accedunt in dies magis, sacerdotum Catholicorū opera & laboribus. Quod si Lutherus tanto fidei propagandæ zelo tenebatur, cur se ad illas gentes non contulit cum suis Ministris? cur gentes atroces, barbaras, antropophagas, luce sui Euangelij non illustrauit? cur animam suam preciosiorem tot hominū salute habuit? multum proculdubio nobis probasset suam doctrinam, si eam suo sanguine more Apostolorum cruentasset; sed blandum & carnale Euangelium ad eò duram probationem non requirit.

## CAPVT V.

*Vocationem & missionem ordinariam, Ministri Euangelici probare non possunt.*

**Q**uemadmodum Ministri Euangelici non possunt ostendere se esse à Deo immediatè missos: ita neque mediatè, hoc est ab ordinarijs Pastoribus Ecclesiæ, quæ est missio ordinaria. Pastores enim & Episcopi positi à Spiritu sancto regere Ecclesiam Dei, cū potestate regendi, potestatem quoque mittendi Ministros

*Pastores  
Ecclesiæ  
beni potesta-  
tem mittendi  
ministros.*





nistrationis Sacramentorum , & oblationis externi sacrificij, non sunt omnes Sacerdotes. Alias non esset opus ( quod Paulus ait ) *omnem pontificem ex hominibus assumi, & pro hominibus constitui, ut offerat dona & sacrificia*: possetque quilibet contra doctrinam Pauli, sibi sumere honorem ministerij, etiamsi non vocaretur à Deo sicut Aaron: frustra que diuersa ministeria essent à Spiritu sancto constituta in Ecclesia; quod tantoperè vrget Apostolus. Sicut enim *in uno corpore omnia membra non eundem actum habent*: ita in corpore Ecclesiæ non omnes habent idem ministerium. Et sicut corpus non est vnum membrum, sed multa; ita & ministeria multa. *Nunquid omnes Doctores?* quod si omnes Pastores, vbi erunt oues? si omnes Doctores, vbi erunt discipuli? si omnes Sacerdotes, vbi populus? Ibidem etiam docet apostolus hæc ministeria & diuisiones gratiarum & ministeriorum distribuere Spiritum sanctum, cui vult. Non igitur omnes sunt Ministri, sed quibus id datum est à Spiritu sancto. Ex quo consequitur mittendi officium non spectare ad populum, nec ad quosuis fideles; sed ad solos Episcopos, ad quos solos spectat secundum scripturas regimen Ecclesiæ Dei. Sic Paulus tanquam Episcopus, constituit Titum & Timotheum Episcopos, iisdemque vt pari ratione alios constituerent, præcepit.

Proferant igitur Evangelici Ministri, à quibus Episcopis sint missi, vel qui sint illi à quibus potestatem acceperunt ministrandi Sacramenta, prædicandi Dei verbum, & animas Christi sanguine redemptas regendi. Nam tantarum rerum administratio, sine legitima potestate fieri non debet. Vsurpare verò potestatem sibi à nullo legitimè communicatam,

*Non omnes fideles esse sacerdotes. Hebr. 5.*

D est



est non solum grande scelus; verumetiam in ruinam & praeiudicium plurimorum, qui miserè decipiuntur, putantes se à legitima potestate gubernari, cum omni fructu talis potestatis careant. Dicant à quibus duplicem illam potestatem, qua ministri officium continetur, acceperunt: potestatem inquam iurisdictionis & ordinis.

*Responsum  
haereticorum  
argetur.*

Respondent Evangelici, non ut aliquid dicant; sed ne nihil dicere videantur. Habere quoque se suos Ministros & Superintendentes, à quibus tanquam à Pastoribus ordinarijs vocantur, & mittuntur alij Ministri. Recte sanè. Verùm illi Superintendentes, à quo missi sunt? à quo potestatem regendi Ecclesiam, & alios mittendi, acceperunt? Hæc enim potestas cum sit spiritualis, & Spiritus sancti propria; non datur nisi ab ijs, quos ipse Spiritus sanctus per legitimam ordinationem & consecrationem posuit Episcopos regere Ecclesiam Dei. Vel igitur dicti Superintendentes à talibus Episcopis sunt ordinati & missi, vel non: Si negent: actum erit de vocatione & missione ipsorum: cum sine missione legitima, nullus possit esse legitimus Minister: tantundemque sit à nullo mitti, & mitti ab eo, qui nec ipse missus sit, nec po-

*Vocatio Lutheri & missio.*

testatam alios mittendi à Deo accepit. Si affirmant: probare non possunt. Nam omnes Ministri & Superintendentes Evangelici à Luthero cœperunt, qui non solum Episcopus non erat, sed etiam abnegatus Presbyter & Monachus, Et quamvis aliquando fuit legitime vocatus & missus, cum Monachus & Concionator esset: tamen huic vocationi & missioni factus Apostata, renunciauit; & ab Ecclesia omni potestate priuatus fuit, per excommunicationem & ministerij ablatio-

*Lutherus  
per excommunicationem priuatus est omni potestate.*

ablationē. Habetenim Ecclesia potestatem ministros & mittendi, & reuocandi; & sicut potest ministris potestatem conferre: ita & auferre, prout ad bonum regimen animarum expedire iudicauerit. Deinde, vocatio & missio prior Lutheri cōsistebat in potestate sibi commissā, non ad scripturas peruertendas, non ad hæreses disseminandas, sed ad verbum Dei secundum sensum & consensum Ecclesiæ Catholicæ, & totius Christianitatis prædicandum, & Sacramenta secundum ritum & consuetudinem Ecclesiæ Catholicæ administranda. Quod, quia ille non præstitit, vocationem suam deseruit, & potestate sibi commissā non est functus in ijs omnibus, quæ in gratiam Euangelicorum fecit. Quare sicut si legatus, præter potestatem sibi concessam à Principe, aliquid aliud audeat decernere, vel etiam ijs, quæ sibi commissæ sunt, contraria faciat: is proculdubio non dicetur ad talia missus, neque legati potestate in ea parte functus. Ita Lutherus, quia ad ea quæ fecit, nullā ab Ecclesia potestatem habuit: idē nullo modo in ijs legatus aut missi officio fungi censendus est, sed illud potius deseruisse, & illi renunciassē existimandus.

Morneus responder primos Ministros Euangelicos presbyteros fuisse Lutherum, Zuinglium, Oecolampadium, Bucerum: Presbyteros autem idem esse quod Episcopos, & potestatem manuum imponendarum habere. Quare eandem esse vocationem Ministrorum, quæ Catholicorum Sacerdotum: tam quoad ministeriū verbi Dei & Sacramentorum, tam quoad aliorum ordinationem.

*Mornei responsio.*

Ita respondere solent, qui nil habent quod respondeant. Nullo enim modo satis est ad vocationem &

*Excursus & solutio.*

D. 2. missio;

missione Diuinā, ut quis sit Presbyter. Alias si Presbyter omnes hæreses doceret, & omnes diuinas ordinationes euerteret, censeretur debere vocatus & missus à Deo. Si ita res habet: Arius quoque & omnes hæresiarchæ erant vocati & missi à Deo, si quidem omnes ferè fuerint presbyteri. Luce verò meridiana clarius est, vocationem diuinam non esse ad errores docendos; sed ad fidem veram prædicandam. Presbyteri quidem eo quòd Presbyteri sunt, habent potestatem ordinis, qua Sacramenta conficere secundum diuinam ordinationem possint: eamque retinent etiam Hæretici & Apostatæ facti, (quamuis ea sine peccato uti non possint:) non habent tamen potestatem iurisdictionis, qua uti in fideles veluti in subditos possint, eosque gubernare ac regere; nisi quatenus ab Ecclesia illis communicatur, hoc est ab Episcopis, quibus data est potestas regendi Ecclesiam Dei, quibusq; subsunt nō alij solūm fideles, sed & Presbyteri.

*Regimen  
omnium &  
singulorum  
non perti-  
net ad pres-  
byteros  
singulos.*

Et sanè res ipsa loquitur, regimen omnium & singulorum fideiū nō spectare ad singulos Presbyteros: neq; singulis Presbyteris esse subiectos oēs per totū mundū fideles. Vnde & Petr. in sua Epist. ait: *Pascite qui in vobis est gregem*, non omnē inquit, sed *qui in vobis est*. Alias innumeri essent pastores & rectores earundem ouium: nempe tot, quot Presbyteri. Quod non solū bonam gubernationem non redderet; sed etiam confusionem & perturbationē pareret; quam semper secum affert plurium gubernatio. Et sanè si aduersarij nolunt totius mundi regimen concedere Petro & eius successoribus, quomodo id audebunt concedere omnibus & singulis Presbyteris? & si vñ Papam ferre non possunt, quomodo ferent tot Papas, quot Presbyteros? Con-

Concludo igitur, Presbyteros eo quod Presbyteri sint, non habere potestatem iurisdictionis in fideles, nisi quatenus eis ab Ecclesia conceditur. Cumque ad missionem requiratur præter potestatem ordinis, potestas etiam iurisdictionis; non satis est Lutherum Presbyterum fuisse, seu potestatem ordinis habuisse; nisi etiam ostendatur habuisse potestatem iurisdictionis ab Ecclesia sibi communicatam eo tempore, quo quintum Euangelium docere cœpit. Hanc proculdubio ei non concessit, imò excommunicando ipsum abstulit. Quem enim à cœtu fidelium eiecit; sine dubio etià à ministerio verbi & Sacramentorū amovit. Præterea potestas, quam Ecclesia concedit suis ministris, est ad prædicandum Dei verbum, secundum sensum & consensum Sanctorum & Ecclesiæ Catholicæ, non secundum proprium Prædicantis iudicium. Lutherus autem usurpauit sibi potestatem contra sensum & consensum Ecclesiæ, & omnium sanctorum Patrum scripturas exponendi. Non igitur hanc potestatem habuit ab Ecclesia. quare priorem quam habuit ab Ecclesia, amisit; quam verò sibi usurpauit, non habuit, nec habere potuit ab Ecclesia; ideoque nullo modo (quoad illam) missus ab Ecclesia cenferi debet. Nam sicut in civilibus cum legato potestas confertur; præscribitur etiam modus potestatis, ita ut nec omnia, nec omni modo possit: ita & in Ecclesiastico ministerio. Aliàs non tam legitima potestas dicenda esset, quàm infinita licentia Ministrorum.

*Lutherus  
non habuit  
potestatem  
iurisdictionis.*

Deinde dicant aduersarij, quo tempore Lutherus legitimè fuerit vocatus & missus. Eò tempore quo prædicauit ut Catholici: an postea cum quintum

*Arguitur  
aduersarij.*

Euangelii docere coepit? Si primum asserant, sequitur Catholicorum Sacerdotum esse legitimam vocationem. Si secundum, quis Episcoporum illum tum miserit, cum omnibus Episcopis & Pastoribus ordinariis repugnaret, & ipse fateatur solum se initio fuisse, in præfatione Tomi primi.

*Respondetur Morneus.*

Iam cum inquit Morneus, Lutherum vocatione suæ satis fecisse, purum Dei verbum docendo, Catholicos verò non satis facere, licet eandem vocationem habeant. Respondeo, imò verò nō satis fecit vocationi suæ Lutherus in prædicando Dei verbo. Vocatus enim erat ab Ecclesia ad docendum Dei verbum, non suo sensu, sed Ecclesiæ & Sanctorum Doctorum sensu & consensu, & ad talem prædicationem fuit missus ab Ecclesia: ipse verò huic muneri non satisfecit, sed aliud sibi officium usurpauit contra sensum & consensum Ecclesiæ, scripturas interpretando, & proprium iudiciū pro verbo Dei prædicando. Quare non nostri deserunt suam vocationem, cum docent Dei verbum secundum constantem sanctorum Patrum, & totius Ecclesiæ intelligentiā; ad hoc enim sunt vocati & missi: sed Lutherus deseruit, cum aliud Euangelium prædicauit, ab eo diuersum, ad quod prædicandum fuit missus.

*Lutherus suam Vocationem deseruit. Exemplum Morneus soluitur.*

Nam quòd dicunt fuisse missum ad prædicandum purum verbum Dei; non negamus: sed negamus purum esse verbum Dei, quod quis contra communem sanctorum sensum & consensum interpretatur. Rectè enim monuit Petrus: *Scripturam propria interpretatione non fieri; sed Spiritu sancto inspiratos, locutos esse sanctos Dei homines.* Neque iuuat Morneum gubernatoris exemplum, qui vocationi suæ tum satisfacit, cum

cum non secundum corruptelas legum; sed secundum puram legem gubernat civitatem. Id enim verum est; quando quæ existimantur corruptelæ, sunt veræ corruptelæ, non ipsius solius iudicio, sed totius Reipublicæ. At si Respublica, tota pro veris legibus habeat, quas gubernator censet corruptelas legum: is certe minimè vocationi suæ satisfaceret, si proprium sensum sequendo, contra comunè sensum Reipublicæ, leges mutaret vel abrogaret, vocans eas temerè legum corruptelas. Talis fuit Lutherus, qui corruptelas dixit ea, quæ tota Ecclesia Catholica à Spiritu sancto edocta, per totos mille sexcentos annos habuit pro articulis fidei. Ex his quæ hætenus dicta sunt infero, Ministros Evangelicos nullo modo legitimos esse, eo quod diuina vocatione careant, & suam missionem nullo modo probare possint.

## SECUNDA DEMONSTRATIO.

*Veri & legitimi ministri ritè ordinari & consecrari debent.  
Ministri Evangelici non sunt ritè ordinati & consecrati.  
Non sunt igitur legitimi ministri Evangelij.*

## CAPVT VI.

*Ministros Evangelicos non esse legitimos ministros, quod non sint legitime ordinati & consecrati.*

**M**inistri Evangelici non ideo solum non sunt legitimi Ministri, quod non sunt à Deo vocati & missi; (quod satis esset) sed etiam quia non sunt ritè ordinati & consecrati. Tàm diuinum enim & sanctum officium est, quod Spiritus sanctus imposuit veris ministris; vt ad illud opus sit consecratione & ordinatione. Nam & Christus ipse cum à Patre mitteretur

*Veri ministri sunt cōsecrandi & ordinandi.*

Ioa. 10.

teretur in mundum, sanctificatus est, diuinæ personæ vnione. *Quem pater sanctificauit, & misit in mundū. Et præcursor Christi Ioannes, agnum Dei digito monstraturus, vt tanto munere dignè fungeretur, sanctificatus est, & repletus Spiritu sancto in vtero materno. Et Apostoli cū eos mitteret Christus in mundum, Spiritum sanctum acceperunt. Insufflauit enim in eos, & dixit: Accipite Spiritum sanctum, quorum remiseritis peccata, remittuntur eis. Apostoli verò quos ordinabant in Episcopos & Presbyteros; sollenni cerimonia impositionis manuum, dabant illis Spiritū sanctum. Nam cū constituisent Apostoli per singulas ciuitates Presbyteros, & orassent cum ieiunationibus. Gracè habetur* χαριστοποίησιν, hoc est, cū per manū impositionem creassent Presbyteros, adhibita oratione & ieiunatione. quod hucusque in quatuor temporibus ordinationum seruat Ecclesia Catholica. Et Paulus eadem cerimonia ordinauerat Timotheum & Titum, diuinam illis gratiam conferendo. Quare & Timotheum admonet: Resuscita, inquit, gratiam Dei, quæ est in te, per impositionem manuum, quam etiam gratiam vocat ibidem spiritum virtutis, & dilectionis, &

Act. 14.

v. 22.

2. Tim. 1.

v. 8.

1. Tim. 4.

v. 14

Per imposi-

tionem ma-

nuum da-

tur spiritus

sanctus.

sobrietatis. Et: Noli negligere gratiam qua in te est, quæ data est tibi per prophetiam, (hoc est per reuelationē.) cum impositione manuum Presbyterū. Et sanè manifestū est in actis Apostolorum, impositionem manuum fuisse ceremoniam, qua Apostoli dabant Spiritum sanctum. quod & Calvinus tandem fassus est 4. Institutionum, c. 14. § 20. & c. 19. § 24. Quare & Paulus Timotheū monet: Manus nemini cito imposueris. quasi nefas sit tam sanctam ceremoniam adhibere cuius & facillē. Denique si in veteri lege ad ministranda illa ieiuna

ieiuna & nullam gratiam conferentia Sacramenta, opus erat ex diuina institutione & mandato, consecratione Sacerdotum ritu externo facta: quanto magis consecratione opus est, ad tam diuina mysteria, qualia sunt in noua lege proposita.

Porro legitima Ministrorum ordinatio & consecratio ita Episcoporum est propria, vt nulli præter ipsos possit conuenire. Quare quotquot ordinationes in scripturis legimus factas, à solis Episcopis sunt factæ. Paulus & Barnabas impositione manuum inter cæteros à Lucio Cyrenense, qui erat Episcopus Laodiceæ, ordinatus est. Timotheus ab Apostolo Paulo, cum impositione manuum Presbyterij, hoc est Episcoporum cœtu, vt Patres interpretantur. Paulus quoq; & Barnabas, Listris, Iconij, & Antiochiæ constituerunt Presbyteros per singulas Ecclesias. Timotheo Episcopo mandat Paulus: *Manus cito nemini imposueris.* Tito Episcopo præcipit: *vt constituat per ciuitates Presbyteros.* Extat canon Apostolorum, vt ab vno Episcopo Presbyteri ordinentur. Extat & vniuersalis Ecclesiæ consuetudo, cuius tot sunt testes, quot scriptores; vt ab Episcopis Presbyteri consecrentur: neque vnquam habita est vera ordinatio, quæ non esset ab Episcopis facta. Quare Aërius hæresis damnatus est, teste Epiphanio, hæresi 75. Et Aug. de hæres. cap. 53. eò quod Episcopum non differre à Presbytero docuerit. eumq; hoc argumento oppugnant Patres, quòd Episcopus ordinare possit Presbyteros, Presbyter non possit. Sicut enim alia est potestas Magistratus inferioris, cuius est immediate præesse ciuib; alia regia, cuius est creare ipsos Magistratus; Ita alia est potestas Presbyteri, cuius est

*Consecratio  
& ordinatio  
resolui possunt  
Episcopi.  
Act. 13. & 14.  
2. Tim. 1.  
1. Cor. 14.  
Tit. 1. & 2.*

E

mini-



ministrare fidelibus Sacramenta: alia Episcopi, cuius est creare ipsos Presbyteros. Tritum est illud Hieronymi in Epistola ad Euagrium: Quid facit Episcopus, (excepta ordinatione,) quod non faciat etiam Presbyter?

*Euangelici  
non habent  
consecratos  
ministros.*

His igitur constitutis, ostendant Euangelici suos Ministros esse legitimè consecratos & ordinatos. ostendere sanè non possunt: quia nec Episcopos, nec Sacerdotes habent (nisi Apostatas nostros.) Consecrationem etiam in Ecclesia Catholica factam, non solum non admittunt; sed etiam damnant, & in suis Ministris eluere eam atque eradere quàm maximè conantur. Et verò consecratio, per quam in Ecclesia Catholica ordinantur atq; consecrantur Sacerdotes, eò spectat vt conferatur Sacerdotibus duplex potestas; altera ad conficiendum & offerendum corpus & sanguinem Domini: altera ad remittenda peccata, quarum neutram agnoscunt Euangelici. Nam & corpus Christi fide tantùm existere in Sacramento arbitrantur, non potestate aliqua diuinitus data: & peccatorum remissionem à Sacerdote non effici, sed duntaxat declarari vel renunciari opinantur.

*Responsio  
Mornei.*

Respondet Morneus. Primos Euangelicos Ministros, Hussum, Lutherum, Zvinglium, Oecolampadium Presbyteros fuisse, ab iisque alios Ministros postea ordinatos & consecratos. Nam in veteri Ecclesia, Presbyteri & Episcopi vnum, idemque fuerunt, & potestas imponendi manus æquè Presbyteris & Episcopis conueniebat.

*Refutatur.*

Sed inauditum est in Ecclesia, vt ordinatio facta à Presbytero, qui non etiam fuerit Episcopus, rata & valida haberetur; imò pro hæresi habitum est, nihil

hil posse Episcopum, quod non possit Presbyter, v<sup>t</sup> in Aërij hæresibus notarunt Epiphanius & Augustinus. Et quidem, si de nomine Episcopi & Presbyteri loquamur, fatemur vltro non fuisse eam horum nominum distinctionem ab initio, quæ nunc est. *Olim inter nomen Epi- scopi & Presbyteri non erat distinctio.* Erat enim vtrumq; nomen vtriusq; commune, quod vel ipsa scriptura indicat. Nam quod Episcopi dicebantur Presbyteri, indicat Paulus ad Titum 1. *ut constituas per ciuitates Presbyteros*, hoc est Episcopos. Subiungit enim, *Oportet Episcopum irreprehensibilem esse.* Et: *Noli negligere gratiam qua in te est, qua data est tibi per impositionem manuum Presbyterum.* hoc est Episcoporum. Timotheus enim cum esset Episcopus, ordinatus fuit antiquissimo Ecclesiæ more à tribus Episcopis; quod Paulus vocat impositionem manuum Presbyterij. Nam simplex Presbyter, non à tribus sed ab vno ordinatur secundum canones Apostolicos. Sanctus etiam Ioannes 2. & 3. sua Epist. se seniore seu Presbyterum vocat, cum tamen Episcopus esset.

Quod verò vicissim nomen Episcopi tribueretur Presbyteris, probari videtur ex Act. 20. vbi Paulus maiores natu, hoc est Ephesinos Presbyteros alloquens ait: *Attendite vobis, & uniuerso gregi, in quo vos Spiritus S. posuit Episcopos, regere Ecclesiam Dei.* Quamuis enim inter maiores natu, seu Presbyteros Ephesinos esset quoq; Ephesinus Episcopus: tamen verisimile est alios fuisse Presbyteros, qui tamen comuni nomine vocantur à Paulo Episcopi. Et ad Philipenses scribens, oppidi illius Episcopos salutatur; cum tamē plures non essent eiusdem oppidi Episcopi, sed Presbyteri. Et Petrus Presbyteros seu Seniores alloquitur: *Pascite qui in vobis est gregem Dei.* Græcè est ἐπιδοκάζετε. *r. Petr. 2.*

1. Tim. 4.

Ratio autem reddi potest, quia ut notauit Theodoretus, Apostolorum tempore, veri Episcopi non Episcopi, sed Apostoli dicebantur: Presbyteri verò nomine Episcoporum appellabantur. Nam Rom. 16. Paulus, Andronicum, Apostolum vocat. Et Philip. 2. Epaphroditum, Apostolum Philippesium vocat, qui videlicet Episcopierant. Verum postea mutato Apostolorum nomine, Episcopi solum Episcopi, Presbyteri autem solum Presbyteri appellari cœperunt. Quare verisimile est, cum Paulus ait Dominum quosdam dedisse Ecclesiæ Apostolos, non illos primos solum intellexisse, sed vniuerse Episcopos. Hi enim propriè succedunt Apostolis, & hi positi sunt duraturi in Ecclesia, donec occurramus omnes in vnitatem fidei. Christum etiam vocat Apostolum & Pontificem confessionis nostræ, coniungens Apostolatam cum Pontificatu. Illos verò duodecim vocat magnos Apostolos, ad differentiam aliorum Episcoporum. Petrus etiam Actorum 1. cum proponeret de substituendo in Apostolatam Iudæ, citat scripturam: *Et Episcopatum eius accipiat alter.*

Episcopus  
& Presbyter  
distin-  
guuntur of-  
ficio & po-  
testate.

Iam verò si non loquamur de nomine, sed de officio, non est dubium duo esse officia & potestates essentialiter distinctas. Alteram ad ministranda cōmuniter fidelibus Sacramenta, quam non habent omnes Presbyteri. Alteram ad ordinandos ipsos Presbyteros, quam non habent omnes Presbyteri, sed solum summi Presbyteri, & summi Sacerdotes, quos iam vocamus Episcopos, vetus Ecclesia vocabat Apostolos. Quare cum in scriptura legamus Presbyteros imposuisse manus, non quoscunque Presbyteros intelligere debemus; sed illos tantummodo, qui erant summi

summi Sacerdotes & Episcopi. Sic & in veteri lege, alia erat potestas summi Sacerdotis & Pontificis; alia communium sacerdotum. Illa enim erat supra ipsos sacerdotes, quorum summus Pontifex erat & consecrator & iudex: hæc verò supra alios fideles duntaxat. Sic etiam in lege noua Paulus Episcopos constituit iudices Sacerdotum, cum mandat Episcopo; *ne aduersus Presbyterum recipiat accusationem, nisi sub duobus aut tribus testibus.* Sacerdotes verò alij non sunt iudices Episcoporum. Differtq; potestas Episcopi, à potestate Sacerdotis; tum in ordine, tum in iurisdictione. In ordine quidem, quia Episcopus iure diuino potest ordinare sacerdotes, & conferre illis potestatem conficiendi corpus & sanguinem Domini, & remittendi peccata, quam potestatem non potest conferre quiuis sacerdos. In iurisdictione autem, quia Episcopi præsentunt sacerdotibus, & sunt eorum iudices, & gubernatores, non è contra. Presbyteri etiam, ab Episcopis omnem iurisdictionem in fideles accipiunt, non ab ipsis Episcopis.

Ex quo patet, quòd quamuis principes Euangelicorum Ministri, Hussus & Lutherus, fuerint Presbyteri Ecclesiæ Catholicæ: quia tamen non fuerunt Episcopi, non poterant ordinare & consecrare alios Ministros. Nam Presbyteris in ordinatione ipsorum non est facta potestas, nisi consecrandi & offerendi corpus & sanguinem Domini, & peccata remittendi, vt patet ex forma ordinationis. Nunquam autem est facta potestas alios ordinandi aut consecrandi. Forma ordinationis vsitata in Ecclesia Catholica, ita habet: *Accipe potestatem offerre sacrificium Deo, Missasq; celebrare, tam pro viujs, quàm pro defunctis in nomine*

*Lutherus  
licet sacer-  
dos cur or-  
dinare non  
potuerit ra-  
tio prima.*

*Domini. Item: Accipe Spiritum sanctum, quorum remisisti peccata, remittuntur eis, & quorum retinueris, retenta sunt.* Hæc est tota potestas, quæ confertur in Ecclesia Catholica Presbyteris, in qua nihil de potestate alios ordinandi. Nullo igitur modo Hussus & Lutherus potestatem alios ordinandi habuerunt, ex eo quòd fuerint cõsecrati in Eccles. Catholica sacerdotes; cùm in ea consecratione nulla talis potestas conferatur ab Ecclesia.

*Occurritur  
obiectioni  
prima.*

Neq; dicant iure diuino conferri debere Presbyteris talem potestatem. Nam neq; hoc ius diuinũ probari potest villo modo ab aduersariis; neq; si probaretur, aliquid efficerent in proposito. Non enim querimus de iure, an Hussus & Lutherus debuerint esse sacerdotes cum potestate ordinandi alios; sed de facto, an de facto habuerint sibi talem potestatem communicatam. Cum igitur de facto illis non est cõmunicata ab Ecclesia Catholica; non habuerunt illam, quare neq; alios ordinare, neq; vllis potestatem alios ordinandi conferre potuerũt: aut igitur reordinandi erant, aut si non sunt reordinati, talem potestatem habere, & illa vti non potuerunt.

*Occurritur  
alteri.*

Dicent fortasse, ex institutione diuina potestatem ordinandi esse annexam Presbyteratui; ideoq; eo ipso quòd sunt Presbyteri, habere hanc potestatem. Nos contra dicimus, talem institutionem diuinam nõ exrare, cuius rei testis est per mille sexcentos annos Ecclesia Dei. Deinde etiam si annexa esset, tamen non conferretur, nisi in ordinatione specialis eius fieret mentio. Nihil enim in Sacramentis confertur, nisi q; forma Sacramentali significatur. & sicut non baptizaret, qui solũ perfunderet aqua, nõ adhibita verbo-

rum

rum forma: ita neque in ordinatione confertur alia potestas præter eam, quam formæ verba expressè representant. Nam etiam potestas remittendi peccata, est ex institutione diuina annexa sacerdotio, & tamè in ordinatione prius Sacerdos accipit potestatem conficiendi & offerendi corpus & sanguinem Domini: deinde ritu & forma distincta, accipit potestatem remittendi peccata: & nisi accederet hæc forma posterior; is qui ordinatur, haberet potestatem conficiendi & offerendi corpus Domini; non verò potestatem remittendi peccata. Pari igitur ratione, si nõ accedat tertia forma, qua tribuatur Sacerdoti potestas ordinandi & consecrãdi alios: is erit Sacerdos quoad duplicem illã potestatem, nõ verò quoad tertiam; quæ quidem propriè conuenit summo Sacerdoti. Summi enim Sacerdotis est, alios Sacerdotes creare & ordinare. Quamuis igitur hæc potestas annexa sacerdotio esset: tamen neq; cuius sacerdotio, sed summo duntaxat annexa esset: neq; cõuenire posset, nisi ritu & forma speciali (sicut & aliæ potestates) cõferretur. Quod quia cum Hussò & Luthero non est factum: ideo Hussus & Lutherus non habuerunt potestatem alios ordinandi.

Altera quoq; ratione cõsecratio & ordinatio Hussi & Lutheri, nihil iuuat aduersarios: quòd ea ordinatio & cõsecratio, quæ adhibetur in Eccles. Catholica, longè alio spectat quàm ad officiũ Ministrorũ Euangelicorũ. Spectat enim ad celebrandã Missã, & offerendũ corpus Domini, & peccata iudicialiter remittenda; quæ Ministri Euangelici detestantur cane peius & angue. Quare ea consecratio nihil iuuat Euangelicos Ministros: cùm ad officia propria ministrorum

*Ratio secunda.*

strorum non spectet; sed ad ea tantum, quæ Sacerdotibus Catholicis propria sunt. Quocirca ad officia Ministrorum, quæ ipsimet sibiipsis usurpant, carent legitima consecratione & ordinatione. Adde, si ad Catholicam ordinationem prouocant; cur ergo Calvinus eam asserit esse merum ludibrium? Cur Kemnitius in examine Concilij Tridentini de sacramento Ordinis, non magis ratam asserit, quàm Annæ & Caiphæ ordinationem temporibus Apostolorum? Cur Geneuenses duos è Gallia Episcopos, Trecentem & Niuernensem Geneuam profugientes, non prius ad sua sacra admiserunt, quàm reordinârunt, & characterem bestię Romanæ (sic enim pro sua modestia dicebant) quantum possent, eluerunt?

*Respondetur  
obiciēti,  
1. Tim. 4.  
9. 14.*

*1. Tim. 1.  
9. 18.*

*Cur Presbyteri cum Episcopo manus ordinatis imposuisse legantur: id non eò spectabat, ut manus impositione ordinarentur (ad id enim sufficiebat ordinatio Episcopi) sed ut ea veluti ceremonia testarentur, illos esse per impositionem manus ordinatos, & quod eorum ordinationem*

Iam quod Morneus scribit, impositionem manuum Presbyteris fuisse communem, errat: nisi eos Presbyteros intelligat, quibus præter Sacerdotalem dignitatem data est potestas alios ordinandi; quales Presbyteri, sunt Episcopi: eosque Paulus intelligit; cum loquitur de gratia cum impositione manuum Presbyterij. Sensus enim est; *Noli negligere gratiam qua est in te, qua data est tibi per prophetiam,* (hoc est per reuelationem. Reuelauerat enim Paulo Deus, ut Timotheum in Episcopum ordinaret, id quod etiam indicauit illis verbis, *secundum præcedentes in te prophetias.*) *cum impositione manuum Presbyterij.* hoc est Episcoporum. Quod si aliquando Presbyteri cum Episcopo manus ordinatis imposuisse legantur: id non eò spectabat, ut manus impositione ordinarentur (ad id enim sufficiebat ordinatio Episcopi) sed ut ea veluti ceremonia testarentur, illos esse per impositionem manus ordinatos, & quod eorum ordinationem

tionem raram haberent & sacram. Vident bene se ita rem habere aduersarij. Quapropter non semel ad nostros Episcopos confugerunt, ut ab iis manuum impositionem impetrarent. Id enim cum aliâs tum in Comitibus quibusdam Imperialibus fecerunt Protestantes; cum diu frustra contenderunt, ut Catholici Episcopi Misnensis & Nauburgensis, suis Ministris manus imponerent, ut refert Stapletonus de Princip. fidei, lib. 5. cap. 15.

Concludo igitur hanc secundam Demonstrationem; ex defectu ordinationis & consecrationis, Lutheranorum & Calvinistarum Ministros legitimos esse non posse. Sit itaque tertia demonstratio.

## TERTIA DEMONSTRATIO.

*Quicumque potestate remittendi & retinendi peccata carent, non sunt legitimi Euangelij ministri.*

*Ministri Euangelici carent huiusmodi potestate:*

*Non sunt igitur legitimi Euangelij ministri.*

## CAPVT VII.

*Ministros Euangelicos non esse legitimos ministros, quod potestate remittendi peccata careant.*

**M**agnam sanè dignitatem contulit Ministris suis Christus, cum eos diuinæ suæ potestatis participes fecit. Nam quemadmodum ipse cum ea potestate venit in mundum, ut hominibus peccata remitteret, quod solius diuinæ est potestatis; ita suis ministris eandem potestatem impertiuit; & ne id incredibile esset, Spiritum sanctum largitus est, ut eius diuina virtute remittere & retinere peccata possent. Accipite, inquit, Spiritum sanctum, quorum

*Christus sum  
ministrus de  
dei potesta-  
tem remis-  
sendi pecca-  
ta.*

*Ioan. 20.  
9. 23.*



remiseritis peccata, remittuntur eis, & quorum retinueritis, retenta sunt. Hanc potestatem in Sacerdotibus agnoscunt & adorant Catholici; ex eorumq; manibus, peccatorum remissionem & vitam æternam læti accipiunt, fide iubente pro eis Christo: quòd quæcunq; soluerint super terrâ, essent soluta & in cœlis.

*Potestas annuncians remissionem peccatorum impugnatur.*

*Peccata annuncians non Minister potest.*

At Evangelici nec agnoscunt hanc potestatem, neque ullum iudicium de peccatis remittendis vel retinendis admittunt. Ministris verò suis non aliam potestatem tribuunt, quàm annunciandi & prædicandi remissionem peccatorum, iis qui receperint Evangelium: iis verò qui non receperint, retentionem peccatorum. Quæ in re proprio iudicio, se & suos Ministros condemnant; cùm eis potestatem veram & iudiciariam remittendi peccata, quam Christus instituit, non concedunt. Et verò, si nihil aliud Christus contulisset ministris, nisi ut annunciant peccata esse remissa iis qui crederent, retenta illis qui non crederent: nulla esset Ministrorum ad eam rem necessitas, cùm quilibet id sine Ministro, vel ipse legere in scripturis posset, vel ab aliis qui non sunt Ministri discere, vel sibi ipse in mentem reuocare. Et tamen, Christus potestatem remittendi peccata non concessit, nisi ministris; dato eis propterea Spiritu sancto. Non ergo id concessit, quòd quilibet etiam non minister facere potest, sed id quod nullus nisi minister, Spiritus sancti accepta potestate, facere potest.

Deinde nemo dixerit eum qui annunciat remissionem Dei de remissione peccatorum, propriè peccata remittere. Potest enim annunciare puer, femina, infidelis, imò & dæmon, vel etià psitacus, si doceatur:

ceatur: neq; tamen quisquam dixerit istos remittere peccata posse, aut ad id potestatem accepisse.

Accedit, quòd alia est potestas prædicandi, alia remittendi peccata: illā dedit Christus ascensurus in cœlum; hanc autem statim post resurrectionem. Cum potestatem prædicandi daret, non est usus vlla ceremonia, neq; impertiuuit Spiritum sanctū: at cū potestatem remittendi peccata tribueret; adhibuit ceremoniam insufflationis, qua designabat, plenitudinē potestatis se communicare Apostolis. Addidit autem, *Accipite Spiritum sanctum*: vt intelligeret Apostoli, rem istam esse eiusmodi, quæ sit proprium Spiritus sancti opus, & non nisi Spiritus S. potestate perfici possit. Data quidem est potestas Apostolis, *prædicandi Euangelium in remissionē peccatorum*: at nō eo sensu, vt prædicatio Euangelij sit remissio peccatorum; sed vt prædicando Euangelium, prædicentur & media à Deo instituta ad consequendam remissionem peccatorum; qualia sunt Sacramenta. Sicut enim Petrus postquam prædicasset Euangelium, & illi qui audierant compuncti essent corde, non sola prædicatione remisit eis peccata; sed iussit eos *pœnitentiam agere, & baptizari in remissionem peccatorum*. Ananias etiā Paulo post prædicationem, ostendit baptismum ad peccata ablunda; *Exurge, & baptizare, & ablue peccata tua*. ita & Ministri Euangelici non debent sola prædicatione remittere peccata; sed prædicando ostendere viam & media à Deo instituta, ad obtinendam remissionem peccatorum. Et sicut ad remittenda peccata ante baptismum commissā, institutum est Sacramentum baptisani: ita ad remittenda peccata post baptismum admissa, institutum est Sacramentū

*Alia potestas prædicandi alia remittendo peccata*

*Luc. 24.  
9. 47.  
Modus quo Euangelium remittit peccata.*

*Act. 2, 9. 37  
Abor. 22.  
9. 19.*

absolutionis; potestate Spiritus sancti ad absolvendum concessa.

*Explicatur  
Apostolus.  
1. Cor. 5.  
9. 19.*

Quo etiã modo intelligi debet illud Apostoli: *Posuit in nobis verbum reconciliationis. pro Christo ergo legatione fungimur, tanquam Deo exhortante per nos, obsecramus pro Christo, reconciliamini Deo.* verbum enim reconciliationis, est annuntiatio diuinæ beneuolentiæ, qua vult nobis reconciliari per media ab ipso instituta; nempe per Baptismum & Pœnitentiam. Et hanc Dei voluntatem Apostoli tanquam diuini legati nobis annuntiârunt, obsecrantes, vt reconciliaremur Deo per media ab ipso constituta. Nusquam verò auditum est, vt Apostoli reconciliarent homines Deo sola prædicatione, relictis Sacramentis & mediis à Deo institutis. Denique Christus ipse mittens Apostolos, primùm iussit eos prædicare Evangelium, tum baptizare. Non igitur nuda prædicatione remittit peccata; sed ostendit, vbi sit, & per quæ media quærenda peccatorum remissio.

*Matth. 28.  
19.*

*Ex Verbis  
Christi probatur potestas iudicialis remittendi peccata.*

Iam si ipsa Christi verba, quibus hanc potestatem Apostolis tribuit, expendamus; non potest esse vllum dubium, quin veram & iudiciariam potestatem peccata remittendi concesserit Apostolis. Ita enim primùm ait: *Sicut misit me Pater, & ego mitto vos.* nempe cum qua potestate misit me Pater, cum eadē ego quoque vos mitto. Nonne Pater misit Christum in mundum cum vera & iudiciaria potestate peccata remittendi? An Christus non verè remittebat peccata, sed declarabat duntaxat & annunciabat? Sanè cùm paralytico dixisset: *Remittuntur tibi peccata.* cùm ea res blasphema audientibus videretur; quasi rem soli Deo propriam, Christus sibi vsurpasset: Christus

*Matth. 9.*

rem

rem non negavit, sed nouo miraculo confirmauit. *Ue* inquit, *sciatis, quia filius hominis habet potestatem in terra dimittendi peccata*, ait paralytico: *Surge, tolle lectum tuum, & uade in domum tuam.* Quo miraculo persuasit turbis, ut crederent, & glorificarent Deum, qui dedit potestatem talem hominibus. Cum hac igitur potestate, quam ipse habuit, non annunciatoriam aut prædicatoriam; sed iudiciariam & effectiuam remissionis peccatorum, misit Apostolos in mundum. Neque verò dubitari potest illis verbis: *sicut misit me Pater*: designari eandem potestatem, cum id satis explicet mox data Apostolis potestate.

Deinde insufflando, hoc est plenitudinem potestatis & Spiritus sancti communicando ait: *Accipite Spiritum sanctum.* Cum mitteret ad prædicandum Apostolos, non dabat Spiritum sanctum: quod prædicare non esset res eiusmodi, quæ facultatem humanam excederet, & ab hominibus præstari non posset. Potest enim prædicare quis, non solum sanctus, sed & malus, & hæreticus, & infidelis, & daemon. At cum potestatem remittendi peccata tribueret, dedit Spiritum sanctum: quod ea potestas, omnem hominum facultatem excederet; neque sine Spiritus sancti virtute fieri posset: utque intelligeretur, homines non sua, sed diuina Spiritus sancti potestate id facturos: neque incredibile id videretur; cum Deo & Spiritui sancto nihil sit impossibile. Quare iniuriam faciunt Spiritui sancto Euangelici; cum censent homines virtute Spiritus sancti non posse remittere peccata.

*Cur ad prædicandum Spiritus S. non est datus Apostolis, sed ad remittenda peccata.*

Tertiò, cum ait: *quorum remisistis peccata, remittuntur* *Remissio peccatorum*

in cœlo & nō  
dependet.

*tuntur eis.* Voluit dependere remissionem peccatorum in cœlo & apud Deum, à remissione peccatorum in terra. Sicut & Matth. 18. ait: *Quaecunque solveritis super terram, soluta erunt in cœlo.* Voluit hoc modo loquendi indicare remissionem & retentionem peccatorum in cœlo, sequi retentionem & remissionem factam à Ministris in terra. Atqui annunciationem remissionis peccati, non sequitur remissio in cœlo, sed præcedit. prius enim est peccata esse remissa in cœlo, quàm annunciari remissa in terra. Non igitur de annunciatione remissionis peccatorum, Christus egit; aliàs tum dicere debuisset, non *quorum remiseritis, remissa sunt*; sed *quorum remissa sunt peccata, remittatis eis.* hoc est, annuncietis remissa. Et verò, vel Ministri annunciant peccata remissa, antequam sint remissa; & tunc falsò annūciant: vel postquam sunt remissa, & tunc prius peccata remittuntur in cœlis, quàm Ministri ea remittant, siue annuncient remissa in terris: neque constare poterit, quod ait Christus, id Deum remissurum esse in cœlis, quod illi remittant in terris.

Denique solvere & ligare, remittere, & retinere, aperire cœlum & claudere, sunt actus potestatis; nō verò actus prædicationis. cū igitur potestas tradita Apostolis, his actibus explicetur: certum esse debet, veram potestatem eis traditam; qualis est iudiciaria, ad remittenda peccata. Neque enim claves dantur, ad annunciantium apertam esse domum vel clausam; sed ad re ipsa aperiendam vel claudendam. Neque potestas ligandi aut solvendi datur ad annunciantium aliquem esse solutum vel ligatum; sed ad re ipsa solvendum vel ligandum. Pari igitur ratio-

ne

ne potestas ad remittenda & retinenda peccata est data, ad verè & re ipsa peccata condonanda & retinenda.

At inquirunt: *Nemo potest peccata remittere, nisi solus Deus.* Ita cogitarunt in cordibus suis Pharisei illi, cum Christum remittentem peccata paralytico audirent; & propterea eum blasphemare crederent: quibus Christus miraculo facto respondit, non esse blasphemiam, homines peccata remittere divina potestate. Quare & turbæ viso miraculo, glorificauerunt Deum, quod dederit talem potestatem hominibus. Certè ne hoc incredibile videretur hominibus, Christus cum hanc potestatem communicabat Apostolis, prius dixit: *Accipite Spiritum sanctum*: neque enim Spiritui sancto quidquam esse impossibile potest. Nam etiam quæuis miracula, facere, hominum facultatem excedit: & tamen ea homines Dei virtute facere possunt. Cur igitur & remittere peccata Dei nomine non possint, tribuente Deo ad id faciendum Spiritum sanctum?

Fuit eadem olim hæresis Nouati & Nouatianorum, qui cum Euangelicis sentiebant: Sacerdotes non remittere verè peccata, cum id sit solius Dei proprium. Quam hæresim Cornelius in Concilio sexaginta Episcoporum damnavit, vniuersa comprobante Ecclesia. Refellit eam hæresim Ambrosius 1. de Pœnit. cap. 2. his verbis: *Sed aiunt, se Domino deferre reuerentiam, cui soli remittendorum criminum potestatem reseruant. Imò nulli maiorem iniuriam faciunt, quam qui eius volunt mandata rescindere, commissum munus rescindere. Nā cum ipse in Euāgelio suo dixerit Dominus Iesus:*

*Hæresis eadem Nouati qua & Euangelicorum. Baron. Anno 255.*

*Acci-*

*Accipite Spiritum sanctum, quorum remisieritis peccata, remittuntur eis, & quorum retinueritis, retenta erunt. quis est qui magis honorat, utrum qui mandatis obedit, an qui resistit? Ecclesia in utroque servat obedientiam, ut peccata & alliget, & relaxet. Heresis in altero immittit, in altero inobediens; vult ligare quod non resoluat, non vult solvere quod ligavit. Idem Ambrosius in Psalmo trigesimo octavo, ait: Dominus quod ante erat iudicii sui dedit Apostolis, peccata remittendi aequitatem; ne cito soluenda, diu ligata manerent. Hec Novatianus non audiuit, sed Ecclesia Dei audiuit: non potestatem usurpamus, sed servimus imperio. Chrysost. 3. de Sacerdotio ait: Non solum nos regenerant Sacerdotes, sed & postea condonandum nobis peccatorum facultatem obtinent, iis quibus commissum esse, animae lepras non purgatas probare & ostendere, sed prorsus purgare. Hierony. in cap. 16. Matth. Episcopus vel Presbyter pro officio suo, cum peccatorum varietates audierit, scit qui ligandus sit, qui solvendus.*

*Ministri non  
habent po-  
testatem  
remittendi  
peccata.*

Iam igitur Ministri Evangelici fateantur se non esse legitimos ministros, eo nomine; quod potestate remittendi peccata careant, qua Christus ministros suos insigniuit. Eam illi neque agnoscunt, neque quantumvis agnoscerent, habere possunt: cum à legitimis Episcopis non acceperint ordinationem. Quare sicut Catholici plurimum suis sacerdotibus debent, quod inter cetera, ex eorum manibus peccatorum veniā, & Dei gratiam, & æternā vitam accipiant: ita Evangelici nihil planè suis Ministris eo nomine debent, cum & se tam divina potestate, & alios tā salutaris potestatis fructu priuent. Quare si quid auertere fidelē à secta Evangelicā debet, est id; quod peccatorum remissio, in qua salus animæ consistit, apud illos obtineri nullo modo possit.

Ne-

Neq; enim tueri se possunt, cū aiunt, ad Deum recurrendum, ab eoq; peccatorum veniam postulādam. Nam Deus ipse satis suam voluntarē indicauit, vbi nobis peccatorum venia quæreda sit; dando hominibus suam potestatem, & obstringendo se nobis diuina sua promissione; quod quæ ministri ab ipso instituti remiserint vel retinuerint in terra, ipse rata, esse habiturus in coelo. Quare sicut si quis ante baptismum veniam peccatorū à Deo postularer, neglecto baptismo ad talem veniā dandā instituto; is pculdubio frustra diuinā misericordiā imploraret, contemptis eius mandatis & constitutionibus: ita qui post baptismum in peccata lapsus, ad Dei misericordiam recurrere vellet, contempta potestate clauium, data sacerdotibus ad remittenda peccata, contempto iudicio sacramentali sacerdotū, contempta cōfessione: is nunquam misericordiā à Deo consequeretur. Neque verò spes illa in Deo, diuinæ bonitati innixa, dicenda erit; sed præsumptio: cū contra ordinem à Deo institutū, speratur Dei gratia & misericordia.

*Ad Deum  
recurrendū  
per media  
ab eo instituta.*

#### QVARTA DEMONSTRATIO.

*Ministri legitimi sunt Sacerdotes offerentes Deo Sacrificiū.*

*Ministri Euangelici non offerunt Deo Sacrificium Noui Testamenti.*

*Ergo non sunt ministri legitimi Noui Testamenti.*

#### C A P V T V I I I.

*Ministros Euangelicos non esse legitimos ministros, cū nō sint Sacerdotes offerentes Deo sacrificiū noui Testamenti.*

**R**eligio & Sacrificium ita sunt inter se cōiuncta, vt altero sublato, alterum tolli necesse sit. Ita

G

enim

*Sacrificiū  
est principium  
Religionis  
nūc actus.*



Nulla gens  
carebat sa-  
crificio.

enim Paulus ratiocinatur: *Translato sacerdotio*, (quod sine sacrificio consistere nequit) *neceſſe eſt ut legis translatio fiat*. Et meritò. Sacrificium enim eſt primus & præcipuus Religionis actus; quo Deum ita honoramus, ut eum ſupremũ Dominum & autorem omnium agnoſcamus, in eumq; finem quæ ab ipſo accepimus, ad ipſius honorem conſumimus: ut ea veluti ceremonia, totum ab ipſo accepiffe, & totum eidem nos debere profiteamur. Quare non eſt dubiũ ſummum eſſe religionis actum ſacrificiũ, & ſummo honore Deum priuari neceſſum erit; ſi priuetur ſacrificio. Quam ob cauſam nulla gens fuit ita barbara & à ratione aliena, quæ id numen qualecunque, quod loco Dei habebat, ſacrificio non coleret. Lex ipſa naturalis ſcripta in cordibus noſtris exigit, ut Deus ſummo honore, non interno ſolũ, ſed externo etiam, colatur. Summus autem externus honor eſt, Sacrificium; quo, quæ à Deo accepimus, tota & integra in Dei honorem impendimus atq; inſumimus. Quare & in veteri lege vario ſacrificiorum genere Deus coli voluit, quòd iſte eſſet ſummus honor qui ab hominibus ei præſtari poſſet. Multò verò magis id neceſſarium eſſe in lege noua cenſetur; in qua excellentior Dei cultus continetur. Sacrificium quoq; longè excellentius eſſe debet, niſi velimus concedere maiore Deo cultum in lege veteri, quàm in noua exhibitum eſſe; & honorem quem ex ſacrificiis legis veteris habebat, in lege noua non habere.

Eſt igitur legis nouæ ſacrificium vnicum quidem illud; ſed diuiniffimum, & omnia ſacrificia legis veteris longè ſuperans; nempe ſacrificium corporis & ſanguinis Domini; quo & Deo ſummus honor exhibetur.

hibetur, & nobis maxima beneficia impetrantur..  
 Quod etsi semel oblatum est in cruce pro totius mū- *sacrificium*  
 di salute: diuina tamen sapientia & bonitas inuenit *noua legis*  
 modum, quo semper, religionis causa, in altari offer- *unicum.*  
 ri posset, & nunquam consumi. Ego, dicebat D. An-  
 dreas Apostolus, Omnipotenti Deo, qui unus & verus est,  
*immolo quotidie, non taurorum carnes, neq; hircorum sangui-*  
*nem; sed immaculatum agnum in altari, cuius carnem po-*  
*steaquam omnis populus credentium, manducauerit, agnus*  
*qui sacrificatus est, integer perseuerat & uiuus.* Hoc igitur  
 tam diuinum sacrificium perficiendi & offerendi *Christus do-*  
 potestatem dedit suis ministris Christus Dominus, *dit potesta-*  
 ipse existens summus Sacerdos & Pontifex, & obla- *tem minis-*  
 tor huius sacrificij per manus ministrorum, qui eius *tris suis cō-*  
 nomine, eius verbis, eius potestate, hoc sacrificium *ficiendi sa-*  
 in terris administrant. *cificium.*

Quæ cum ita se habeāt, facile est decernere, num *Malach. 1.*  
 Euangelici Ministri vel nostri Sacerdotes sint legiti- *cap. 2.*  
 mi ministri? Ministros enim suos ornavit ea potesta- *Hanc nom-*  
 te Deus, ut ab ortu solis usque ad occasum, in omni loco sacri- *habent E-*  
 ficent & offerant nomini eius oblationem mundam. quem- *uangelicis*  
 admodum prædixit Malachias Propheta; illam in- *ministri.*  
 quam, Melchisedechianā & vnicam oblationem no-  
 ui Testamenti. Hanc oblationem cum non exhibe-  
 ant Deo Ministri Euangelici, sed nostri dumtaxat Sa-  
 cerdotes: sequitur non illos sed hos esse legitimos  
 Christi ministros, qui potestatem à Christo sibi da-  
 tam, & agnoscunt & exequuntur..

Vertunt se hic in omnes partes aduersarij, & pri- *Aduersarij*  
 mum aiunt: Nullū esse in lege noua aliud sacrificiū, *orā prima*  
 nisi illud quod in cruce oblatū est. Quasi verò & nos *restituto im-*  
*pugnauerit.*

*Nota duo  
de sacrificio  
noui Testa-  
menti.*

*Hebr. 9.  
9. 29.*

*Malach. 1.  
9. 11.*

aliud inducamus ab illo diuersum, & non illud potius, ad perpetuam Christi memoriam & cōmorationem, vti in cœna præcipit ipse Christus, renouemus & repræsentemus, Melchisedechiano modo & ritu, sub panis & vini specie. Duo enim habemus de sacrificio noui Testamenti, & quod vnicum esse debeat, & quod offerri nihilominus in omni loco, atque adeò in toto mundo debeat. Illud primum asseruit Diuus Paulus, qui etiam quoties de vno sacrificio agit; cruentum intelligit, eamque rationem affert, quia aliàs oporteret, i. Tuit, Christum frequenter pati, si vnum sacrificium in cruce factum non sufficeret. Hoc verò posterius asseruit multò ante Malachias, vbi prædicit non in vno, sed in omni loco ab ortu vsque ad occasum sacrificatum iri Deo, tot sacrificiis, quot locis. Quando verò id futurum sit, ostēdit manifestè, cū subiungit: *quia magnum est nomen meum in gentibus.* Et: *non est mea voluntas in vobis, dicit Dominus exercituum, & non suscipiam munus de manu vestra.* Nempe quando cessatura erant sacrificia Iudæorum, & gentes erant conuertendæ ad Deum, (quod futurum erat in lege noua.) Tunc in locum sacrificiorum Iudaicorum, successura erat oblatio munda in toto mundo Deo offerenda.

Hæc porrò oblatio munda non est alia, quàm oblatio corporis & sanguinis Domini: tum quia nulla alia est oblatio noui Testamenti, nisi oblatio corporis & sanguinis Domini: tum quia nulla alia oblatio est munda. Nam si de spiritali oblatione cordis nostri explicare voluerint: primum non aduertunt Prophetam non agere de sacrificio interno & spiritali, cū spirituale sacrificium æquè Iudæi tum  
offe-

offerrent Deo, sicut & gentes erant oblaturæ. Tale Explicatur  
Malachias. autem sacrificium prædicit futurum in omni loco, quale tunc non erat apud Iudæos. Expresse etiam loquitur de sacrificiis externis, quæ tunc Iudæi offerebant, in eorumq; locum ait substitutum iri sacrificium gentium. Quod Paulus explicans, inducit Christum loquentem: *Sacrificium & oblationem nolui-  
sti, corpus autem aptasti mihi;* indicans in locum veterum sacrificiorum, successisse sacrificium corporis Domini. Deinde sacrificium cordis nostri non est oblatio omni quaque munda. *Quis enim dicere potest, mundum est cor meum.* Et: *Si dixerimus quia peccatum non habemus, ipsi nos seducimus, & veritas in nobis non est.* Prou. 20.  
9. 9.  
1. Ioan. 1.  
9. 8. Sola igitur oblatio corporis Domini est ita munda, Heb. 9. 13 ut & nos emundare possit ab omni iniquitate. *Sic enim sanguis hircorum & taurorum, & cinis vitula aspersus, inquinatos sanctificat ad emundationem carnis, quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientias nostras ab operibus mortuis ad seruendum Deo viuenti.* Sacrificia  
legu quo-  
modo erant  
munda. Erant quidē & sacrificia legis suo modo munda; sed ad sanctificationem carnis, non spiritus; hoc est, mundiciem tantum carnalem & legalem, & quasi Politicam inducebant, ut quis non reputaretur pollutus secundum legem. At sacrificium Christi est mundum, ad sanctificationem Spiritus, & conscientię emundationem ab omni iniquitate.

Cum igitur duo habeamus in scripturis; sacrificium nouæ legis esse & vnum, & offerendum in omni loco; coniungenda sunt hæc duo ad hunc modum, ut vnum sit sacrificium, quia vnus & idem Christus est qui sacrificatur, qui semel quidem sa-

Quomodo  
vnu est sa-  
crificium et  
quomodo  
duo.

crificatus est cruentè, incruentè autem semper & in omni loco. Neq; propterea erunt duo distincta sacrificia. nam in hoc incruento illud idem quod fuit in cruce peractum, exhibetur & repræsentatur, eiusque tota vis & fructus nobis applicatur. Huius rei exemplum esse posset huiusmodi. Si esset testamentum, à testatore constitutum, manu & sigillo ipsius firmatum, sint alia deinde testamenta ex hoc primo & originali extracta: Nunquid hæc essent plura testamenta? minimè; Nam hæc dicuntur testamenta, quatenus illud vnum & primum testamentum exhibent ac repræsentant, eiusq; virtute operantur. Pari ergo ratione incruentum hoc Sacrificium exhibet, & repræsentat nobis illud principale Sacrificium in cruce peractum, eiusq; virtutem in nos diffundit, ideo non nouum & diuersum ab illo sacrificium; cùm & substantia, & virtute sit illud ipsum, ratione tantùm & modo offerendi diuersum.

*Offenditur  
ex Paulo  
Christum  
& in cælis  
esse sacer.  
dotem offe-  
rentem.*

Verùm non Malachias modò, sed & Paulus in dicta Epistola ad Hebr. in qua ostendit Christum semel se obrulisse, ostendit etiam semper habere quod offerat in cælis, existens tanquam Sacerdos secundum ordinem Melchisedech. Ita docet enim expresse in cap. 8. Postquam enim dixisset *¶ 1. talem nos habere Pontificem, qui consedit in dextera sedis magnitudinis in cælis*; & non quasi defunctus officio Sacerdotali, sed tanquam *Sanctorum minister*, τῶν ἁγίων λειτουργός. id est. sanctuarij illius cœlestis publicus Minister, officium suum sacerdotale publicè gerens. Subiungit deinde vers. 3. *Omnis enim Pontifex ad offerendum munera & hostias constituitur, cum concludit, unde necesse est. & hunc habere quod offerat: ita vt hoc argumento videatur*

deatur Apostolus eam totam ratiocinationem complexus. Omnis Pontifex ad offerendum munera & hostias constituitur, at noster Christus est Pontifex in cœlis residens, sanctuarij cœlestis Minister & Sacerdos factus, ergo in cœlis existens habere debet quod offerat & sacrificet Deo. In qua tota argumentatione Paulus de proprio & externo sacrificio agit, & probat Christum non solum sacrificasse in terris; sed etiam in cœlis modò sacrificare. In terris quidem sacrificavit cruentè semel; in cœlis autem sacrificium perpetuò offert tanquam Pontifex secundum ordinem Melchisedech. Ipse enim tanquam summus Pontifex residens in cœlis, per manus suorum ministrorum in terris, Deo Patri suum sacrificium sub specie panis & vini perpetuò representat.

Nam quod aiunt offerre preces pro nobis, & interpellare pro nobis: id minimè satis est; quia Sacerdos non instituitur propter preces, sed propter vera sacrificia offerenda. Nam preces etiam non Sacerdotes offerre possunt & debent: Sacrificia autem non nisi Sacerdotes. Christum verò in cœlo existentem, eo quòd sit Sacerdos, vult Apostolus debere habere quod offerat. Interpellare est quidem munus Sacerdotis; sed non nisi in sacrificio. Offerèdo enim sacrificium dicitur interpellare ad modum Sacerdotis; extra sacrificium verò, secundum modum duntaxat communem interpellat.

*Occurritur  
obediens.*

Deniq; Christus cùm sit Sacerdos secundū ordinē Melchisedech; sacrificare debuit secundum ordinem

&



*Si nō datur  
sacrificium  
nouæ legis  
sequuntur  
duo absur-  
da.*

*Genes. 14.  
6. 18.*

*Sacrificiū  
in cruce nō  
est propriū  
legis nouæ.*

*Hebr. 7.  
6. 11.*

*Aduersario  
rum secūda  
respōsio re-  
spondetur.*

& ritum Melchisedechianum: & cū sit Sacerdos in æternum; nunquam debuit defungi officio sacerdotis Melchisedechiani: ad hoc enim est Sacerdos, vt offerat, teste Apostolo. Atqui in cruce sanctificauit quidem Christus seipsum, non tamen ritu & forma Melchisedechiana. Nunquam enim cruentē sacrificauit Melchisedech, sed tantū panem & vinum obtulit, *cū esset Sacerdos Dei altissimi*. Necesse igitur est, vt cōcedatur sacrificium Melchisedechianum, quod sit proprium legis nouæ sacrificium. Aliās duo absurda consequuntur; Alterum, quod Christus Sacerdos secundum ordinem Melchisedech, nunquam sacrificauerit ritu & ordine Melchisedechiano. Alterum, quod lex noua est sine sacrificio; nam non satis est, quod Christus sacrificauit: sed etiā necesse est, vt hōmines sacrificent; ne Deus perpetuo honore, qui illi per sacrificium exhibetur, & homines perpetua religione, quæ in sacrificio (quod est præcipuus religionis actus) continetur, priuentur. Deinde sacrificium in cruce peractum, non est nouæ legis propriū, sed commune omnium temporū, sæculorum omnium & omnium hominū: cū Christus pro omnibus hominibus, omnium temporū seipsum sacrificauerit in cruce, quare si non sit aliud sacrificiū Melchisedech, lex noua erit sine sacrificio. Quomodo ergo verum erit, quod Paulus de lege veteri & noua loquens, ait: *Translato sacerdotio, necesse est vt legis translatio fiat*. nō enim translatum, sed penitus abolitum esset sacrificium in legis translatione.

Aiunt præterea, nusquā legi in scripturis Christū aut Apostolos tale sacrificiū obtulisse. At si diligētius inspicere velint, legere poterunt, sicut Ecclesia Catholica

tholica hætenus legit. Dico igitur Christū Dominū *Christum obtulisse sacrificiū crucientum* primum huius sacrificij autorem & institutorem fuisse, ipsumque primum in vltima cœna obtulisse, tunc nimirum cum disertis verbis asseueravit, se corpus & sanguinem suū dare, non solum nobis ad manducandum & bibendum; sed etiam pro nobis Deo in remissionem peccatorum. Dedit enim nobis corpus & sanguinem, vt sacramentum; dedit pro nobis vt sacrificiū. Verba Christi expressa sunt apud Lucam 22. *Hoc est corpus meum, quod pro vobis datur.* Expressiora apud Paulum: *quod pro vobis frangitur*, ita enim Græcus textus habet; τὸ ὑπὲρ ὑμῶν κλῶμενον. Licet enim idem sit, corpus Christi pro nobis frangi quod dari: tamen is modus loquendi indicat, corpus Christi sub specie panis pro nobis dari, siquidem à pane desumptus est. Panem enim frangere, vsitato in scriptura more loquendi est dare. Hinc illud: *Frange esurienti panem tuū*, hoc est, da. Ex eo porro consequitur, Christum pro nobis dedisse corpus suum in cœna sub specie panis, ac proinde obtulisse Deo, & sacrificasse.

Idem de sanguine pronunciauit Christus Matthæ 26. *Hic est sanguis meus noui Testamenti, qui pro multis effunditur in remissionem peccatorum.* Marci 14. *Qui pro multis effunditur.* Lucæ 22. *Hic calix nouum Testamentū in sanguine meo, qui (calix) pro vobis effunditur.* Quæ verba non solum significant in præsentī, effundi sanguinem, sed & sub specie vini effundi. Clarè enim apud Lucam habetur: Calicem sanguinis effundi. In Græco enim illud relatiuum *Qui*, nō ad sanguinē, sed ad calicem refertur. τὸ τοῦ ποτίζιον τοῦ ὑπὲρ ὑμῶν ἐκχυόμενον. hoc est, Hic calix, qui pro vobis effunditur. Sic igitur Christus Dominus sub specie vini effunde-

H - bat.



bat sanguinem pro nobis in vltima cœna. Et sane notandum est in Græco textu non legi vsquam in futuro, dabitur, tradetur, effundetur; sed semper in præsentî, sicut & in plerisque Latinis exemplaribus: vt intelligamus tunc fuisse sacrificium peractum antequàm illud in cruce inchoaretur.

*Apostoli  
obtuliss.  
sacrificium  
in cruentis  
probat.*

Quod ad Apostolos attinet: ij mandatum ab ipso Christo acceperunt hoc sacrificium offerendi. Dicente enim Christo; *Hoc facite in meam commemorationem.* intellexerunt se diuino præcepto obstrictos ad faciendum quod viderant Christum fecisse. Quemadmodum igitur Christus dabat corpus suum & sanguinem, & ipsis, & pro ipsis: ita & Apostoli idem facere tenebantur; & proculdubio fecerunt, quoties cœnam Domini celebrarunt. Quare & D. Paulus disertè meminit, *mensa Domini, & mensa Dæmoniorum,* nomine mensæ intelligens altare in quo immolabatur, hic Dæmoni, illic Deo; est enim altare mensa sacrificij. Et: *Habemus,* inquit, *altare, de quo edere non habent potestatem qui tabernaculo deseruiunt.* Quia enim dixerat, *melius esse cor stabiliri gratia quàm escis* mox subiunxit qualem escam in altari habeamus, *quàm edere non habent potestatem, qui tabernaculo deseruiunt.* Hæc esca non est Christus in altari crucis oblatus, hanc enim escam habent potestatem edere per fidem omnes homines tam fideles quàm infideles: sed est Christus in Sacramento; qui quidem est esca de altari; quia prius sacrificatur Deo, tum à fidelibus editur. Diuus Andreas Apostolus, cum idolis sacrificare noller, ait se quotidie Deo immolare agnum immaculatum in altari; quod Presbyteri Achaïæ testes oculati eius Martyrij de ipso scriptum reliquerunt. Excat D. Iacobi

*1. Cor. 10.  
v. 18.*

*Hebr. 13  
v. 12.*

cobi Apostoli Liturgia, qua etiam hucusque Græca Ecclesia suo tempore vtitur. Extat & in actis Diui Lucæ testimonium, cap: 13. v. 2. *Ministrantibus autē illi Domino, & ieiunantibus, dixit Spiritus sanctus: Segregate mihi Paulum & Barnabam.* Quomodo enim ministrabant Domino, nisi sacrificando? Nam ministerium verbi & Sacramentorum exhibetur hominibus, non Deo. Ministerium autem Deo exhibitum est sacrificium; maximè cum vox Græca λειτουργία non quodlibet ministerium, sed publicum duntaxat, seu publici officij ministeriū significet. Quod verò aliud ministerium ex officio quasi publico, Deo exhiberi poterat, nisi sacrificium? Quare & Erasmus, rigidus ille Catholicorum censor, vertit pro ministrantibus, sacrificantibus, & Græcis Missæ sacrificium dicitur Liturgia, seu ministerium publicum. Quod si quis dicat ministrando hominibus Sacramenta, ministrare se Deo, quia ad honorem Dei hominibus ministratur, ad eum modum quo Paulus ait: *Qui manducat, Domino manducat.* Respondeo id satis non esse. nam pari ratione dixisset, *ieiunantibus Domino*, cum etiam ieiunium ad honorem Dei & propter Deum fieret. non igitur de ministerio, quod exhibetur hominibus propter Deum, sed de ministerio sacrificij, quod exhibetur soli Deo, loquitur hoc loco D. Lucas.

*Obiectio  
soluitur.*

Aiunt tertio, irrogari maximam iniuriā sacrificio in cruce peracto. Respondemus, per sacrificium inconcruentum, non solum nulla infertur iniuria sacrificio cruento; sed etiam hoc maximè per illud illustratur. Primum, quia hoc sacrificio exhibetur representatio sacrificij cruenti, & quasi ob oculos ponitur idē ipse Christus in cruce confixus; hinc corpus, hinc sanguis,

*Adversari-  
orum tertia  
responsio  
sestatur.*

H 2.

cum.

cum annunciatione mortis Domini, quam commemorationē Christus in vltima cœna præcepit. Quare tollere hoc sacrificium quid aliud est, quàm viuam memoriam passionis & mortis Domini tollere? Deinde quia hoc sacrificium totam suam substantiam & virtutem accipit ab illo sacrificio. nam & idem Christus in hoc & illo sacrificio offertur: & virtute illius sacrificij hoc sacrificium operatur, cùm ad illius fructum hominibus applicandum sit institutum. Neque enim satis est Christum in cruce nobis plurima meruisse; nisi medijs à Deo institutis hunc fructum percipiamus. Quare sicut Sacramenta diuersis modis applicant hominibus fructum passionis & mortis Domini: ita & hoc sacrificium incruentum, per modum oblationis factæ Deo, eundē fructum applicat ijs pro quibus offertur. Non igitur impedit, sed potius amplificat & illustrat hoc sacrificium, fructum sacrificij cruenti. Aliàs simili ratione dicendum esset, Baptismum inferre iniuriam passioni Christi, quia præter passionem Domini, requiritur ad salutem. Cùm tamen res aliter habeat: quamuis enim Baptismum requiramus ad salutem: non requirimus tamē ad euacuandum fructum passionis Christi, sed potius ad applicandum nobis. Inter cæteros enim modos à Deo institutos ad applicandum fructum passionis Domini, est Baptismus. Pari igitur ratione sacrificiū incruentum non destruit, sed applicat fructum sacrificij cruenti.

Ex his itaque patet manifestè, nullo modo Evangelicos Ministros esse legitimos ministros, cùm potestate offerendi Deo sacrificium noui Testamenti proprium, careant. Quæ potestas proculdubio ad  
mini-

ministros Christi pertinet, quos Christus constituit dispensatores mysteriorum suorum.

QVINTA DEMONSTRATIO.

*Christus suis ministris dedit potestatem conficiendi*

*Sacramentum corporis & sanguinis sui.*

*Hanc potestatem nec habent, nec agnoscunt Ministri Evangelici:*

*Non sunt igitur veri Christi ministri.*

CAPVT IX.

*Ministri Evangelici nullam habent potestatem conficiendi*

*Sacramentum corporis & sanguinis Domini, ideoque*

*non sunt legitimi ministri.*

**M**Inimè dubitari potest præcipuam potestatem, <sup>Præcipua potestas ministrorum.</sup> qua ministros suos ornauit Christus, esse potestatem illam admirabilem conficiendi corporis & sanguinis Domini in Sacramento. Nam si Paulus Ministros asserit constitutos dispensatores mysteriorum Dei; certè id de mysterio maximo atque diuinissimo, quale hoc est, intelligi debet. Neque vnquam auditum est in Ecclesia, vt quispiam facultatem hoc ministerium conficiendi haberet; qui non esset vocatus sicut Aaron, & ad id officij sollemni ritu inauguratus. Quare si vel puer, vel mulier, aut quiuis de plebe hoc mysterium conficere attentaret; irritum planè, totum quod faceret, ac inane existimari ab omnibus deberet. Disertis siquidem verbis Christus Dominus in vltima cœna huius mysterij conficiendi potestatem solis Apostolis commisit. *Hoc inquit, facite in meam commemorationem.* Noluit Christus omnes fideles esse ministros; multò minus voluit esse tanti Sacramenti ministros. *Nunquid enim omnes Apostoli?*

Iosue 10.  
v. 13.

nunquid omnes propheta? nunquid omnes doctores? Sic igitur non est cuiusvis hoc Sacramentum conficere; neque ratum haberi debet, si ab alio quàm à legitimo ministro conficiatur: necesse est diuinam quandam potestatem in ministris inesse ad tantum conficiendum Sacramentum, eamque illis in ordinatione & consecratione communicari. Diuinam inquam. non enim potestas Sacramenta conficiendi est humana; sed prorsus diuina, præcipuè in hoc diuinissimo Sacramento. Nam si omnè facultatem humanam excedebat, vt ad vnius hominis vocem sol consisteret, & Luna non moueretur, *obediente Deo* (vt ait scriptura) *voci hominis*: quanto magis superat hominis potestatem, Christum in cœlis ad Patris dexteram residentem, constitui in altari sub modica panis & vini specie. Quare merito D. Chrysostomus 3. de Sacerdotio lib. tanquam miraculum suspicit *eam Dei benignitatem, quòd qui cum Patre sursum sedet, in illo ipso temporis articulo, omnium manibus pertractatur.* Et Homil: 60. ad populum Antiochenum, idẽ mysterium admirans. *Quo inquit, non oportet esse puriorem, tali fruente sacrificio? Quo solari radio non splendidiorẽ manum carnem hanc diuidentem? Os quod igni spiritali repletur, linguam qua tremendo nimis sanguine rubescit? Cogita quali sis insignitus honore, quali mensa fruaris. Quod Angeli videntes horrescunt, neque libere audent intueri, propter emicantem inde splendorem, hoc nos pascimur.*

Euangelici  
hanc potestatem  
conficiendi cor-  
pus & San-  
guinem

Iam igitur prodeant Euangelici, & ostendant tam diuinam in suis ministris potestatem: ostendent sane nunquam, cum eam neque ab ipso Deo neque ab ordinarijs Ecclesiæ pastoribus, per legitimam ordinationem & consecrationem accipiant. Et quod maius est,

est, nihil planè magnum & admirabile, quodque di-  
uinam potestatem requirat, in hoc Sacramento ag-  
noscunt. Nam aut negant Christi corpus re ipsa in  
Sacramento esse, vt Calvinistæ: aut asserunt qui-  
dem re ipsa existere, vt Lutherani; sed neque eo mo-  
do quo Christus existere voluit, neque ea potestate,  
quam ipse communicauit. Nam quod ad modum  
attinet, Christus ita voluit existere corpus suum in  
Sacramento, non vt esset cum pane mixtum, sed vt  
esset tota substantia Sacramenti; nihilque aliud effec-  
in Sacramento præter corpus suum. Non enim dixit,  
*Hic est corpus meum*, sed *Hoc est corpus meum*. scilicet, id  
quod manibus teneo, quod vobis trado, nihil aliud  
est quàm corpus meum. Neque verificari verba Chri-  
sti possunt, nisi de tota substantia ibi existente intel-  
ligantur. Falsum enim esset, *Hoc est corpus Christi*,  
si aliud quoque esset, quod non esset corpus Christi.

Quod verò ad potestatem spectat: eam Lutherani  
nullam esse volunt. totum enim fidei tribuunt, non  
potestati. Fidem enim verbis Christi dum adhibent;  
fidei tum illico existere dicunt corpus Christi toto  
manducationis tempore, Quod est apertè Christi  
verbis repugnare, qui in vltima cœna eam potestatem  
non fidei, sed Apostolis tradidit. *Hoc facite in meam  
commemorationem*. Illud nimirum faciendum Apo-  
stolis præcepit, quod ipse tum faciebat. Inter cætera  
autem quæ tum faciebat, erat illa panis benedictio &  
calicis, qua effecit, vt panis esset corpus ipsius & vinum  
sanguis. De qua Paulus disertis verbis ait: *Calix bene-*  
*ditionis, cui benedicimus, nonne communicatio sanguinis*  
*Christi est?* Quibus verbis benedictionem non solum  
refert ad Deum, sed ad ipsum calicem, qui benedi-  
tur,

*Christi in  
Sacramen-  
to non ha-  
bent.*

*Non est alia  
substantia  
in Sacra-  
mento præ-  
ter substantiam corpo-  
ris Christi.*

*Non fide  
sed re exi-  
sit corpus  
Christi in  
Sacramen-  
to.*

*1. Cor. 10.  
v. 16.*

tur, & per benedictionem ita transmutatur, vt fiat communicatio sanguinis Domini. Si igitur iussit Christus Apostolos facere quod ipse cum fecit: iussit proculdubio, vt benedicerent panem & vinum, ipsaque benedictione transmutarent, vt essent corpus & sanguis Domini; ad eum modum quo in Cana Galilee simili benedictione & potestate, aqua vinum est facta. Non ergo satis est credere esse corpus Christi; sed opus est benedictione & potestate, vt panis fiat corpus Christi, vti semper tenuit Ecclesia Catholica. Et nisi hoc admittatur: fiet, vt quilibet fidelium possit hoc Sacramentum conficere. Si enim fide constituitur corpus Christi in Sacramento; sicut quilibet fidelium potest credere; ita poterit efficere, vt corpus Christi in Sacramento existat, idque non solum in sacra mensa, sed & in profana, quoties panem suum Euangelici manducant, & bibunt vinum in suis conuiuijs, prandijs & cœnis: & sic omnes panes implebuntur Christi corpore, omnia dolia Christi sanguine, solum si quis fide cogitet ibi esse Christi corpus & sanguinem. Quò nihil absurdius, nihil contra tam diuini Sacramenti dignitatem indecentius dici aut excogitari potest.

*Absurdum  
ex doctrina  
hæreticorū.*

*Iniuria  
grauissima  
aut hæreticis  
omnes  
fideles cum  
Christum  
ex Sacra-  
mento tol-  
lunt.  
Joan. 6.*

Hinc verò manifestum est, quantam iniuriam Euangelici inferant omnibus fidelibus, cum Christum ex sacramento tollunt, & potestatem, qua in Sacramento præsens exhiberi debet, nullam admittunt. Sublato enim Christo ex Sacramento, perit vita æterna. Ea siquidem non à pane & vino, sed ab ipso Christo communicatur, dicente Christo: *Qui manducat me, & ipse viuet propter me.* Perit & omnis gratiæ diuinæ fructus, qui ex Christi præsentia vberimè effluit in

in animas nostras. Nam si cum tangeretur à turba, Christus, sentiebat ex se virtutem exire, & omnis qui illum tangebatur, sanabatur: quanto magis necesse est id accidere in Sacramento, quod ad eum finem institutum est, vt quidquid ad vitam spirituale necessum est, nobis à Christo concedatur, cum sit verus cibus animarum nostrarum. Hic igitur est fructus noui istius & quinti Euangelij, vt nobis Christum auferat, & cum Christo omnia bona, quæ non nisi in Christo nobis donata sunt. Ministris verò Christi ita sunt iniurij, vt eos omni prorsus potestate priuent, vt nihil sit quod Ministri faciant, quod & quivis non minister, eadem ratione præstare non possit.

*Afficiunt  
eum mem-  
ria et minis-  
tros Chri-  
sti,*

Aliunt illi Sacramenta esse signa: fateor. At signa *obediendi* non vacua, neq; inania; sed plena rerum & fecunda, *(actu fit.)* & id quod significant exhibentia. Baptismus, verbi gratia, ablutione externa significat ablutionem internam in anima per effusionem gratiæ Spiritus sancti; eamq; nō solum significat, sed & exhibet. neq; enim significat futuram sed præsentem. Par ratione, panis & vinū in Sacramento, sunt signa corporis & sanguinis Christi, non tam absentis, & à Sacramento remoti; sed tanquam præsentis, & in Sacramento existentis. Hoc enim, non aliquid extra hoc, Christus adseruit corpus suū. Sunt etiam signa gratiæ diuinæ, quæ etiā ipsa actu exhibetur iis, qui ea fuerint digni.

Quorsum (inquiunt) signa, si res ipsa præsens adest? Nimirum, quia res quæ adest, inuisibilis est, & sub aspectum non cadens; necesse fuit eam signo visibili & aspectabili denotari. Solum enim tūc signa superflua sunt, cum res ipsa per se ipsam videtur, & incur-

*Prima in-  
stantia sol-  
uitur.*



rit in sensum. ad ea enim quæ non videmus, non ad ea quæ videmus signis utimur. Atqui in scriptura inquirunt, dicitur hoc Sacramentum panis & vinum. Nimirum eo modo quò aqua dicitur vinum facta in Cana Galileæ. Panis est, sed q̄ factus est corpus Christi, & benedictione mutatus. Panis est, sed externa, solum specie, non interna substantia. quomodo & columba, in cuius specie Spiritus sanctus apparuit, & linguæ igneæ propter externam speciem sunt eo nomine appellatæ. Panis est, sed spiritualis, non materialis. *Panis inquit, quem ego dabo, caro mea est, pro mundi vita;* quibus verbis panis huius essentiam explicavit. Sicut & illis: *Hoc est corpus meum.* Rectè igitur Cyrillus Hierosolymitanus in sua Catechesi 4. *Pro certissimo habèas, panem hunc qui videtur à nobis nō esse panem, etiāsi gustus, panē esse sentiat, sed esse corpus Christi.* Et August. 3. de Trin. cap. 10. ait: *in illa specie (nempe panis) omnino Dominum oculis mortalium apparere.*

Secūda in-  
stantia sol-  
uitur.

Aiunt scripturam ostendere Christum in cœlo ad Dei dexteram: idq; vsq; ad tempus restitutionis omnium. Rectè sanè, id enim nos quoq; credimus, Christum secundum formam visibilem, & mundum reliquisse, & sedere ad dextram Dei, & non venturum in terras, nisi ad iudicium extremum. At eadem scriptura docet Christum forma inuisibili esse in Sacramento, idq; vsq; ad finem sæculorū, quam diu Sacramentorum vsus perdurabit Semper enim vera erōnt Christi Domini verba: *Hoc est corpus meum.* vera, inquam, & sua efficacia efficient quod significant.

Ex his manifestum est quàm infirma sunt aduersariorum præsidia, quibus sicut tueri se non possunt, ita convinci possunt, quòd cum potestate conficien-

di cor-

di corporis & sanguinis Domini, in Sacramento car-  
reant, non sint legitimi ministri. Ministros enim po-  
testas facit.

# SEXTA DEMONSTRATIO.

*Legitimi ministri sunt dispensatores Sacramentorum.*

*Ministri Evangelici non sunt dispensatores sed dissipatores  
Sacramentorum:*

*Non sunt igitur legitimi.*

# CAPVT X.

*Ministri Evangelici non sunt legitimi Sacramentorum mi-  
nistri.*

**M**inistros suos fecit Christus dispensatores my-  
steriorum suorū. Dispensatores inquam, non  
dissipatores. Dispensator omnia quæ à Domino tra-  
dita sunt, conseruat, nihil dimittit, nihil perdit. Dissi-  
pator his contraria facit oīa. Facile igitur apparebit,  
qui sint dispensatores, & dissipatores Sacramentorū.  
Et quidē Catholici Sacerdotes oīa septem Sacramen-  
ta, quemadmodum per mille sexcentos annos Eccle-  
sia & Christianus orbis habuit, integra habent, con-  
seruant, administrant; virtutem, quam illis con-  
cessit sua institutione Christus Dominus, ad cōmu-  
nicandam diuinam gratiam, integrè & absq; diminu-  
tione agnoscunt: modum deniq; administrandi ha-  
tenus vsurpatum in Ecclesia retinent & conseruant,  
in eoq; vnicè gloriatur, quod nihil nouum, in solēs  
in Sacramentis inuehant, quod non semper Eccle-  
sia Catholica obseruauerit.

Evangelici verò primū in substantiam Sacramen-  
torum inuolarunt, & ex receptissimo Sacramentorū

*1. Cor. 4. 9. f.  
Catholici  
sacerdotes  
sunt veri  
dispensato-  
res Sacra-  
mentorum.*

*Evangelici  
Ministri  
sunt dissipa-  
tores.*

numero quinq; sustulerūt, duobus vix pepercerūt, Baptismo & Eucharistiā, quanquam & Eucharistiā vulnus gravissimū inflexerūt, sublato ex Eucharistia vero Christi corpore. Quid enim est Eucharistia, Christi corpore destituta? Calvinistæ quidem penitus Christum à Sacramēto ablegarunt in cœlum, ad quem etiam in cœlum vsq; fide volitant. Lutherani verò corpus Christi cum pane miscuerunt, in pane, cum pane, sub pane illud constituentes, idq; solum manducationis tempore. Nam citra manducationē nihil nisi panē simplicem confitentur. Iam si quæras qualem virtutē Sacramētis concedant ad sanctificandas animas nostras: dicent nullā habere virtutē; sed esse signa duntaxat excitantia fidem ad divinas promissiones credēdas, nihilq; ab his signis in animas nostras proficisci præter nudam significationem. Hanc doctrinam esse Evangelicorum & libri eorum testantur & cathedræ, neq; vllus diffitebitur nisi qui Evangelicos vix de nomine norit. Sed si ita est, nonne manifestum est Euāgelicos Ministros esse dissipatores, non dispensatores mysteriorum Dei?

*Obiectioni  
respondetur  
& proban-  
tur esse se-  
ptem Sacra-  
menta.*

At inquirunt, Apostolum & antiquam Ecclesiā, septem Sacramenta non agnouisse. Quomodo igitur in scriptura omnia commemorantur? De Baptismo & Eucharistia fatentur ipsi, Confirmationis in Actibus persæpe fit mentio, cū per impositionem manuum dabatur fidelibus baptizatis Spiritus sanctus. Sacramentum poenitentiae ex potestate à Christo data ad remittenda & retinenda peccata clarè colligitur. Extreme unctionis meminit Iacobus Apostolus, in sua canonica Epistola. Ordinem Calvinus ipse veritate adactus in numero Sacramen-

eramentorum reponit, cum & ritum externum, (videlicet impositionem manuum) & promissionem gratiæ habeat. Matrimonium Paulus ipse magnum Sacramentum appellat, cui ad dignè representandam Christi cum Ecclesia cõiunctionem, gratia Dei attribuitur est. Quæ omnia diligentissimè prosequitur Cardinalis Bellarminus in suis de Sacramentis disputationibus, cui hætenus omnes Evangelici respondere non potuerunt.

Ephes. 5.  
6.32.

Antiquitatis testem, omni exceptione maiorem August. adfero, qui omnia septem Sacramenta enumerat, non ex suo solùm, sed Ecclesiæ Catholicæ sensu & consensu. De Sacramento Confirmationis, lib. 2. con. Epist. Petiliani, cap. 104. sic habet: *Sacramentum inquit, Chrismatis, in genere visibilibus signaculorum est Sacramentum, sicut Baptismus.* De Sacramento Ordinis, de Baptismo contra Donatistas, cap. 1. *Vtrumque inquit, Sacramentum, & quidem consecratione utrumque homini datur, illud cum baptizatur, istud cum ordinatur.* De Matrimonij Sacramento, lib. de bono Coniug. cap. 29. ubi illud in ratione Sacramenti confert ordinationi, quam prius cum Baptismo contulerat: *Bonum inquit, nuptiarum, in sanctitate Sacramenti est, quod manet in coniugatis, licet proles non sequitur, sicut Sacramentum Ordinationis manet in ordinatis, licet plebem non congregent.* De Sacramento Pœnitentiæ, lib. de adulterino coniugio, cap. 26. & 28. *Eadem inquit, est causa Baptismi & reconciliationis, sine quibus sancti homines credunt se non debere exire e corpore.* De Sacramento extremæ unctionis 2. de Visit. infir. cap. 9. citat auctoritatem Diui Iacobi in sua Epistola.

Si dicant Euangelici Augustinum nomen Sacramenti latè accipere, cōvinci primū possunt ex eo, quod eo sensu vocat alia Sacramenta, quò Baptismū, cum quo alia cōnumerat, vt ex testimoniis allatis patet. Deinde aduersarij septem Sacramenta, neq; strictè, neq; latè accepto Sacramenti vocabulo, admittunt; ideoq; Augustini autoritate, quicquid dicant premuntur. Tanto verò pluris esse debet Augustini testimonium, quod eius testimonium, est totius Ecclesiæ Catholicæ testimonium. Ille enim non suæ, sed Ecclesiæ Catholicæ Sacramenta enumerat, illius inquam Ecclesiæ, quæ (vt ipse ait) *ab ipso Christo inchoata, & per Apostolos prouecta certa successionum serie, usque ad hæc temporatoto terrarum orbe dilatata est.* Semper igitur, Augustino testè, fuerunt in Ecclesia septem Sacramenta, siquidem Ecclesia illa quæ Augustini tempore septem Sacramēta agnoscebat, fuit à Christo inchoata, per Apostolos prouecta, & certa successione toto terrarū orbe dilatata. Iam de virtute Sacramentorum quid dicam? quam Euangelici ita extenuant, vt nihil Sacramentis præter significationem relinquunt, contra expressa in diuinis literis testimonia. Dicit. n. scriptura S. nos ex aqua & Spiritu S. nasci & regenerari. Baptismum esse lauacrum regenerationis, quod non est solum significare regenerationem nostram spiritualem, sed eam operari. De Eucharistia dicit Christus: *qui manducat hunc panem, viuet in aternū.* eo scilicet modo, quo à pane oritur vita corporalis, à panē quoque Eucharistico vita spiritalis oritur; nō significatiue duntaxat, sed effectiue. Potestas ad remittenda peccata data Apostolis in Sacramento Pœnitentiæ, non significat solum, sed & efficit

*Lib. 18. cōtra Faustū.  
Cap. 2.*

*Virtus Sacramentorum contra Hæreticos assertitur.*

efficit peccatorum remissionem. Gratia quæ datur per impositionem manuum in sacra Ordinatione & Confirmatione, non tantum significatur, sed etiam, verè confertur. Recte igitur Aug. tract. 80. in Ioan. Unde tanta virtus aquæ, ut corpus tangat, & cor abluiat? Neq; mirum videri debet res sensibiles virtutem habere qua agant in animam. Siquidem eam non ex se, verum ex diuina dispositione sortiuntur. potest enim Deus quomodo vult & per quæcunq; instrumenta, sua mirabilia operari.

*Cur res sensibiles agant in animâ.*

Iam verò Evangelicorum Sacramenta quanti facienda erunt, quis non videat? quandoquidem nihil nobis conferunt, præter significationem. sic enim perit omnis eorum dignitas, cum à Sacramētis antiquæ legis in hoc non differant, quæ præter significationē nihil habebant virtutis. Quædam verò in veteri lege etiam superabant Evangelicorum Sacramenta. Ut manna, panis Angelorum manibus factus, Agnus Paschalis, & alia sacrificia, q̄ in se nobiliora sunt, quàm frustum panis Calviniani, aut aqua simplex, si hæc non habeant aliam virtutem præstantiorem. Perit & necessitas Sacramentorum. nam ad significandum duntaxat non est opus omnino Sacramētis, cum tot aliis mediis significari gratia Dei promissa, & in mentem reuocari possit. Sola diuina scriptura lecta aut prædicata sufficit ad excitandam memoriam diuinarum promissionum. Neque propter hoc quod sine Sacramētis haberi perfecte potest, alligasset nos Christus ad Sacramenta. Nullo modo igitur constabit Sacramentorum necessitas, nisi præter significationem, virtutem etiam illis diuinam inesse credamus.

*Sacramenta Evangelicorum quàm ignobilia.*

supra

Alunt

*Obiectio.*

Aiunt Euangelici, Sacerdotes quoq; Catholicos Sacramentorum dissipatores esse; quippe qui altera specie populū priuent, contra Christi institutionem, mandatum, & exemplum. Verū nō potest ea nota inuri Catholicis sacerdotibus, qui non aliter dispensant Sacramēta, nisi prout Ecclesia Catholica ab ipsis Apostolis & Spiritu sancto edocta, semper censuit esse dispensandum, secundum Christi mandatum, institutionem & exemplum. Vtebatur quidem Ecclesia, & etiam nunc vitur vtraq; specie; sed nunquam existimauit eam ad salutem omnibus & singulis necessariam: cum & totus Christus sit in vna sola specie, & vita æterna vnā speciem sumentibus æquē promittatur ac sumentibus vtramque. Ioan. 6. *Qui manducat me, & ipse viuet propter me. Qui manducat hunc panem, viuet in æternum.*

*Solutio.*

*Nota de Ari  
nam de v-  
traq; specie.*

Quare sacerdotes Catholici, plus dant in vna specie, quā Euangelici in vtraque. Nam illi in vna specie dant Christum totum, & cum Christo vitam æternam: isti verō in vtraq; specie, neq; Christū habent, neque vitam æternam, quæ sine Christi præsentia in Sacramento non datur.

Instituit quidem Christus vtramq; speciem, sed ea institutio potissimum spectat sacrificium, q̄ cum repræsentare debeat Christi passionem & mortem, duplici velut parte constituitur, & vna quidē repræsentat corpus veluti mortuum, alia sanguinem Christi tanquam effusum. Quæ tam expressa repræsentatio mortis Christi in vna sola specie non habetur. At ad Sacramenti rationem vna species sufficit, cum & totum Christum vna contineat, & totum effectū Sacramenti conferat, nempe vitam æternam.

*concl.*

Neque

Neque verò vllum præceptum Christi præferri potest, quo ad vtramq; speciem sumendam astringamur. Nam illud, *Hoc facite in meam commemorationem*, de sola specie panis dictum legitur absolutè, apud Matth. De altera verò specie, apud Paulum non legitur absolutè, *Hoc facite*. sed, *Hoc facite, quotiescūq; bibetis, in meam commemorationem*: ita vt non tam sit præceptum de bibendo sanguine absolutè, quàm de facienda Christi commemoratione, quotiescūq; bibatur. Illud verò, *Bibite ex eo omnes*: primùm nullam præcepti vim continet sunt enim verba inuitantis & offerentis. sicut cū quis simili forma verborum alicui offert potum ad bibendum: neq; enim illum obligat ad bibendum, neq; præceptum imponit; sed offert solū & potestatem facit bibendi. Quo etiam modo cū in cœna legali âte institutionē Sacramenti legitur Christus propinasse Apostolis poculum, similibus verbis: *Accipite & diuidite inter vos*; nemo dixerit hinc eos præcepto & sub peccato obligasse ad bibendum & diuidendum poculum inter se.

Neq; verò mirum, quòd Christus Dominus, offerendo calicem, admonuerit Apostolos, vt biberent ex eo omnes, quod non fecit offerendo panem. Quia enim panem frangendo, partem cuiq; suam offerebat, non erat opus admonere, vt omnes manducarent. quilibet enim hoc ex actione Christi intelligebat. At cū offerret vnum calicem pro omnibus, opus erat admonere, vt non vnus, sed omnes ex illo biberent, sicut & in cœna Agni paschalis dixerat poculum porrigendo: *Accipite & diuidite inter vos*.

Quod si præceptum fuisse censetur illud, ad duodecim illas personas, quas tunc poculo suo Christus

K

digna-

*Præceptum Christi de vtraq; specie non est, & solum in loca scriptura, quæ se habent.*



dignabatur, pertinebat; eiq; præcepto abundè tum-  
 facis factum est. *biberunt enim ex eo omnes*, teste alio E-  
 uangelista. Vel si ad successores Apostolorum perti-  
 neat; illi non sunt omnes fideles, sed Sacerdotes. Vel  
 si ad omnes fideles: ij bibere debent, quando illis à  
 Christo vel Christi ministris fuerit oblatus, & exhi-  
 bitus calix, sicut fuit tunc datus ac oblatus Apostolis.  
 Offerente enim Christo, & iubente vt biberent; pa-  
 rere debebant Apostoli. Pari ergo ratione, offeren-  
 tibus & præcipientibus ministris Christi, bibere de-  
 bebunt omnes Christi fideles. Nullo verò præcepto  
 obligauit Apostolos, vt omnino offerrent aliis cali-  
 cem bibendum, sed id reliquit in eorum potestate.

*Testamen-  
 tū Christi.*

Iam quòd sanguinem in calice dixit Christus es-  
 se noui Testamenti sanguinem, inde non sequitur  
 nos non futuros noui Testamenti participes, nisi ca-  
 licē bibamus. Nam sanguis Christi eatenus ad Christi  
 testamentum spectat, quatenus pro nobis effundi-  
 tur, non quatenus à nobis bibitur. Ita enim expressè  
 Christus addidit: *Hic est calix sanguinis mei qui pro vo-  
 bīs effunditur*. In omnibus enim pactis & fœderibus  
 sanguis fundebatur & firmabat pacta, id quod moris  
 erat tam apud Iudæos, quam apud gentiles. Simili  
 ergo ratione Christus suum pactum & fœdus sangui-  
 nis suo fuso pro nobis, & oblato Deo in vltima cœna,  
 confirmauit. Vt igitur simus participes Christi testa-  
 menti; non est necesse vt bibamus sanguinem, sed vt  
 illum offeramus in Sacrificio suo.

Deinde si bibendus est propterea sanguis Chri-  
 sti; sufficienter bibitur in vna sola specie: cum in ea  
 totus Christus sumatur cum corpore & sanguine. Su-  
 mitur enim caro viuā Christi, nō exanguis, nec mor-  
 tua.

rua. Neque enim Christus post resurrectionem moritur amplius. Rom. 6.

Adde non minus confirmatum esse nouum Testamentum corpore Christi pro nobis oblato, quàm sanguine Christi pro nobis fuso. Verum enim est quod Paulus ait: *Sanctificati sumus per oblationem corporis Iesu Christi semel.* Quare æquè efficitur participes Hebr. 10.  
9. 10. noui Testamenti sumendo corpus, sicut sumendo sanguinem. Ius etiam quod nobis testamento quasi inscripsit ad vitam æternam, habetur totum in vna specie. qui enim sumit vnā speciem, habet vitam æternam, & ille qui sumit vtramque.

At de hac re pro instituti ratione satis. Hæc enim dici debuerunt, vt appareret iniuria nos affici magna ab aduersariis, cum nos contra mandatum alteram speciem Laicis abstulisse calumniantur, quod quàm sit à veritate alienum, vix his paucis, quæ allata sunt, patere potest.

#### SEPTIMA DEMONSTRATIO.

*Ministri veri sunt Ecclesie Catholica ministri.*

*Ministri Euangelici non sunt Ecclesie Catholica ministri:*

*Ergo non sunt veri ministri.*

#### C A P V T X I.

*Ministri Euangelici non sunt ministri Ecclesie Christi, sed Ecclesie malignantium.*

**M**inistri Christi, sunt quoque Ecclesie ministri. Ministri sponsi debent esse etiā ministri sponsæ; maximè cum Christus ministris non pro se cgeat, sed pro sua sponsa, nempe Ecclesia.

K 2

Quan-

*Ministri  
Christi sunt  
Ecclesiam  
ministri.*

Quantam autem auctoritatem voluerit esse Ecclesiæ, vel ex eo patet, quod ait: *Qui Ecclesiam non audierit, sit sicut ethnicus & publicanus.* Ad eumq; finem dedit ei omnem suam potestatem, & regni cœlorum claves, ut quicquid illa solueret & ligaret in terris, solutum esset & ligatum in cœlis, ita ut iure D. Aug. dixerit Ecclesiam tenere, & possidere omnem sui sponsi & Domini potestatem. 4. de Bap. contra Donat. cap. 1. Ad eundem finem dedit ei *Spiritum veritatis, ut maneat in ea in æternum, & doceat illam omnem veritatem.* Suam etiã præsentiam perpetuam promisit, ad omnem protectionem & directionem. *Ego inquit, vobiscum sum usq; ad consummationem sæculi.* Voluit enim Ecclesiam, non solum esse sponsam suam, sed & corpus suum; ut ipse tanquam caput ipsius omnem ei influxum necessarium tribueret.

*Ministri omnem potestatem ab Ecclesia debent accipere.*

Necesse est igitur ministros omnem suam potestatem ab Ecclesia accipere, cum penes eam omnis potestas ad vitam æternam consequendam necessaria à Christo relicta sit, tam ad Sacramenta conficienda & ministranda, quàm ad prædicandum Dei verbum, & docendam omnem veritatem; securosq; nos voluit esse Dominus, si ab Ecclesia pendeam, longissimè nos ab omni erroris periculo abfuturos. *Porta enim inferi non præualebunt aduersus eam, ut pote quæ sit columna & firmamentum veritatis.* Neq; enim unquam sponsam suam deseret Christus, neque desinet esse corporis sui caput. Hinc illa apud sanctos Patres frequentia. *Extra Ecclesiam non esse salutem. Sacramenta extra Ecclesiam quandoq; dari posse, at prodesse non posse. Non habere Deum in cœlis patrem, qui Ecclesiam non habeat in terris matrem.* Hæc & similia cum dicunt sancti Patres,

tres, ostendunt nullum esse legitimum Christi ministrum, qui non sit Ecclesiæ Christi minister, ab ipsa dependens, eiq; inserviens.

Porro minister Ecclesiæ esse non potest, qui non est eius membrum. Quare qui se ab Ecclesiæ corpore separant, & Ecclesiam nō agnoscunt, ministri Ecclesiæ esse non possunt. Tales sunt Ministri Euangelici, qui eam Ecclesiam, quæ ab Apostolis ad hæc vsque tempora, semper habita est Ecclesia Christi, & præterquam nulla alia erat Ecclesia, neque agnoscunt, neq; ad eam pertinere volunt. Malunt ad Ecclesiam à Luthero & Caluino demonstratam, prioribus sæculis Christianitati inuisam & inauditam pertinere. Sacerdotes verò Catholici, sunt eius Ecclesiæ ministri, quæ omnibus sæculis habita est in tota Christianitate Ecclesia Christi; ad quam pertinuerunt quotquot fuerunt Episcopi, Martyres, Thaumaturgi, & omnes sancti Dei homines. Neque verò eam tantummodo pro vera Ecclesia agnoscūt, sed ab eius potestate & iudicio toti dependent, ut nihil nisi eius potestate faciant, omniaq; eiusdē iudicio moderent.

Respondent Euangelici, suos quoq; Ministros esse ministros Ecclesiæ. sed inuisibilis cuiusdam & soli Deo notæ, quæq; ex solis electis constet, eiq; omnia priuilegia Ecclesiæ promissa seruire volunt. At facile est hæc figmenta refellere. Figmentum est Ecclesia inuisibilis. Ecclesia enim Dei est illa, quam Spiritus sanctus tradidit regendam Episcopis. Attendite, inquit Paulus, vobis & vniuerso gregi, in quo vos Spiritus S. posuit Episcopos regere Ecclesiam Dei, quam acquisiuit sanguine suo. Sanè Ecclesia, de qua Paulus loquitur, est Ecclesia Dei, & acquisita sanguine Christi, ac proinde

*Minister  
Ecclesiæ nō  
est si non sit  
membrum  
eius.*

*Sacerdotes  
Catholici  
sunt veri  
Ecclesiæ mi-  
nistri.*

*Responsio  
hæreticorū  
de Ecclesia  
inuisibili.*

*Refellitur.*

*Ecclesiā nō  
est inuisi-  
bilis.*

vera Ecclesia. Qualis verò est illa Ecclesia? num inuisibilis? num ex electis? At Paulus determinatum cœtum ostendebat, in quo proculdubio mixti erant electi cum non electis, eumq; dixit traditum Episcopis ad regendum. Quî verò fieri potest, vt Episcopi oues inuisibiles regant? Quomodo pascere possunt verbo & Sacramentis, quas non norunt? Quomodo vicissim oues regi à suis pastoribus possunt, quos non nouerunt? Ipsum verò regimen, an non visibile esse voluit Christus; per visibilem verbi & Sacramentorum administrationem? Quare, si electi tantum ad Ecclesiam pertinerent, non posset Ecclesia regi ab Episcopis. non posset enim constare, qui sint electi, qui non; cùm solius Dei sit nosse, qui sunt eius, aut simul & eos regi oporteret, qui non sunt de Ecclesia, quiq; non sunt commissi à Christo ad regendum.

Non est igitur vlla Ecclesia electorum distincta ab Ecclesia communi, in qua sine discrimine sunt boni & mali, electi & non electi. Neq; enim alios voluit esse Spiritus sanctus Episcopos, vt regant electos, alios vt regant non electos; sed omnibus voluit esse vnum & idem regimen, communia Sacramenta, communem verbi prædicationem. Quare illa electorû Ecclesia inuisibilis, ad vnâ communem Ecclesiam pertinet, quæ visibilis est, & visibili ratione à suis pastoribus administratur, sub eorumq; obedientia degit. Si ergo Ministri Euangelici ad Ecclesiam visibilem non pertinent, eo ipso ad Ecclesiam Christi non pertinent.

*Nota Eccle-  
sia Catho-  
lica.*

Deinde satis manifestas notas Ecclesiæ Christi ostendit nobis scriptura sancta, vt cœcus plane sit, qui ex illis Ecclesiam Christi non agnoscat. Inter alias est illa insignis, quam tantopere vrget D. August. contra

Hæ-

Hæreticos sui temporis, & plurimis scripturarum testimoniiis confirmat, nempe quoddam sit Catholica seu per totum mundum diffusa. Ita enim Dominus ipse prædixit futurum: *Et predicabitur hoc Euangelium regi in uniuerso orbe, in testimonium omnibus gentibus, & tunc veniet consummatio.* Ita promissum est multò ante Abrahamo: *Benedicentur in semine tuo omnes gentes terræ.* Et paulò ante: *Multiplicabo sementuum sicut stellas cæli, & velut arenam, quæ est in littore maris.* quam multiplicationem præuidens Isaias: *Repleta est, inquit, terra scientia Domini, sicut aqua maris operientes.* Hæc est illa hæreditas amplissima promissa Christo, & data in compensationem passionis & mortis ipsius. *Postula à me, & dabo tibi gentes hæreditatem tuam, & possessionem tuam terminos terræ. Conuertentur ad Dominum uniuersi fines terræ, & adorabunt ante ipsum uniuersa familie gentium. Quoniam Domini est regnum, & ipse dominabitur gentium.* Ex his aliisq; plurimis colligit D. August. Ecclesiam Christi non in aliquo terræ angulo; sed in toto orbe extare debere, datumq; id esse meritis Christi, ut hæreditas eius esset omnes gentes, & regnum in toto mundo. Quare illam Ecclesiam esse veram Christi Ecclesiam, quæ sit fueritq; in omnibus gentibus, & in toto mundo; illam verò minimè inquam id non conuenit.

Matth. 24.  
& 14.  
Ecclesia  
Christi in  
toto mûdo.

Isa. 11. 9. 8.  
Psal. 2. 9. 8.  
Psal. 21.  
9. 28.

At Morneus ait: Initio fuisse Ecclesiã pusillum gregem, in fine etiã mundi, *putas filius hominis inueniet fidẽ in terram?* edio verò tempore, & gentiles multitudine superant Christianos; & Ariani aliquando superarunt Orthodoxos, & nunc Asiatici Christiani & Africani reliquos facile superant, quare aut penes Asiaticos & Africanos erit vera Ecclesia, aut inane est argumentũ quod ex multitudine sequitur.

Obiectio  
Mornei.

Mor-

*Soluitur.*

*Ecclesia i-  
nitio pusil-  
lus grex.*

Morneo sic respondemus. De Ecclesia per totū mundum diffusa, non esse nostram assertionem, sed diuinarum scripturarum. quare si id non est verum; non noster sed scripturarū error erit. Quæ verò Morneus adducit, nullius planè sunt momenti; non est enim mirum Ecclesiam initio fuisse exiguam, Evangelio nondum publicato in toto mundo. At postquā in omnem terram, & in fines orbis terre exiuit sonus Apostolorum, cœpit esse *ab ortu solis vsque ad occasum laudabile nomen Domini*, semperq; postea eam amplitudinem retinuit in toto mundo Ecclesia; non quòd semper numero superaret reliquos homines, sed quod per totum mundum & in omnibus gentibus haberet suos Orthodoxos, qui Christi fidem & corde crederent ad iustitiam, & ore confiterentur ad salutem; & quamuis ortis hæresibus, non parum de hac amplitudine detraheretur, semper tamen eam prostratis hæresibus recuperabat. Quare etsi hæresis Ariana magnam orbis Christiani partem occuparet: tamen neque ita, vt nulli essent inter illos Orthodoxi (erant enim & Confessores & Martyres plurimi) neque multo tempore; si quidem extincta hæresi (quæ cum non sit ex Deo, diu permanere non potest) redibat Ecclesia ad nitorem pristinum. Sicut enim amplitudini regni nihil deccedit, si hostes repentino assultu aliquas regni partes inuadant, & mox de medio diffugiant: sic & hæreses quoties Ecclesiam inuadunt, siue sua inanitate, siue diuina virtute, mox concidunt. Iam quod ad Asianos Christianos attinet, ij & multi sunt, tamen non paucos habent inter se Orthodoxos, quod satis est vt Ecclesia dicatur Catholica. illæ vero suos extra suas prouincias nec habuerunt, nec habent.

Neq;

Neque enim ad hoc vt Ecclesia dicatur Catholica requiritur, vt omnes in toto mundo homines recipiant fidem; sed satis est, vt fides Catholica in toto mundo prædicetur & recipiatur ab iis, quorum corda tetigerit Deus. Facit autem diuina bonitas, vt omnes prouinciæ Religionis Catholicæ successiue fiant participes, & suo tempore depositis erroribus fidem Catholicam amplectantur, vt nulla sit prouincia, nullus locus in quo aliquando non floreat Catholica fides.

*Quid requiritur  
vt Ecclesia dica-  
tur Catho-  
lica.*

Iam verò in fine mundi Antichristo veniente, futurum quidem est, vt Ecclesia cogatur & restringatur magis; sed id ipsum propterea diuinitus prædictum est, vt non nesciremus. Reliquo verò tempore ante aduentum Antichristi Ecclesia non cogi, sed per totum mundum dilatari secundum diuinas prædictiones debet. Quare meritò Ministros Euangelicos negamus esse Ecclesiæ veræ ministros, cum non sint eius Ecclesiæ ministri, quæ fuit semper, est, eritq; Catholica, cuius nomen est in gentibus, & laus eius vsque ad fines terræ. Quod vt in Romanam Ecclesiam verè conuenit: ita Euangelicam Ecclesiam certum est nullo vnquam tempore fuisse Catholicam.

Verum sit aduersarij eo signo Catholicæ Ecclesiæ (quod solum sufficit, quodq; in symbolo Apostolorum confitemur) non contenti, alia signa quærât; signum non dabitur eis nisi Christi Domini, qui prouidens has istorum tenebras, digito quasi demonstrauit Ecclesiam suam, vbi esset, & vbi eam à nobis quæriri vellet, nempe vbi eam ipse ædificauit, in illa nimirum petra, cui dictum est: *Tu es Petrus, & super hanc petram ædificabo Ecclesiam meam, & porta inferi non praeua-*

*Alterana-  
ta Ecclesia  
Catholica.*

L

lebunt



*Obiectio  
soluitur.*

*Petrus &  
petra ter-  
minatione  
differunt  
non signifi-  
catione.*

*lebunt aduersus eam.* Quid pluribus opus? vera Ecclesia non est nisi in Petro ædificata, aduersus eam porta inferi hætenus præualere non potuerunt, ut Christi prædictio in hac solùm Ecclesia impleatur, & hoc ipsum sit manifestum indicium, Ecclesiam in Petro ædificatam esse veram.

Quid Euangelici? negant Petrum dictum esse petram, super quam ædificata sit Ecclesia, propter Petri à petra distinctione. At immeritò sanè. Petrus enim & petra, non significatione sed terminatione differunt. Petra enim communi dialecto, Petrus, Attica dicitur. quod & Calvinus & Beza tractantes hunc locum, confitentur. In Syriaco sanè (qua lingua Dominus locut<sup>us</sup> est) & in Hebraico (quod idioma te D. Matthæus cōscripsit Euangeliū) nulla differentia Petri & petræ, utriq; enim respōdet eadem vox Cepha. quare turpissimè errant, qui Petrum quasi Petreum denominatiuè à petra dictum interpretantur: eadem enim vox Cepha, Petro & petræ respondet, & nunquā Petreum, sed semper petram significat.

Deinde cū diceret Dominus Petro: *Et ego dico tibi, quia tu es Petrus*, excellentiā Petri singularem explicare voluit, non aliam sanè, nisi quia in eo tanquā in petra esset ædificaturus Ecclesiam suam. D. Leonè diuinè exponentē audiamus. ita enim habet sermone tertio in Anniversario assumptionis suæ: *Et ego, inquit, dico tibi; hoc est, sicut meus pater tibi manifestauit diuinitatem meam; ita & ego tibi notam facio excellentiam tuam. Quia tu es Petrus, id est, cū ego sim inuiolabilis petra, ego lapis angularis, qui facio vtrāq; vnum, ego fundamentum, præter quod nemo potest aliud ponere; tamen tu quoque petra es, quia mea virtute solidaris, ut, quæ mihi potestas* *sunt*

*sunt propria, sint tibi mecum per participationē communia.* haftenus D. Leo. Et sanē illa particula, *Et ego dico tibi*, indicat; quòd sicut Petrus Christum cōfessus est esse Filium Dei; ita Christus vicissim confitetur Petrum esse petrā; super quā aedificaturus esset Ecclesiā suam: vultq; disertē Dominus confessionē Petri sua quoq; confessione compensare. Ac si diceret: Tu dicis me Filiū Dei. Et ego dico tibi, quia tu es Petrus. Neq; enim solū cōmemorare volebat Petro suū nomen, quod & ipse bene nouerat & alij; sed mysteriū & excellentiam singulārē; quā in ipsius nomine latebat; edocere voluit. Neq; enim temerē illi Petri nomen indidit Ioā. i. 42. *Tu vocaberis Cephas*; sed propter mysterium quod tali nomine continebatur, quòd nimirum supra illum sicut supra petram aedificaturus esset Ecclesiā suam. Aliās si cōmuni ratione cum aliis Apostolis Petrus futur<sup>9</sup> erat Petra, cur soli Petro hoc nomen imposuit? cur alios quoq; Apostolos Petras non vocauit? Petrus iam habebat ante suum nomē proprium Simon, ex patre etiam vocabatur Bariona, ex patria à Betsaida; quorsum igitur nouū nomen, nisi aliquam nouam excellentiam significaret; quod super eum veluti petram aedificanda esset Ecclesia? Deniq; idem apparet ex sequentibus; *Et tibi dabo clauēs regni cōlorū*. idem enim est super Petrū fundare Ecclesiā, & tradere ei clauēs regni cōlorum. Vtrumq; enim officiū ac potestatem Petri in gubernanda Ecclesia designat. At non dubium est, Petro dictū esse, *tibi dabo clauēs regni cōlorū*; neq; igit dubium esse debebit, super Petrum aedificatā esse Ecclesiā. Verentur scilicet Euangelicī, ne si Petrus petra dicatur, Christo qui petra in scriptura dicitur, fiat ali-

*Occurritur  
obiectioni  
prima.*

*Petrus pe-  
tra sine illis  
Christi præ-  
iudicio.*

quod præiudicium. Effet sanè verendū, si Petrus eo modo, quo Christus, petra diceretur. At dicitur longè alio & inferiori modo. Christus enim petra per se soliditatē ex se habens, Petrus verò ex Christo. Quod non solum in præiudiciū Christi non cedit, sed in summam eius gloriam, qui cū sit ipse solidissima petra, suam quoq; virtutem hominibus communicat, & petras homines facit. Sicut cū ipse sit lux mundi, Apostolis quoq; ait: *Vos estis lux mundi*. Certè cū famulus potestate Domini aliquid facit, nihil Domino præiudicat. Dominus enim propria potestate facit, famulus facit idem potestate Domini. Anne claves regni coelorum Christus non habet? Sicut igitur sine vlllo suo præiudicio contulit eas Petro: ita sine suo præiudicio Petrum petram seu fundamentum Ecclesiæ constituit.

*Occurritur  
alteri.*

Neq; verò possunt hoc loco nomine petrae intelligere Christum. Nam cū dicitur *super hanc petram*, non quæcunq; petra, sed illa paulò antè nominata intelligitur. Pronomen enim Relatiuū *hac* vel *ista*, præ-nominatam petram ostendit, non aliam. verbum etiam in fine sententiæ positum, & deinde repetitum in principio sequentis sententiæ, eandem significationem habet, vt innumeris exemplis ostēdi potest. Deinde non compensatur confessio Petri, si Christus supra se ædificat Ecclesiam suam. Cū igitur vicem reddere Petro voluerit Christus, non se, sed Petrum dixit petram; neque supra se, sed supra Petrum dixit se ædificaturum Ecclesiam. Si dixisset Dominus: Ego sum petra, & super hanc petram ædificabo, facilè intelligeremus de se ipso locutum. At cū dixit: Tu es petra, non possumus nisi de alio intelligere Christi verba.

verba. Deinde loquitur de ea petra in qua nondū ædificauerat, sed edificaturus erat. At in seipso iam ædificauerat Apostolos & alios fideles, in Petro autē nou, sed edificaturus erat. Deniq; sicut alias excellēcias de clauibus, de potestate ligādi, ad Petrum retulit; ita & hāc de ædificanda Ecclesia supra petrā: tūm quia eadē sunt istę excellētię, tūm quia eodem fine & intentione sunt commemoratę.

Quare neq; illa explicatio quorundam admitti debet, super hanc petram, quam confessus es. Neq; enim Christus; Tu es confessus petram; sed, Tu es petra, & super hanc petram, quę es tu, ædificabo. Ineptē & alij petram fidem interpretantur, neq; enim Petrum fidem vocauit Dominus, sed petram, & nihil singulare tribuisset Petro, quod supra fidem communem omnium fidelium ædificaturus esset Ecclesiam. Et si Petrus propter fidem esset fundamentum Ecclesię; omnes fideles propter eādē fidem essent fundamentum. quod si omnes fideles fundamentū, vbi erit reliquum ædificium? si omnes vnum membrum, vbi corpus? Quanquam non negandum est Petrum esse suo modo petram fidei, quia fides Petri nunquam deficit, & portę inferi non præualebunt aduersus eam. Aliorū fides defecit in successoribus, Petri fides nunquam ad finem vsq; mundi in suis successoribus deficiet.

Aiunt, hoc aliis quoq; Apostolis conuenire. Minimè vero, solus enim Petrus dictus est petra, illi soli tūc reuelauerat Pater cœlestis, quē confiteri deberet Christum, illi soli in præmiū confessionis hęc prerogatiua conceditur. Neq; verum est nomine aliorum respondisse, cūm nō ex commissione aliorum, sed ex

*Quorundā  
explicatio-  
nes huius  
loci irrita-  
tur.*

*Christi  
satis fit.*

revelatione Patris cœlestis sibi tunc facta responderit Christo ipso attestare, quod caro & sanguis illi nō reuelauerit, sed Pater cœlestis. Quamobrē & cōfessionem illam tanquam solius Petri, non tanquam communem omnium Christus approbavit. neq; enim dixit, Beati estis, quia non caro & sanguis reuelavit vobis; sed, Beatus es Simon Bariona. Promissio etiam ædificandæ Ecclesiæ fundatur in nomine proprio Petri, quod illi cum aliis Apostolis nō fuit commune. Et quamvis suo modo in omnibus Apostolis fundata est Ecclesia, cuius illi fuerunt duodecim fundamenta, tamen in solo Petro fundata est vniuersa Ecclesia, tota nimirum illa, quam Christus se ædificaturum promittebat; in aliis verò particulares Ecclesiæ, quas sua prædicatione Christo adiunxerunt, fundatæ sunt. Petrus totam Ecclesiā vt pastor ordinarius in suis successoribus regit & gubernat, quod alij Apostoli nō habuerunt, qui solū fuerūt legati à Christo missi, legationis aut officium non est ordinariū, nec transit ad successores, sed vnā cum morte expirat.

*Apo. 21.  
6. 12.*

*In solo Petro vniuersa Ecclesia fundatur.*

*Petrus est perpetuum fundamentum.*

Neq; verò Petrus futurus erat petra, seu fundamentum Ecclesiæ ad tempus suæ vitæ; sed perpetuum vsq; ad finem mundi, quamdiu nempe Ecclesia à Christo ædificata, debuit subsistere. neque enim sine fundamento ædificium consistere debet. Quare cum Dominus voluerit Ecclesiæ ædificium esse perpetuum permanens in sæculum sæculi, etiam fundamentum quod huic ædificio supposuit, voluit esse simili ratione perpetuum. Petrus igitur non tam ratione suæ personæ, quàm ratione sui officij, quod etiam in suis successoribus perseuerat, est Ecclesiæ fundamentum perpetuum. Alioqui mortuo Petro defecisset Ecclesia.

ſia Chriſti, & portæ inferi præualuiſſent aduerſus eam. Simili etiam ratione clauſe regni cœlorum à Chriſto accepit, non pro ſe duntaxat, ſed vteas ſucceſſoribus ſuis communicaret. quæ enim in vtilitatem Eccleſiæ data ſunt Petro, data cenſentur etiam pro ſucceſſoribus.

At hæc & alia plurima ſumus perſecuti in libello noſtro de capite Eccleſiæ, quò remitti Lectorem volumus Hoc ſolùm dico; Quidquid faciant aduerſarij, euadere vim verborum Chriſti non poſſunt, quin illa ſola ſit vera Chriſti Eccleſia, quam Dominus ædificauit ſupra petram. Ad quam quia Miniſtri Euangelici non pertinent, conſequens eſt, vt non ſint veri Eccleſiæ miniſtri, ſed Eccleſiæ malignantiũ, quæ non à Chriſto, ſed ab ipſo dæmone eſt ædificata, ſupra tot fundamenta, quor ſunt capita Miniſtrorum. Nam neq; Miniſtri in terra, præter ſuum caput agnoſcunt aliud caput, cuius iudiciũ ſequantur, niſi quantum ſibi viſum fuerit, & cùm liberum ſit ſingulis eorum, de ſcripturæ ſenſu iudicare, tot erunt diſcrepantia fundamenta Eccleſiæ, quor capita Miniſtrorum. iuſto ſanè Dei iudicio, vt qui vnum caput à Chriſto inſtitutum reſpuunt, innumera capita à ſeipſis conſtituta admittere cogantur, quod innumera ſecta, in quas diſſecti ſunt, manuſtum faciunt.

*Concluſio.*

*Innumera  
capita Ec-  
cleſiæ Euā-  
gelicorum.*

#### OCTAVA DEMONSTRATIO.

*Miniſtri legitimi ſunt veri verbi Dei Miniſtri.*

*Miniſtri Euangelici non ſunt veri verbi Dei miniſtri:*

*Non ſunt igitur legitimi miniſtri.*

CA.

DE VOCATIONE  
CAP. V. T. XII.

*Ministri Evangelici, non sunt veri verbi Dei ministri.*

*Ministri Evangelici  
reiciunt  
Verbum Dei  
non scriptum.*

**N**ON faciamus iniuriam Evangelicis, cum eos legitimos verbi Dei ministros esse negamus; siquidem verbum Dei partim reiciunt, partim detruncant, partim pravis interpretationibus, ex proprio iudicio acceptis, corrumpunt. Reiciunt totum verbum Dei non scriptum, nullamque eius esse habendam rationem volunt. quasi verbum Dei nisi scribatur, non sit verbum Dei; aut à scriptura & membranis, non à Deo suam autoritatem habeat. Vixit Ecclesia Dei per verbum Dei, antequam scriptum esset (hoc enim postea factum est diuersis temporibus & occasionibus.) Christus mittens Apostolos, non præcepit ut scriberent, sed ut docerent omnia, quæ illis mandauerat. Hoc ipsum scriptum, quod habemus ex traditione profectum est. Neque enim scripturas sacras esse veras scripturas & verbum Dei scimus, nisi ex traditione Ecclesiæ. Tritum est illud Augustini: *Euangelio non credere, nisi me Ecclesia Catholica autoritas commoueret.* Nisi enim Ecclesia testimonium perhiberet, hoc quod habemus, esse verum Christi Euangelium; non possit quispiam Euangelio credere. cogitare. n. posset, ne forte supposititium esset ut pleraque alia. Quod sit scriptum Dei verbum traditione accepimus, cur eadem traditione non accipiamus non scriptum? cum utrumque æque sit verbum Dei, & eadem Ecclesia utriusque testimonium faciat; quæ si in vno non habet autoritatem, non habeat quoque in alio. Traditiones hominum damnat scriptura. Illas nimirum, quæ non sunt verbum Dei; sed cum eo pugnant, & ab

*Obiectioni  
occurritur.  
Traditiones  
Apostolica.*

& ab hominibus excogitatæ sunt, non à Deo profectæ. At traditiones à Christo & Apostolis profectas, 2. Tim. 2. v. 16. non solum non damnat, sed præcipit. *Tenete*, inquit Paulus, *traditiones, quas didicistis, seu per sermonem, seu per Epistolam.*

Sufficit, inquit, verbum Dei scriptum ad salutem. Responsio soluitur

At unde hoc? Nam scriptura nihil tale affirmat. Affirmat D. Ioānes de suo Euāgelio. *Hæc scripta sunt ut credatis, & credentes vitam habeatis.* Non quod solum suum Euangelium putauerit omnia necessaria ad salutem continere; sed quod ea quæ ipse scripsit de Christo, magnam vim habeant ad salutem nobis conferendam, si credantur, non exclusis tamen alijs. Nam ut alia omitam, de vltima cœna nil scripsit D. Ioannes: neq; tamē dicunt Evangelici, articulū de cœna Domini, non esse necessarium ad salutem. Paulus ait, 2. Tim. 3. v. 16. *omnem*

*scripturam diuinitus inspiratam vtilem esse ad docendum; ut perfectus sit homo Dei, ad omne opus bonum instructus.*

Non quod in quavis scriptura cōtineatur omnia ad salutem necessaria, (alias vetus testamentum sine nouo, & Epistola ad Philemonem contineret omnia nobis necessaria ad salutem) solum igitur voluit Paulus dicere, omnem scripturam ex sua parte promouere perfectionem hominis spiritualem, nō exclusis alijs, quæ etiam ad eandem perfectionem faciunt. Sine vllō igitur fundamento dicunt Evangelici, nihil ad salutem esse necessarium, quod in verbo Dei scripto non contineatur, cum nec omnia scripta sint, neque illa quæ per 40 dies à resurrectione sua Christus egit, cū Apostolis loquens de regno Dei, neque quæ Spiritus sanctus docuit Apostolos, ad hoc de cœlo missus, ut doceret Apostolos omnem veritatem, neque quæ

*Multa non  
exant in  
scripturis.*

M. Apo-



Apostoli, siue per sermonem, siue per Epistolam tradiderunt fidelibus, 2. Theff. 2. cùm multò plures Epistolas scripserint, quàm modo extent: multo verò plura docuerint, quàm scripserint; ea verò quæ scripserunt ex varijs oblatiis occasionibus, necessitatum suarum Ecclesiasticarum, quas gubernabant, scripserunt; ad eum finem, vt præsentibus tunc necessitatibus satisfacerent, non vt omnia complecterentur, quæ ad salutem essent necessaria. Talia sunt de paruulorum Baptismo, de Sacramentorum numero, ritu, vsu, & alia quæ ad mysteria fidei nostræ sine errore intelligenda pertinent.

*Ministri  
Euangelici  
detruncant  
Verbū Dei.*

Non solum magnam verbi Dei partem reiiciunt, sed & id quod admittunt, nō integrum, sed mutilum & detruncatum admittunt. Dico Dei verbum scriptum, quod non totum, nec cum omnibus suis partibus, vt ab Ecclesia Catholica semper receptum fuit, recipiunt; reiicientes multos, veteris Testamenti libros, plerosque & noui. legatur Bellarminus noster, patebunt omnia.

*Satis sic ob-  
iectioni.*

Aiunt, dubitatum esse de plerisque. Aio dubitatū esse de omnibus; nam & totum Testamentum nouū, aliqui reuocabant in dubium, alij Euangelia eorum uē nonnullas partes, alij Apocalypsim D. Ioan. alij Epistolam Pauli ad Hebræos. Annē igitur hæc omnia reiicienda? Minimè verò. Ecclesia enim Catholica, custos & testis omnium sacrorum librorum, declarauit omnes esse verè diuinos libros. In quo si credunt Euangelici Ecclesiæ Catholicæ, (nulli autē alteri credere possunt, quū præter eam nullus fidem huic rei fecerit) cur non credant pari ratione de alijs quoque quos reiiciunt libris, decernenti? nam si in  
hoc

hoc fides Ecclesiæ vacillat, quomodo in alijs quoque non vacillabit?

At quod maximè condemnat aduersarios, est diuinarum scripturarum interpretatio, id clarè pronunciat D. Petrus: *Omnis scriptura propria interpretatione nõ fit, sed Spiritu sancto loquuti sunt sancti Dei homines.*

*Ministri  
Euangelicè  
proprie in-  
terpretati-  
onibus cor-  
rumpunt  
Verbũ Dei.*

quibus verbis asserit Spiritum sanctum, quemadmodum est conditor scripturarum, ita & interpretem esse, neminemque posse priuato iudicio scripturas interpretari. Hanc D. Petri legem non obseruant Euangelici, quia nullius iudiciũ in scripturis sequuntur, sed proprio duntaxat iudicio ducuntur, eumque existimant verũ scripturæ sensum, qui ipsis facta locorum collatione videtur. Quasi verò Spiritus sanctus cuius loca cum locis conferenti assistat, & sensum aperiat. Id si ita est, quĩ igitur fit, vt cum Arriani æquè ac Calvinistæ, scripturas cum scripturis conferant, cõtrarias doctrinas ex scripturis eliciant? sed & ipsi Euāgelici, vno tempore, facta scripturarum collatione hoc affirmant, quod alio tempore facta alia scripturarum collatione negant. Omnes denique Hæretici, scripturas cum scripturis conferunt, & tamẽ singuli suas hæreses ex scripturis deducunt: ita vt verè scriptũ reliquisse Lutherus videatur, scripturã esse Hæreticorum librum. Ex eo enim omnes suas hæreses hauserunt, cùm nullus ferè sit, qui suum errorẽ, aliquo scripturæ loco non confirmet. Si dicant Euangelici, Arrianos non rectè scripturas conferre; dicent idem Arriani de Euangelicis, parique studio veritatis, se ac illos in scripturis inuestigare veritatem. Cùm porrò Lutherani deficiunt ad Calvinistas, vel hi ad illos, nonne ytriq; Collationem scripturarum faci-

*Conferre  
scripturas  
cum scri-  
pturis non  
est cuiusuis*

*Scriptura  
liber hære-  
ticorum.*

unt, & priorem collationem, quam ante probabant, postea improbant, & quem Spiritus sancti sensum opinabantur, postea reijciunt, & contemnunt? Summa rei est, si quæcunque collatio locorum scripturæ, à quocunque facta sufficit, ad veram interpretationem scripturæ, cum omnes Hæretici loca cum locis conferant, sequitur omnes Hæreticos verè interpretari scripturas, aut illa regula interpretandi scripturas, non erit usquequaque certa & indubitata.

*Scriptura  
non est in-  
deu contro-  
uersiarum.*

Falsum est igitur illud commune Evangelicorum pronunciatum, scripturam esse iudicem omnium controuersiarum, esseque ex se clarissimam, & omnes dubitationes tollere. Si enim hoc ita est, cur apud Arrianos pro Arrianis iudicat, apud Caluinistas pro Caluinistis, apud Lutheranos pro Lutheranis? Omnes enim hi se scripturæ iudicio subijciunt, & scripturæ iudicium pro se afferunt. Si scriptura facilima & clarissima est, unde igitur in tanta luce, tenebræ tantæ? unde innumeræ circa scripturarum intelligentiam contentiones? unde tam variæ interpretationes? unde tot errores?

*Verbum  
Dei quo-  
modo dici-  
tur lumen.*

Lumen quidem & lux dicitur verbum Dei, non quod per se in oculos incurrat, & ab omnibus intelligatur; sed postquam cognitum est & intellectum, instar luminis est hominem dirigentis in omnibus vijs suis. *Lucerna*, inquit David, *pedibus meis verbum tuum, & lumen semitis meis*. Porro non intelligentibus, verbum Dei, tenebræ sunt, sicut cæcis lumen tenebræ sunt; intelligentibus verò lux ad omnes vias, quibus ad salutem tenditur. Intelligi verò non poterit, nisi Spiritu sancto exponente, illuminante, & aperiente sensum ad intelligendum. Ideo enim David petebat:

*Da*

*Da mihi intellectum.* Et Eunuchus, etiam si summa attentione legeret Isaïæ locū, dicenti Philippo: *Putasne intelligis quæ legis?* Respondit. *Quomodo possum, si non aliquis ostenderit mihi?* *Act. 5.  
v. 30.*

Illud verò quàm absurdum est, & ab omni ratione alienum, mutum iudicem constituere, qui nihil loquens sententiam ferat, qui partibus tribuat potestatem ad libitū loquendi, interpretandi, decernendi. Si talis iudex in Repub. aliqua constitueretur, nonne omnium litium & controuersiarum seminarium esset? Lites nullo vnquam tempore finirentur, & tot essent iudices, quot capita. Quod si pessimè Reipub. consultum esset per tale iudicium; quomodo non existimabimus pessimè actum cum Ecclesia, sola scriptura constituta pro iudice?

Aiunt, vos ergo hominem pro iudice statuere vultis? Minimè verò. sed falsarum interpretationum hominem iudicem statuimus, qui autoritate à Deo accepta, scripturæ sensum à Spiritu sancto intentum, agnoscat & reueatur, eique se submittat & seruiat. Falsas verò interpretationes condemnet ac rejiciat. An verò cū Evangelici scripturas interpretantur, faciunt se scripturarum iudices? negabunt profectò. Pari ratione negamus Petrum, & successores eius, qui Dei nomine nobis scripturas interpretantur, esse iudices scripturarū. Si scripturas vel improbarent, vel erroris arguerent, vel immutarent; essent proculdubio scripturarum iudices, ipsa scriptura superiores. At cū scripturas reuerentur, & adorant, & earum omnino autoritatem agnoscunt, quomodo iudices scripturarum dici poterunt?

Quod si quæritur à nobis, cuiusnā erit decernere *Cuius est  
de vero sen-*

*su decerne.*  
*re.* de vero sensu scripturæ? Respondendum, non cuiusvis; sed eorum duntaxat, supra quos ædificata est Ecclesia, quique claves regni cælorum tenent. Probabiliter quidem de sensu scripturæ conijcere & alij possunt; at certè statuere, & vltimam sententiam ferre non possunt. aliàs frustra Doctores in Ecclesia Christus constituisset, si cuiusvis esset de scripturis statuere. Petrus & eius successores, sunt fundamenta Ecclesiæ à Christo constituta, cum omnia potestate, quæ ad sustinendum officium vniuersæ Ecclesiæ necessaria est, atque adeò cum potestate discernendi, veram & falsam interpretationem scripturæ, & ad eundem finem claves regni cælorum acceperunt. Vt enim errores in fide, regni cælorum ianuam claudunt; ita potestas errorem à vero discernendi, cælum aperit, eaque potestas inter cæteras ad regnum cælorum aperiendum necessaria, nomine clauium intelligitur.

*Spiritus  
 Veritatis  
 præcipue est  
 in capite  
 Ecclesiæ.*

Recurrédū igitur est ad eos, qui vniuersæ Ecclesiæ à Deo præfati sunt, cum omni potestate, ad eam gubernandam, & regnum cælorum nobis aperiendum necessaria, & ex eorum iudicio, de vero sensu scripturæ cognoscendum. Eorum enim sensus non humanus, sed diuinus est; tum quòd diuinitus sunt tali potestate & dignitate ornati, tum quia Spiritus veritatis, promissus toti Ecclesiæ, præcipue ad caput Ecclesiæ spectat. Vt enim corpus sine capite nihil iudicat; ita neque Ecclesia sine capite suo visibili Romano Pontifice. Quare nulla concilia; quantumvis numerosa, vllam in Ecclesia auctoritatem habuerunt, nisi suo capiti coniuncta, & ab ipso capite approbata.

Hoc si semel intelligere vellent Euangelici, inuenirent

nirent regulam certam & indubitatam scripturas interpretandi, intelligerent etiam suos Ministros, nullam afferre certitudinem & securitatem, cum scripturas interpretantur. Semper enim dubitari potest à quouis, num rectè loca cum locis cõtulerint, maxime cum id officium à Deo sibi commissum probare non possint. Sacerdotes verò Catholicos, legitimos esse Christi Dei ministros; cum illi non suo sensu & iudicio interpretentur; sed sensu & iudicio totius Ecclesiæ, ac præcipuè eius, qui à Deo toti Ecclesiæ præfectus est.

Nam quod aiunt, Ecclesiam totam, si verbo Dei *Obiectio soluitur.* non nitatur, errare posse; nos dicimus, quia verbo Dei non potest non insistere, gubernante illam Spiritu sancto, ideo neque errare posse. Hinc fit ut apud Catholicos, quæ semel ad fidem spectantia decreta sunt, nunquã postea vllis sæculis mutantur, sed summa sit in rebus fidei constantia. At apud aduersarios, semper summa inconstantia, & mutabilitas versatur, cuius vel vnicum exemplum esse potest, Confessio Augustana, toties recocta, mutata, & emendata. Lutherus etiam ipse in præfatione primi Tomi, suam hanc in rebus fidei inconstantiam agnoscit, & deprecatur quòd non statim omnia comprehendere, & ab omnibus erroribus se expedire potuerit. Hinc est illa concordia, nunquam satis laudata in Ecclesia Catholica in rebus fidei, quòd vnum & idem in orbe credant atque prædicent; & sint labij vnus, tot nationes diuersæ, tot ingenia differētia & discrepantia: cumque Euangelici ne vnum conciliū ex toto orbe habere hætenus potuerint; Catholici sexdecim generalia concilia, præter prouincialia innumera, summa

ma concordia celebrarunt. Nempe digitus Dei est hic, & dextra excelsi fecit hæc omnia.

### NONA DEMONSTRATIO.

*Ministri Euangelij fructum adferunt Euangelio dignum, hoc est, vita sanctimoniam.*

*Hunc fructum non adferunt Ministri Euangelici:*

*Ergo non sunt veri Euangelij ministri.*

### CAPVT XIII.

*Ministri Euangelici nullum fructum sanctitatis sua doctrina Ecclesia attulerunt, ideoque non sunt legitimi ministri Euangelij.*

*Fructus  
Verbi Dei  
& sancto.  
vñ est sanctitas.  
Herb. 4.  
7. 12.*

**F**Alfos prophetas iubet Dominus ex fructibus eorum cognosci. Neque enim arbor mala, bonos fructus facere potest, neque colligunt ex tribulis ficus, ex sentibus vvas. Fructus præcipuus verbi & Sacramentorū, quorum dicunt se ministros Euangelici, est sanctitas. Vinus enim est sermo Dei & efficax, penetrabilior omni gladio ancipiti, pertingens vsque ad diuisionē animæ ac Spiritus, compagum quoque ac medullarum. Quare non est mirum, quod faciat homines in carne supra carnem viuere, omnia terrena quasi stercora ducere, & pro Christi amore contemnere, carnem cilicijs & alijs asperitatibus edomare, vitam in terris Angelicam ducere. Sacramentorum etiā effectus est maximus, in gratia Dei varijs modis communicanda, & sanctitate inducenda; cum ad eum solum finem sint instituta, vt diuinas opes in nos effundant, & diuinis donis impleant animas nostras.

*Nulli Euangelici sunt sanctitate insignes.*

Ergo Euangelici Ministri efficiunt hunc fructū tam admirabilis sanctitatis? nihil minus. Res per se clarissima est, nullum ex ipsoꝝ secta & institutione

ne:

ne hæcenus prodijſſe, aliqua ſanctitate illuſtrem, qui cum innumeris millibus ſanctorũ Eccleſiæ Catholiciæ comparari poſit. Nullus apud illos conſilia Chriſti ſequitur, nullus vadit & vendit omnia, & dat pauperibus, vt ſequatur Chriſtum. Voluntaria paupertas ſuperſtitio illis eſt. Caſtitem perpetuam ſeruare impoſſibile, & ad eam ſe voto adſtringere, ſtultũ: vſum mulieris ita eſſe cuique neceſſarium, vt i eſcam & potum, Apoſtolus noui huius Euangelij, Martinus Lutherus, publicè docuit in ſuo illo fœdiſſimo ſermone *Impudencia Luib.* de Matrimonio Witembergæ habito, Anno D. 1522. vbi illud etiam pudendum, & honeſtis auribus indignum pronunciauit: Si non vult vxor, veniat ancilla: & ſicũt non eſt in meis viribus ſitum, vt vir non ſim; ita etiam non eſt mei iuris, vt abſque muliere ſim. Neque verò ſolũ ipſi non ſequuntur conſilia Chriſti; ſed etiam eos qui ſuam fidem Chriſto dederunt, & ſe votis perpetuæ caſtitalis obſtrinxerunt, ad defectionem ſollicitant, atque ad reſcindendam fidem Deo datam adducunt, & Chriſti ſponſas ad ſacrilegas nuptias pertrahunt; cuius rei memorabile exemplũ Lutherus cum ſua Catharina reliquit.

Multos ſanctorum fecit admirabiles poenitentia, & aſperitas vitæ, ob quam ferrei magis, quàm carnei credebantur. At ex tanto numero Euangelicorum, nullus auditus hæcenus eſt, qui illam admirabilem ſanctorum poenitentiam ſit imitatus, nullus Ioannis Baptiſtæ exemplo ad deſertum ſe contulit, vt ibi ciliicio ex pilis camelorum indutus, aqua & oleribus viſcicaret: quin etiam ieiunia omnibus Chriſtianis communia, in carnes & delicias commutarunt, ſuperſtitioſum afferentes delectum in cibis facere, etiã

N

poeni-



pœnitentiæ causa, quod proculdubio Christo ipsi in deserto, & Ioanni Baptistæ obieciissent. Non legimus quenquam illorum; diuinarum rerum contemplatione raptum in cœlū vsque, aut extasi extra se factū, & à sensibus alienatum, aut diuinæ dulcedinis copia ita inebriatum, vt animo deficeret, & deliquium pateretur: quæ de plurimis Sanctis noui Testamenti, historiæ prodiderunt, & totus mundus agnoscit.

*Ministri Evangelicis  
docent fidelitatem.*

At qui excellentem illam sanctitatē hactenus inducere non potuerunt, vtinam communem saltem vitæ, & morum integritatem inducissent, & spaciosam illam viam, quæ ducit ad interitum, hominibus sua doctrina non patefecissent. Docent illi solam fidem iustificare, solam ad salutem sufficere; ex quo quid consequitur, nisi vana & inania reliqua omnia pœnitentiæ & sanctitatis opera; quo nulla potest esse maior pestis virtutū & sanctimonix. Quorsum enim bona facienda opera, si nullū nobis salutis & iustitiæ fructum conferunt, cum hæc meliori compendio solius scilicet fidei obtineatur? At non solum hoc doctrinā ipsorum consequitur, sed ipsissima est, & expressissima eorū doctrina, omnia opera nostra quantumuis bona, peccata esse, secundum quidem diuinum rigorem mortalia, secundum verò misericordiam venialia. Hic enim est Lutheri articulus vnus ex assertis. Calvinus 3. Instit. c. 11. n. 23. nullum dicit exire à sanctis opus bonum, quod non mereatur iustam opprobrij mercedē. Quid insanius dici potuit, quid magis auocans homines ab omni operum bonorum exercitio? Si enim opera quantumuis bona & sancta, sunt peccata; diuina verò lex est, vt ab ōni peccatorū genere abstineāus: quis nō videt, nos debere ab ōnibus operibus quantumuis bonis & sanctis abstinere, ne

**faciendo**

*Absurda  
doctrina Evangelicorum  
de bonis operibus.*

faciendo peccēus? Parū enim refert dicere, contegitalia opera iustitia Christi, & accepta Deo fieri. Nam quomodo peccata accepta esse Deo possunt? remitti quidē, & condonari propter Christum possunt peccata nostra, at grata & accepta esse minimē: nisi velimus Deum amare iniquitatem. Quod si nunquam opera nostra bona, Deo grata esse possunt, facilius erit ab illis abstinere, quā ea patrare, ut iustitia Christi contegantur. Quin & illud sequitur, Deum, cū nobis opera quæcunque præcipit, peccata præcipere, cū nulla opera facere possimus, quæ nō sint peccata. At quomodo Deus, qui est summa bonitas, & ab omni malo nos auocat, peccatum præcipere potest?

Quā verò spatiosa est illa ad interitum via, sola fides iustificans? quā laxa, & ad omnem licentiam propensissima? Si enim semel persuaserint sibi homines sola fide se posse iustificari, laxabunt habenas omnibus sceleribus, cū nihil amplius in poenam scelerum illis faciendū supersit, quā credere; quo nihil facilius, nihil leuius. Peccent sanè quantum volunt, dum modò credant, salui erunt. Cū igitur talia docent Evangelici Ministri, fieri non potest, ut aliquam formam sanctitatis imprimant suis auditoribus, sicut & cū docent mandata Dei esse seruanda impossibilia, præsertim verò mandatum de nō concupiscendo, & de diligendo Deo super omnia.

Adde, quod fontes ex quibus omnis in nos sanctitas, diuina institutione profluit, isti sustulerunt. nempe Sacramenta omnia. Præter Baptismum, nullum verū Sacramentum habent. Sacramentum absolutionis ad remittenda peccata institutum, non admittunt.

N. 2.

tunt.

*Sola fides  
iustificans  
quā ab-  
surdū.*

*Ministri E-  
uangelici  
fontes san-  
ctitatis su-  
stulerunt.*

*Quàm ma-  
li sint Eua-  
gelici.*

*Euangelici  
ob peccatos  
suorum mo-  
res, iterum  
petierunt  
restitui cō-  
fessionem.  
Sotus in 4.  
d. 13. q. 1.  
a. r.*

tunt. Sacramentū vero Eucharistiæ, admittunt qui-  
dem; sed Christo vacuum, atque propterea ad vitam  
æternam comparandā inefficax. Reliqua Sacramen-  
ta floccipendunt. Nihil igitur mirum, fontibus diui-  
næ gratiæ siccatis, nullā in homines sanctitatem pro-  
manare, quin potius peccata augeri & excrefcere in  
immenfum. Quare Erasmus Roterodamus, in quadā  
Epistola ad Pseudo Euangelicum, ita scriptum reli-  
quit de nouisistis Euangelicis: *Mihi adhuc neminē con-  
tigit nosse, qui non videatur seipso factus deterior. Circum-  
spice sodalitatem istam Euangelicam, quot habet adulteros,  
quot temulentos, quot aleatores, quot decoctores, quot  
alijs vitijs infames?* Et in Epistola ad Vulturium  
quendam: *Profert (inquit) mihi, quē istud Euangelium  
ex commessatore sobrium, ex feroci mansuetum, ex rapaci li-  
beralem, de maledico benedicū, ex impudico reddiderit ve-  
recundū. Ego tibi multos ostendam, qui facti sunt seipsis de-  
teriores.* Verū ipse quoque Lutherus testimonium  
huic rei perhibet in Postilla super Euangelium Do-  
minicæ I. Aduentus, cū ait *suos Euangelicos esse multo  
deteriores, quàm fuerint in Papatu.* Neque mirum, nihil  
enim est quod illos à peccato deterreat, cū omnē  
pœnitentiam, & pro peccatis satisfactionem sustule-  
rint. Pœnitentia illis est fides, pœna pro peccatis pas-  
sio Christi. Quare suo malo edocti Euangelici, subla-  
ta confessione, videntes laxata fræna licentiæ, & im-  
punitati peccandi; magnis precibus olim in comitijs  
Imperialibus postularunt restitui confessionē ad Ec-  
clesias Euangelicas, quòd sine ea coërceri, infinita li-  
bido peccandi non possit.

Neque verò requirimus ab Euāgelicis, vt sint om-  
nēs sancti, quo d neque apud Catholicos inuenitur;  
sed

sed hoc solum vrgemus, quòd fides ista Euangelica, facere sanctum neminem possit. nam ex Catholicis, innumeros censemus Sanctos, in omni genere sanctitatis admirabiles: ex Euangelicis ne vnum numerare possumus; cuius rei doctrina illorum est præcipua causa. Ea enim omnia media, ex quibus effici quis Sanctus potest, tollit & condemnat; ea verò quibus ad omnia mala habere laxantur, tueretur & approbat.

Accedit quòd non modò Sanctos non faciunt, sed *Euangelici sanctis bellum inferunt* ijs qui his mille sexcētis annis fuerunt in Ecclesia Sancti, bellum inferunt; eos omnes erroris accusant, quòd errores Euangelicorum non approbarint, neque vnquam se adduci sinunt, vt iudicio & consensu sanctorum Patrum se iudicari patiantur. Testes sunt Centuriatores, qui cum singulis sæculis, in scriptis sanctorum Patrum adnotassent articulos de Missa, Purgatorio, Imaginibus, Sanctorum inuocatione, & reliquos articulos Catholicos: dixerunt istos fuisse n̄uos sanctorum Patrum. Scilicet puriorem fidem habent Euāgelici, quàm Sancti omnes: quasi aut sine fide quispiam esse Sanctus, & placere Deo possit, aut quispiā diuini luminis copiam, & sancti Spiritus communicationem maiorem habeat, ad perspiciendas res fidei, quàm sancti Dei homines, quos Diuus Petrus vocat *Spiritu sancto inspiratos*.

Nullo igitur modo fides, quam prædicant Euāgelici, Sanctorum fides dici potest, cū neque Sanctos faciat, neque cū Sanctis concordet, neque quispiam Sanctorum vnquam illam sit secutus. Ac ne is quidem, qui primus eam fidem Euangelicis attulit Martinus Lutherus, huius quinti Euangelij Aposto- *Fides Euāgelicorum non est fides sanctorum. Lutherus qualis.*

lus multo sanctior fuit. Nam vt omittam, quòd de tali Euangelio nunquã cogitasset, nisi ambitione prouocatus, eo quòd munus promulgandarum indulgentiarum sui Ordinis Monachis, ad Monachos Ordinis Prædicatorũ translatum esset, teste Cochlaro in actis Lutheri; quodque dæmonem ipsum, & consultorem & autorem huius Euangelij habuerit, ab eoque conuictus, cõcesserit Missã priuatã esse rē malã. Certè scripta ipsius Lutheri, summam eius arrogantiam & fastum testantur. Scripsit in Epistola ad Argentinenes, se libenter negaturũ fuisse præsentiã Christi in Eucharistia, vt ea ratione plurimũ incommodaret Papam, si scripturæ clarissimæ non adhærerent. In formula Missæ de vsu vtriusque speciei, ita scribit: *Si quò casu concilium id statueret ac permetteret, (nempe vsum vtriusque speciei) tunc minimè omniũ nos velle vtraque speciei potiri, ac planè eos anathema habere, qui autoritate talis concilij vel statuti vtraque potirentur.* Legi similia plurima possunt apud Cochlarum, in Septicipite Luthero. In lib: contra Regem Angliæ, superbissimè se suaque iactat, dicitque *Reges, Principes, Pontifices, non esse dignos, qui soluant suorum corrigiam calceamentorũ, & se pro sancto viro velle haberi, velint nolint homines, & se non magis facere mille Cyprianos, & mille Augustinos.* Quare suis etiam eo nomine exosus, & intolerabilis fuit. Gesnerus in vniuersali sua Bibliotheca, sic scribit: *Illud non est dissimulandum, virum esse Lutherum vehemētis ingenij, impatientem, & qui nisi per omnia sibi consentientes ferre nesciat.* Et infra: *Dominus faxit, ne contentione & impudentia oris obsit Ecclesia sua, cuius olim crepundia tam feliciter promouit.* Tigurini Ministri in sua responsione ad lib. quem Lutherus contra Zuinglium scripserat, sic aiunt:

aiunt: *Propheta & Apostoli Dei gratia, non priuato honoris non sua pertinacia & superbia studebant. Lutherus autē sua quirit, pertinax est, insolētia effertur nimia, & in omnibus correctionibus suis, plurimū in eo maligni spiritus, quā minimū verō amici & paterni animi deprehenditur. Hæc omnia, cū sint vera ipsi aduersariis testibus, facilē quisque perspiciet, quā sanctū sit hoc Euangeliū, quod isti prædicant, ex quo nec gutta sanctitatis elici hæcenus potuit.*

## DECIMA DEMONSTRATIO.

*Ministris veris Deus cooperatur, & sermonem confirmat sequentibus signis.*

*Ministri Euangelici nunquam est cooperatus Deus, neque sermonem eorum confirmauit sequentibus signis: Non sunt igitur veri ministri.*

## CAPVT XIII.

*Ministri Euangelici nulla vllō tempore miracula ediderunt, sunt igitur falsi ministri.*

**D**Olet Ministriscū illos miraculis perurgemus. Infelici successum. nists Euā. non doleret si proferre aliqua, pro se possent. gelici sentarunt facere miracula. Tentarunt quidem aliqui aliqua, sed infelici successu. nam & Lutherus dum Dæmonem, ex quadam discipula sua obsessa, eijcere tentaret, parum abfuit quin à Dæmone opprimeretur, Staphylo oculato rei teste. Et Calvinus cum Brulæum fictē mortuum ad vitam reuocare conaretur, reuera mortuum effecit, vt refert Bolefcus in vita Caluini cap. 13.

Non patiuntur has angustias Catholici, qui omnium temporum, & sæculorū, plurima & maxima miracula à Sanctissimis viris patrata, & à grauissimis auctoribus conscripta, proferre possunt. Apud Catholicos plurima sunt miracula. Testes sunt ipsi

Centu:



Centuriatores Magdeburgenses, in sua Historia Ecclesiastica: qui in singulis centurijs cap. 13. annotarunt, ex authoribus illorum temporum plurima miracula à viris Catholicis, ad confirmationem dogmatum Catholicorum edita. Quæ licet illi more suo illusiones Dæmonis vocant, eo modo quo Pharisei dixerunt Christum in virtute Beelzebub eijcere Dæmonia: tamen neque vllis documentis id probant, neque aliam causam adferunt, nisi quod Lutheri Evangelio repugnât, cum tamé nos ex altera parte grauißimorum & sanctissimorum Patrum testimonia producamus, quibus si fides semel abrogetur, nullis Scriptoribus quorumcumque sæculorum adhibenda erit, cum nullus illis sanctimonia, authoritate, fidei integritate par esse possit. Certè Aug. 22. de ciuitate, plurima sui temporis miracula commemorat. Gregorij, qui à miraculorum effectione Thaumaturgus est dictus, refert Gregorius Nissenus in eius vita: Martini Sulpitius; aliorum sæculorum alij, quos recenset Bellarminus, in libro 4. de notis Ecclesiæ.

*Miracula  
Apostolorum  
non sunt E-  
uangelico-  
rum.  
Prima ob-  
iectioni sa-  
tisfit.*

Proferant Evangelici, per mille sexcentos annos, vel vnum miraculum à suæ sectæ hominibus factum, quos nimirum constet, extra omnem controuersiam Evangelicos fuisse. Proferunt illi quidem Apostolorum miracula, quasi demonstrassent Apostolos Evangelicos fuisse, & ipsorum errores docuiss. Nonne & Arriani & omnes cuiusvis sectæ hæretici, Apostolos suos esse volunt? quare & eorum miracula, non magis hi quàm alij sibi vendicât: & sicut ea alijs Evangelici non concedunt, ita nec alij illis. Nam quod aiunt, miracula Catholicorum esse falsa, eò quod euertant

Euan-

Euangelium, verum dicunt, si Euangelium Lutheri & Caluini intelligant; falsum, si Christi. Christi enim Euangelium est illud, quod à Christi temporibus prædicabitur ad finem vsque mundi in orbe terrarum. Atqui non Lutheri, aut Caluini Euangelium, sed id quod Catholici agnoscunt, omnibus sæculis fuit in orbe terrarum prædicatum, & miraculis confirmatum. Non igitur Christi, sed Caluini & Lutheri Euangelium miraculis Catholicorum enervitur. Deinde, qui fieri potest, vt non sit Christi Euangelium, quod tot miraculis omnibus sæculis, temporibus, locis, est confirmatum; illud verò vt habeatur pro Christi Euangelio, quod nulla vnquam miracula habuit? Sunt enim miracula diuina quædam testimonia, ideo enim dicitur Hebr. 2. vers. 4. *Contestante Deo signis & portentis, & virtutibus.* Et Marci ultimo: *illi verò profecti prædicauerunt ubique, Domino cooperante, & sermonem confirmante sequentibus signis.* Quid aliud est fidem miraculis confirmari, quam diuinis testimoniis confirmari? Certè aut fides Catholica vera est, ob tot & tanta miracula: aut ad diuinam prouidentiam spectaret, ea non permittere ad falsæ fidei confirmationem: maximè cum talia Catholici miracula proferant, quæ cum miraculis Apostolorum conferri possint, pleraque etiam superare videantur.

Scripturis, inquiunt, agendum est, non miraculis. Ita quidem, si de recta scripturarum intelligentia constaret. At cum scripturas variè torqueant, & ad suos sensus accommodent; diuino testimonio est opus, vtri scripturas verè & ad animarum salutem accommodatè exponant, Hæreticinè ad Catholici?

*Secunda  
obiectioni  
respondetur.*

O

Arria.



ma concordia celebrarunt. Nempe digitus Dei est hic, & dextra excelsi fecit hæc omnia.

### NONA DEMONSTRATIO.

*Ministri Euangelij fructum adferunt Euangelio dignum, hoc est, vita sanctimoniam.*

*Hunc fructum non adferunt Ministri Euangelici:*

*Ergo non sunt veri Euangelij ministri.*

### CAPVT XIII.

*Ministri Euangelici nullum fructum sanctitatis sua doctrina Ecclesia attulerunt, ideoque non sunt legitimi ministri Euangelij.*

*Fructus  
Verbi Dei  
& sancti.  
vñ est sanctitas.  
Herb. 4.  
p. 12.*

**F**Allos prophetas iubet Dominus ex fructibus eorum cognosci. Neque enim arbor mala, bonos fructus facere potest, neque colligunt ex tribulis ficus, ex sentibus vinas. Fructus præcipuus verbi & Sacramentorū, quorum dicunt se ministros Euangelici, est sanctitas. Vinus enim est sermo Dei & efficax, penetrabilior omni gladio ancipiti, pertingens vsque ad diuisionē animæ ac Spiritus, compagum quoque ac medullarum. Quare non est mirum, quod faciat homines in carne supra carnem vivere, omnia terrena quasi stercora ducere, & pro Christi amore contemnere, carnem cilicijs & alijs asperitatibus edomare, vitam in terris Angelicam ducere. Sacramentorum etiā effectus est maximus, in gratia Dei varijs modis communicanda, & sanctitate inducenda; cum ad eum solum finem sint instituta, vt diuinas opes in nos effundant, & diuinis donis impleant animas nostras.

*Nulli Euangelici sunt sanctitate insignes.*

Ergone Euangelici Ministri efficiunt hunc fructū tam admirabilis sanctitatis? nihil minus. Res per se clarissima est, nullum ex ipsorum secta & institutione

ne:

ne haftenus prodijſſe, aliqua ſanctitate illuſtrem, qui cum innumeris millibus ſanctorũ Eccleſiæ Catholiciæ comparari poſit. Nullus apud illos conſilia Chriſti ſequitur, nullus vadit & vendit omnia, & dat pauperibus, vt ſequatur Chriſtum. Voluntaria paupertas ſuperſtitio illis eſt. Caſtitem perpetuam ſeruare impoſſibile, & ad eam ſe voto adſtringere, ſtultũ: vſum mulieris ita eſſe cuique neceſſarium, vti eſcam & potum, Apoſtolus noui huius Euangelij Martinus Lutherus, publicè docuit in ſuo illo ſœdiſſimo ſermone de Matrimonio Witembergæ habito, Anno D. 1522. vbi illud etiam pudendum, & honeſtis auribus indignum pronunciauit: Si non vult vxor, veniat ancilla: & ſicũt non eſt in meis viribus ſitum, vt vir non ſim; ita etiam non eſt mei iuris, vt abſque muliere ſim. Neque verò ſolũ ipſi non ſequuntur conſilia Chriſti; ſed etiam eos qui ſuam fidem Chriſto dederunt, & ſe votis perpetuæ caſtitalis obſtrinxerunt, ad defectionem ſollicitant, atque ad reſcindendam fidem Deo datam adducunt, & Chriſti ſponſas ad ſacrilegas nuptias pertrahunt; cuius rei memorabile exemplũ Lutherus cum ſua Catharina reliquit.

*Impudentia Lutheri.*

Multos ſanctorum fecit admirabiles pœnitentia, & aſperitas vitæ, ob quam ferrei magis, quàm carnei credebantur. At ex tanto numero Euangelicorum, nullus auditus haftenus eſt, qui illam admirabilem ſanctorum pœnitentiam ſit imitatus, nullus Ioannis Baptiſtæ exemplo ad deſertum ſe contulit, vt ibi ciliicio ex pilis camelorum indutus, aqua & oleribus victitaret: quin etiam ieiunia omnibus Chriſtianis communia, in carnes & delicias commutarunt, ſuperſtitioſum aſſerentes delectum in cibis facere, etiã

N

pœni-

pœnitentiæ causâ, quod prœculdubio Christo ipsi in deserto, & Ioanni Baptistæ obieciissent. Non legimus quenkum illorum; diuinarum rerum contemplatione raptum in cœlū vsque, aut extasi extra se factū, & à sensibus alienatum, aut diuinæ dulcedinis copia ita inebriatum, vt animo deficeret, & deliquium pateretur: quæ de plurimis Sanctis noui Testamenti, historiæ prodiderunt, & totus mundus agnoscit.

*Ministri Evangelici  
docent fidem  
latam.*

At qui excellentem illam sanctitatē hactenus inducere non potuerunt, vtinam communem saltem vitæ, & morum integritatem inducissent, & spaciosam illam viam, quæ ducit ad interitum, hominibus sua doctrina non patefecissent. Docent illi solam fidem iustificare, solam ad salutem sufficere; ex quo quid consequitur, nisi vana & inania reliqua omnia pœnitentiæ & sanctitatis opera; quo nulla potest esse maior pestis virtutū & sanctimonix. Quorsum enim bona faciendâ opera, si nullū nobis salutis & iustitiæ fructum conferunt, cum hæc meliori compendio solius scilicet fidei obtineantur? At non solum hoc doctrinâ ipsorum consequitur, sed ipsissima est, & expressissima eorū doctrina, omnia opera nostra quantumuis bona, peccata esse, secundum quidem diuinum rigorem mortalia, secundum verò misericordiam venialia. Hic enim est Lutheri articulus vnus ex assertis. Calvinus 3. Instit. c. 11. n. 23. nullum dicit exire à sanctis opus bonum, quod non mereatur iustam opprobrij mercedē. Quid insanius dici potuit, quid magis auocans homines ab omni operum bonorum exercitio? Si enim opera quantumuis bona & sancta, sunt peccata; diuinâ verò lex est, vt ab omni peccatorū genere abstineāus: quis nō videt, nos debere ab omnibus operibus quantumuis bonis & sanctis abstinere, ne

**faciendo**

*Absurda  
doctrina E-  
uangelico-  
rum de bo-  
nis operi-  
bus.*

faciendo peccēus? Parū enim refert dicere, contegi talia opera iustitia Christi, & accepta Deo fieri. Nam quomodo peccata accepta esse Deo possunt? remitti quidē, & condonari propter Christum possunt peccata nostra, at grata & accepta esse minimē: nisi velimus Deum amare iniquitatem. Quod si nunquam opera nostra bona, Deo grata esse possunt, facilius erit ab illis abstinere, quā ea patrare, ut iustitia Christi contegantur. Quin & illud sequitur, Deum, cū nobis opera quæcunque præcipit, peccata præcipere, cū nulla opera facere possimus, quæ nō sint peccata. At quomodo Deus, qui est summa bonitas, & ab omni malo nos auocat, peccatum præcipere potest?

Quā verò spatiosa est illa ad interitum via, sola fides iustificans? quā laxa, & ad omnem licentiam propensissima? Si enim semel persuaserint sibi homines sola fide se posse iustificari, laxabunt habenas omnibus sceleribus, cū nihil amplius in peccatam scelerum illis faciendū super sit, quā credere; quo nihil facilius, nihil leuius. Peccent sanē quantū volunt, dum modò credant, salui erunt. Cū igitur talia docent Euangelici Ministri, fieri non potest, ut aliquam formam sanctitatis imprimant suis auditoribus, sicut & cū docent mandata Dei esse seruanda impossibilia, præsertim verò mandatum de nō concupiscendo, & de diligendo Deo super omnia.

Adde, quod fontes ex quibus omnis in nos sanctitas, diuina institutione profluit, isti sustulerunt. nempe Sacramenta omnia. Præter Baptismum, nullum verū Sacramentum habent. Sacramentum absolutiōis ad remittenda peccata institutum, nō admittunt.

*Sola fides  
iustificans  
quā ab-  
surda.*

*Ministri E.  
uangelici  
fontes san-  
ctitatis su-  
stulerunt.*

*Quam ma-  
li sint Euā-  
gelici.*

*Euangelici  
ob peſsimos  
ſuorum mo-  
res, iterum  
petierunt  
reſtitui cō-  
feſſionem.  
Sotus in 4.  
d. 18. q. 1.  
a. 1.*

tunt. Sacramentū vero Eucharistiæ, admittunt qui-  
dem; sed Christo vacuum, atque propterea ad vitam  
æternam comparandā inefficax. Reliqua Sacramen-  
ta floccipendunt. Nihil igitur mirum, fontibus diui-  
næ gratiæ siccatis, nullā in homines sanctitatem. pro-  
manare, quin potius peccata atgeri & excreſcere in  
immenſum. Quare Erasmus Roterodamus, in quadā  
Epistola ad Pſeudo Euangelicum, ita ſcriptum reli-  
quit de nouiſtiſ; Euangelicis: *Mihi adhuc neminē con-  
tigit noſſe, qui non videatur ſeiſpo factus deterior. Circum-  
ſpice ſodalitatem iſtā Euangelicā, quot habet adulteros,  
quot temulentos, quot aleatores, quot decoctores, quot  
alijs vitijs infames?* Et in Epistola ad Vulturium  
quendam: *Profert (inquit) mihi, quē iſtud Euangelium  
ex commeaſſatore ſobrium, ex ſeroci manſuetum, ex rapaci li-  
beralem, de maledico benedicū, ex impudico reddiderit ve-  
recundū. Ego tibi multos oſtendam, qui facti ſunt ſeiſpis de-  
teriores.* Verū ipſe quoque Lutherus teſtimonium  
huius rei perhibet in Poſtilla ſuper Euangelium Do-  
minicæ I. Aduentus, cū ait ſuos Euangelicos eſſe multo  
*deteriores, quā fuerint in Papatu.* Neque mirum, nihil  
enim eſt quod illos à peccato deterreat, cū omnē  
pœnitentiam, & pro peccatis ſatiſfactionem ſuſtule-  
rint. Pœnitentia illis eſt fides, pœna pro peccatis paſ-  
ſio Chriſti. Quare ſuo malo edocti Euangelici, ſubla-  
ta confeſſione, videntes laxata fræna licentiæ, & im-  
punitati peccandi; magnis precibus olim in comitijs  
Imperialibus poſtularunt reſtitui confeſſionē ad Ec-  
cleſias Euangelicas, quod ſine ea coërceri, infinita li-  
bido peccandi non poſſit.

Neque verò requirimus ab Euāgelicis, vt ſint om-  
nēs ſancti, quo d neque apud Catholicos inuenitur;  
sed

sed hoc solum vrgemus, quod fides ista Euangelica, facere sanctum neminem possit. nam ex Catholicis, innumeros censemus Sanctos, in omni genere sanctitatis admirabiles: ex Euangelicis ne vnum numerare possumus; cuius rei doctrina illorum est præcipua causa. Ea enim omnia media, ex quibus effici quis Sanctus potest, tollit & condemnat; ea verò quibus ad omnia mala habere laxantur, cunctur & approbat.

Accedit quod non modò Sanctos non faciunt, sed *Euangelici sanctis bellum inferunt* ijs qui his mille sexcētis annis fuerunt in Ecclesia Sancti, bellum inferunt; eos omnes erroris accusant, quod errores Euangelicorum non approbarint, neque vnquam se adduci sinunt, vt iudicio & consensu sanctorum Patrum se iudicari patiantur. Testes sunt Centuriatores, qui cum singulis sæculis, in scriptis sanctorum Patrum adnotassent articulos de Missa, Purgatorio, Imaginibus, Sanctorum inuocatione, & reliquos articulos Catholicos: dixerunt istos fuisse n̄uos sanctorum Patrum. Scilicet puriorem fidem habent Euāgelici, quàm Sancti omnes: quasi aut sine fide quisquam esse Sanctus, & placere Deo possit, aut quispiā diuini luminis copiam, & sancti Spiritus communicationem maiorem habeat, ad perspiciendas res fidei, quàm sancti Dei homines, quos Diuus Petrus vocat *Spiritu sancto inspiratos*.

Nullo igitur modo fides, quam prædicant Euāgelici, Sanctorum fides dici potest, cū neque Sanctos faciat, neque cū Sanctis concordet, neque quispiam Sanctorum vnquam illam sit secutus. Ac ne is quidem, qui primus eam fidem Euangelicis attulit Martinus Lutherus, huius quinti Euangelij Aposto-

*Fides Euāgelicorum non est fides sanctorum. Lutherus qualis.*



lus multo sanctior fuit. Nam vt omittam, quòd de tali Euangelio nunquã cogitasset, nisi ambitione prouocatus, eo quòd munus promulgandarum indulgentiarum sui Ordinis Monachis, ad Monachos Ordinis Prædicatorũ translatum esset, teste Cochlæo in actis Lutheri; quodque dæmonem ipsum, & consultorem & autorem huius Euangelij habuerit, ab eoque conuictus, cõcesserit Missã priuatã esse rē malã. Certè scripta ipsius Lutheri, summam eius arrogantiam & fastum testantur. Scripsit in Epistola ad Argentineneses, se libenter negaturũ fuisse præsentiã Christi in Eucharistia, vt ea ratione plurimũ incommodaret Papam, si scripturæ clarissimæ non adhærerent. In formula Missæ de vsu vtriusque speciei, ita scribit: *Si quò casu concilium id statueret ac permitteret, (nempe vsum vtriusque speciei) tunc minimè omnium nos velle vtraque speciei potiri, ac planè eos anathema habere, qui autoritate talis concilij vel statuti vtraque potirentur.* Legi similia plurima possunt apud Cochlæum, in Septicipite Luthero. In lib: contra Regem Angliæ, superbissimè se suaque iactat, dicitque *Reges, Principes, Pontifices, non esse dignos, qui soluant suorum corrigiam calceamentorum, & se pro sancto viro velle haberi, velint nolint homines, & se non magis facere mille Cyprianos, & mille Augustinos.* Quare suis etiam eo nomine exosus, & intolerabilis fuit. Gesnerus in vniuersali sua Bibliotheca, sic scribit: *Illud non est dissimulandum, virum esse Lutherum vehemētis ingenij, impatientem, & qui nisi per omnia sibi consentientes ferre nesciat.* Et infra: *Dominus faxit, ne contentione & impudentia oris obsit Ecclesia sua, cuius olim crepundia tam feliciter promouit.* Tigurini Ministri in sua responsione ad lib. quem Lutherus contra Zuinglium scripserat, sic aiunt:

aiunt: *Propheta & Apostoli Dei gratia, non privato honoris non sua pertinacia & superbia studebant. Lutherus autē sua querit, pertinax est, insolētia effertur nimia, & in omnibus correctionibus suis, plurimū in eo maligni spiritus, quā minimū verō amici & paterni animi deprehenditur. Hæc omnia, cū sint vera ipsis aduersarijs testibus, facile quisque perspiciet, quā sanctū sit hoc Euangeliū, quod isti prædicant, ex quo nec gutta sanctitatis elici habet- nus potuit.*

## DECIMA DEMONSTRATIO.

*Ministris veris Deus cooperatur, & sermonem confirmat sequentibus signis.*

*Ministris Evangelicis nunquam est cooperatus Deus, neque sermonem eorum confirmauit sequentibus signis:*

*Non sunt igitur veri ministri.*

## CAPVT XIII.

*Ministri Evangelici nulla vllō tempore miracula ediderunt, sunt igitur falsi ministri.*

**D**Olet Ministris cū illos miraculis perurgemus. <sup>Infelici successum.</sup> non doleret si proferre aliqua, pro se possent. <sup>Ministri Eua-</sup> Tentarunt quidem aliqui aliqua, sed infelici <sup>gelici ten-</sup> successu. nam & Lutherus dum Dæmonem, ex qua- <sup>tarunt fa-</sup> dam discipula sua obsessa, eijcere tentaret, parum ab- <sup>cere mira-</sup> fuit quia Dæmone opprimeretur, Staphylo oculato rei teste. Et Calvinus cum Brulæum fictē mortuum ad vitam reuocare conaretur, reuera mortuum effecit, vt refert Bolefcus in vita Caluini cap. 13.

Non patiuntur has angustias Catholici, qui omni- <sup>Apud Ca-</sup> um temporum, & sæculorū, plurima & maxima mi- <sup>tholicos plu-</sup> racula à Sanctissimis viris patrata, & à grauissimis au- <sup>rima sunt</sup> toribus conscripta, proferre possunt. Testes sunt ipsi <sup>miracula.</sup>

Centu-



Euangelium, verum dicunt, si Euangelium Lutheri & Caluini intelligant; falsum, si Christi. Christi enim Euangelium est illud, quod à Christi temporibus prædicabitur ad finem vsque mundi in orbe terrarum. Atqui non Lutheri, aut Caluini Euangelium, sed id quod Catholici agnoscunt, omnibus sæculis fuit in orbe terrarum prædicatum, & miraculis confirmatum. Non igitur Christi, sed Caluini & Lutheri Euangelium miraculis Catholicorum eueritur. Deinde, qui fieri potest, vt non sit Christi Euangelium, quod tot miraculis omnibus sæculis, temporibus, locis, est confirmatum; illud verò vt habeatur pro Christi Euangelio, quod nulla vnquam miracula habuit? Sunt enim miracula diuina quædam testimonia, ideo enim dicitur Hebr. 2. vers. 4. *Contestante Deo signis & portentis, & virtutibus.* Et Marci ultimo: *Illi verò profecti prædicauerunt ubique, Domino cooperante, & sermonem confirmante sequentibus signis.* Quid aliud est fidem miraculis confirmari, quàm diuinis testimoniis confirmari? Certè aut fides Catholica vera est, ob tot & tanta miracula: aut ad diuinam providentiam spectaret, ea non permittere ad falsæ fidei confirmationem: maxime cum talia Catholici miracula proferant, quæ cum miraculis Apostolorum conferri possint, pleraque etiam superare videantur.

Scripturis, inquiunt, agendum est, non miraculis. Ita quidem, si de recta scripturarum intelligentia constaret. At cum scripturas variè torqueant, & ad suos sensus accommodent; diuino testimonio est opus, vtri scripturas verè & ad animarum salutem accommodatè exponant, Hæreticinè ad Catholicos?

O

Arria.

*Secunda  
obfessionis  
respondetur.*

Arrianian Calvinistæ vel Lutherani? Non igitur nos contemptis scripturis, miracula quærimus; sed scripturis insistendo, eos dicimus rectè de scripturis sentire, easque probè interpretari, quorum sensum Deus de cælo miraculis confirmat; eos verò esse falsos scripturæ interpretes, quibus Deus de cælo non attestatur.

*Hæretici  
miracula  
nunquam  
fecerunt.*

At hæretici etiam aliquando miracula fecisse leguntur, nam & Paulo Episcopo Novatiano, Iudæum impostorem baptizante aqua sacri fontis disparuit. Et Aug. tract. 13. in Ioan. Donatistas vocat per contemptum mirabiliarios, neque illis fidem adhibendam esse, etiam si miracula faciant. At negandum est, hæreticos vlla vnquam miracula fecisse, ita vt eorum respectu, nunquam sit à Deo factum vllum miraculum. Nam neque suis precibus, aliquod miraculum à Deo impetrarunt, neque verbo aut opere aliquid fecerunt, vt miraculum fieret. Quod si Iudæo Baptismū irridente, aqua sacri fontis disparuit; id neque cogitante, neque coöperante Paulo Novatiano factum est, neque vlllo modo in eius gratiam, sed in gratiam Baptismi, qui sacer est à quocunque conferatur, & Deus irrideri non patitur. Mirabiliarios Donatistas meritò contemnit Augustinus cùm nihil tale efficerent, quod verè miraculum esset, & solius Dei virtute præstari possit. solum enim recitabant visiones quasdam occultas, quæ maximè Dæmonis illusionibus sunt obnoxie. Catholicorum vero miracula sunt talia, qualia non nisi Dei potestate fieri possunt, vt est mortuorum suscitatio, cæcorum illuminatio, & similia.

Quod

Quod si dicant, Dæmones; non quidem vera miracula facere posse, at posse apparentia, quæ uerè uerè imitentur miracula. Respondeo: Posse quidem Dæmonem multa moliri, quæ similitudinem miraculorum habeant: at neque Deum permittere Dæmoni hanc potestatem, neque cū permittit, ea ratione permittit, ut nō simul appareat illa esse falsā miracula. Nā si Achabū decipere Sathan non potuit, ut esset mendax in ore Prophetarū eius, nisi Dei permissu, & facta à Deo potestate: q̄modo sine Dei cōcessione miracula falsa tentabit? Ad prouidentiam uerò Dei pertinet, ut cū talia Dæmō molitur, varijs signis pateat ipsorum falsitas & deceptio, ne in errorem inducātur, si fieri potest etiam electi. Si enim qua in re Dei cura & prouidentia circa fideles versari debet: ea potissimum est, ne fideles miraculis decipiantur. hæc enim esset Dei quasi nomine deceptio. Vnde aut nullis miraculis fideles credere tenerentur; si semper de illis dubitare liceret: aut si credere tenentur, ad Dei prouidentiam spectat, ne fideles miraculorum specie decipiantur. Et hoc non credere, est non credere Dei prouidentiam. Neque porro per hos mille sexcentos annos, vlla vnquam miracula, vel miraculorum species, à quibuscunque hæreticis effectæ sunt, quin statim iusto Dei iudicio fictio appareret, ut in Caluini & Lutheri paulò antè commemorato miraculo cernere licet.

*Obiectio.  
Solutio.*

*Dei prouidentia.*

Quamquam cū pro Catholica fide sint iam tot diuinitus facta miracula, ut & numero & magnitudine sint infinita: rectè Catholicis nostris præscribitur, ab ipsorum pastoribus, ne ullis miraculorū similitu-

*Catholicis  
pro sua fide  
cur mira-  
cula non re-  
quirunt.*

dinibus à fide Catholica abduci se sinant. Impossibile enim est miracula fieri, quæ fidem tot miraculis confirmatam euertant. Neque enim Deus sibi ipsi potest esse contrarius, neque mendacio testimonium dare. Hoc autem Evangelici facere non possunt, siquidem fidem suam, hoc est Euangelicam, seu Lutheranam, aut Caluinisticam, nullis habent miraculis confirmatam. Quare non possunt miracula, quæ vident in contrarium, respuere, admirari potius, expendere & considerare debent; quæ fiat, ut fides ipsorum sit ita sterilis & infœcunda, ut nullum miraculum proferre possit. Eam verò quam tantoperè damnant, Deus plurimis miraculis, semper omnibus sæculis illustravit, & etiam nunc illustrat: frustra quæ suam fidem ad fidem Apostolicam referunt, cum neque hoc illis concedamus, neque ipsi probent. Probare autem deberent, suam fidem, ut his articulis continetur, quibus à Luthero & Caluino explicata est, certè & Apostolorum fuisse, & miraculis illustratam esse. quod hætenus probare non potuerunt, nec poterunt vnquam.

## CAPUT XV.

*Anonymi cuiusdam Ministri pro Ministris responsum  
refellitur.*

*Demonstratio  
Anonymi.*

**C**VM hæc ederemus, incidit in manus nostras cuiusdā Anonymi libellus, in quo demonstrare nititur, Ministris Evangelicis ministerij controversiam ritè moueri non posse. Summa demonstrationis est. *Qui enim non se gerit, neque se gerere debet pro nullo Apostolo aut Propheta; non tenetur sua vocationis auctorem*

thorem ostendere; sed potest ex charitate verbum Dei & Sacramenta proximis ministrare; sine ullo speciali sibi legitime demandato eius rei munere. Atqui Ministri Evangelici, neque se gerunt, neque gerere debent pro nouis Christi Apostolis aut Prophetis: Non igitur tenentur sua vocationis & missionis authorem ostendere. Quod verò non se gerant pro Apostolis, res est manifesta. nam Apostoli & Propheta errare non possunt. Ministri autem Evangelici, in iis quæ docent, ( etiamsi persuasissimum habeant esse verissimum, ) fatentur se errare posse. Quod verò non debeant pro talibus se gerere, inde constat; quòd doctrinam neque novam, neque ex nouis principiis, sed ex scriptis Apostolorum & Euangelistarum haustam doceant. Hæc est tota Anonymi demonstratio, ad formam syllogismi reducta, ut tantò magis vis eius tota appareat. Cuius quidem demonstrationis, cum & propositio, & assumptio, & multò magis consecutio neganda sit, facile quisque colliget nullam in ea veritatis partem contineri.

Primum igitur dicimus; non solum nouum Apostolum, sed omnino quemcunque Apostolum, hoc est, quicumque munus Apostolicum in ministrando verbo Dei & Sacramentis, sibi assumit; debere ostendere suæ vocationis & missionis authorem: aliàs pro vero Apostolo & vero Propheta haberi non debet. Clarum est ea de re ius diuinum, cui nemo refragari potest, quod disertis verbis commemorat Paulus ad Hebr. 5. vers. 4. *Nemo sumit sibi honorem, sed qui vocatur à Deo tanquam Aaron;* quod non solum de honore aliquo nouiter constituto, & ante à nemine usurpato; sed absolutè de quouis honore ad ministrandum in iis quæ pertinent ad Deum, accipi debet. Nam & Paulus absolutè loquitur, & ad-

*Divina Vocatione omnino omnibus ministrum necessaria.*

ducit exemplum Aaronis, qui etiamsi non nouam, neque à Moyse differentem doctrinam, aut ritum afferret, debuit tamen vocari legitimè à Deo, & iubente Deo, certa ratione & ceremonia ad id munus consecrari. q. ritus nō in ipso solum obseruari debuit, sed in omnibus omninò sacerdotibus, qui illi in officio successerunt, vel illum in suo ministerio iuuerunt. Quare Deus grauissimè semper offensus fuit, quoties quispiam alius legitimè non consecratus, ea quæ sunt sacerdotum attingeret. quin & legem sanxit, vt si quis non Leuita ad ministrandum accederet, moreretur. Imo si vel tangeret vas sanctuarij, vel ex curiositate videret quæ sunt in sanctuario priusquam inuolueretur, morti addiceretur. Quocirca Oziás Rex perpetualepra percussus est, eò quòd adolere voluerit incensum super altare thymiamatis: cui etiam propterea restitit Azarias sacerdos cum alijs octoginta: *Non est (inquiens) tui officij Ozia, vt adoleas incensum Domino, sed sacerdotum, hoc est filiorum Aaron, qui consecrati sunt ad huiusmodi ministerium: Egrede de sanctuario, ne contempseris: quia non reputabitur tibi in gloriam hoc à Domino Deo. Quæ verba sibi dicta putent Ministri Euangelici, cum sine legitima consecratione & vocatione Ministrorum officium sibi vsurpant.*

Num. 3.

N. 10.

Pana non

legitimè

Vocatorum

Num. 4.

N. 15. &amp; 20.

2. Par. 26.

N. 18.

Porrò idem ius diuinum clarè etiam colligi potest ex altero D. Pauli loco, ad Romi. 10. *Quomodo prædicabunt nisi mittantur?* Neque enim solum de nouis Prædicatoribus id Paulus pronunciauit, sed vniuersè de omnibus prædicatoribus, sicut & illa alia: *Quomodo inuocabunt, in quem non crediderunt? quomodo credent ei, quem non audierunt? quomodo autem audiet sine prædicatè?*

Quæcla

Querela etiam quā instituit Dominus contra Prophetas, q̄ currebant cū non mitterentur, an non omnes Prophetas comprehendit; siue nouam doctrinam afferant, siue antiquam, dummodò prædicandi officium ex se sibi vsurpent?

Et sanè si rem ratione expendamus, non in eo solum vitium est nouorum Prædicatorum, cū sine legitima vocatione ad prædicandum accedunt, quòd noui Prædicatores sint, & nouam doctrinam afferant, sed absolute, quòd Prædicatores sint, & officium alienum temerè vsurpent. Cū enim tot falsi Prædicatores existant, qui suos errores sub prætextu doctrinæ veræ venditent; nemo est qui non videat, aliter huic periculo prospici non posse; nisi vt non in cuiusuis potestate sit, prædicationis officium obire; sed eius duntaxat, qui à legitima potestate & magistratu, ad id munus obeundum approbatus existat. Quin etiam si quod est regimen Pastorum & Episcoporum, quos Spiritus sanctus posuit regere Ecclesiam Dei, illud vel maxime in mittendis & præficiendis ministris elucere debet; cū huius solius rei negligentia plurima incommoda afferre soleat; & regiminis ipsa ratio postulat, vt publica officia, non propria cuiusuis electione; sed eorum qui præsunt voluntate administrentur; idque negare, est omne regimen in Repub. tollere.

Quare ineptum est quod ait Anonymus, cuius Christiano homini licere, etiam sine speciali vllo sibi legitimè mandato eius rei munere, charitatem erga proximos exercere, esse verò opus Charitatis ad  
Aposto-

*Fucus cha-  
ritatis Euā-  
gelicorum.*

Apostolicam doctrinā, Christiꝫ; Euāgelium com-  
plectendum ac retinendum, alios cohortari, Diuina-  
que oracula, quæ omnibus proposita sunt, illis expli-  
care. Quasi verò opus charitatis dici possit, quod di-  
uinis præceptis aduersatur, quodq; Dei & proximi  
charitatem offendit. Deus manifestè prohibet, ne  
quisquam sumat sibi honorem, nisi vocatus sicut Aa-  
ron; ne prædicet, nisi missus. An igitur opus charita-  
tis erit Deo repugnare, eiusq; mandata violare? Quæ  
verò charitas est, alienum officium vſurpare, pertur-  
bare ordinem, Magistratus legitimi ius infringere?  
nequaquæ ea charitas, sed manifesta iniustitia dici de-  
bet. Charitas si est, ordinata est, nulli præiudicium,  
inſert, modum à Deo præscriptum & constitutum,  
obſeruat; quæ id non facit, fucus quidem charitatis  
est, non charitas vera. Tale quiddam est, verbi Dei &  
Sacramentorum ministerium vſurpare, fucus inquæ  
& falsa species charitatis.

*Mulier præ-  
dicare non  
debet.  
1. Tim. 2.  
9. 11.*

Nonné charitatem talem æquè mulier exercere  
posset? quam tamen Paulus nullo modo permittit  
prædicare: *Mulier* (inquit) *in silentio discat cum omni  
subiectione, docere autem mulieri non permitto.* Non nisi  
quia ea charitas illis incumbit, qui cæteris ex officio  
præſunt, quibusq; id officium est legitimè deman-  
datum.

*2. Cor. 5.  
9. 20.*

Priuatim vnus alterum docere, quæ ipse à pro-  
batis Prædicatoribus, hoc est legitimè vocatis & mis-  
ſis didicit, potest: at in Ecclesia minimè; nisi ad id  
munus obeundum ritè vocatus & missus. Qui enim  
in Ecclesia docet, Dei nomine loquitur, eiusq; perso-  
nam repræſentat, & vt Paulus ait: *pro Christo legatione  
fun-  
gi-*



*fungitur, tanquam Deo per ipsum exhortante. ideoque* 2. Cor. 5.  
*personam publicam gerit, & munus sibi à Deo com.* 7. 20.  
*missum exequitur, quod in hominem priuatum mi-*  
*nimè conuenit.*

Quare non satis est quod ait Anonymus, vt ij qui-  
 bus Sacramenta ministrantur, & verbum Dei prædi-  
 catur, velint Ministrum ea munera obire. Neq; enim  
 populi est Magistratus creare, & legatos Dei institu-  
 re, illosque potestate spirituali (qua ipsi carent) or-  
 nare. Dei potestate ad eam rem opus est, quam vel  
 per seipsum, vel per magistratum à se constitutum,  
 hoc est legitimos Episcopos & Pastores exercet. Qua-  
 re & in rebus publicis hoc maximè cauetur, ne priua-  
 ti suo arbitratu iudicem sibi deligant, nevé ad libi-  
 tum reiiciant eum, qui legitime à Principe constitu-  
 tus est: meritoque contra tales poenæ seditiosorum  
 decernuntur. Quantò magis id in Ecclesia obseruari  
 conuenit, quæ omnibus alijs rebus publicis ordine  
 antecellit, estque sicut *castrorum acies ordinata.*

At inquit Anonymus, Ministros in Sacramentis  
 administrandis nullam vim Sacramentis indere, aut  
 mutationem afferre, vel sanctitatem aliquam ex sua  
 persona toti actioni conciliare; cum quidquid virtu-  
 tis, mutationis, sanctitatis inest Sacramentis, id non  
 ex administrantis persona; sed à diuino instituto  
 prorsus pendeat. Quocirca eam ob rem non est ne-  
 cesse Ministros diuinitus vocari & mitti.

Sed errat toto cælo Anonymus. Nam si baptismū Sacramen-  
 & matrimonium excipias; illum quidem, quòd ob ta pendet  
 P. à potestate sum-

*ministri.*

summam eius ad salutem necessitatem obtinuit, ut à quolibet in necessitate administrari possit, (scilicet extra necessitatem ab ordinarijs Ecclesiæ ministris conferri debeat) hoc verò, quòd cùm ipsos contrahentes Ministros habeat; alterius ministri influxu & efficientia non indiget; tamen reliqua omnia Sacramenta, ita à ministri potestate dependent; ut si ab alio quopiam administrantur, totum inane sit & invalidum. In Confirmatione & in Ordinatione per impositionem manuum dabant Apostoli Spiritum sanctum; quod proculdubio præstare nõ poterant quicunque fideles. Quapropter electi ad Apostolos deducebantur, ut imponerent illis manus, Et Paulus ait expressè, impositionem manuum, esse Presbyterij seu coetus Episcoporum. Simon etiam Magus, non ad quoscunque fideles, sed ad Apostolos recurrerat, ut sibi ea potestas conferretur, ut & ipse impositione manuum daret Spiritum sanctum. Scilicet hoc notum erat in illa tum Ecclesia; non quoscunque fideles, sed qui erant legitimè ab Apostolis ad id munus consecrati, potuisse conferre Spiritum sanctum. Pari ratione ad remittenda & retinenda peccata in Sacramento Pœnitentiæ, dedit Christus Apostolis Spiritum sanctum, Ioan. 20. quod sanè non ad quosvis fideles pertinere, quiuis facillè assentietur. Nam neque omnibus datur ad eum finem Spiritus sanctus, neque Apostolis ea potestas facta est, priusquam declararentur legitimè missi: *Sicut*, inquit, *misit me Pater, & ego mitto vos.*

Iam quòd ad Eucharistiam pertinet, si ea nihil aliud esset nisi commemoratio cœnæ Dominicæ, uti  
Ano-

Anonymus cum suo Caluino somniat; non esset proculdubio vlla potestas specialis in Ministro necessaria ad Eucharistiam conficiendam; sed quivis fidelium sicut commemorare cœnam Dominicam potest, ita & conficere; cùm conficere non sit aliud, quàm commemorare. At longè aliter res habet; Eucharistiam enim conficere, non est solùm institutionem corporis & sanguinis Domini commemorare; sed ipsum corpus & sanguinem Domini, sub specie panis & vini constituere, mutatione illa admirabili totius substantiæ panis & vini, in corpus & sanguinem Christi, vti Catholici omnes sentiunt, senseruntque semper, edocti à Christo, qui non aliam substantiam in hoc Sacramento indicavit, quàm substantiam corporis & sanguinis sui; *Hoc est corpus meum, hic est sanguis meus.* eamque solam panis quem daturus erat, essentiam explicuit. Ioan. 6. *Panis, inquit, quem ego dabo, caro mea est.* Porro tam admirabilem conversionem panis & vini in corpus & sanguinem Domini efficere non est cuiusvis, sed diuina potestate opus est ad eam rem præstandam, quæ omnes naturæ vires superat. Eam ob rem & Paulus: *Calix, inquit, cui benedicimus, nonne communicatio sanguinis Domini est?* Agnoscit sanè Ministrum non commemorare tantùm benedictionem calicis à Christo factam in vltima cœna, sed re ipsa calici benedicere, & benedicendo vinum in sanguinem commutare: ad hunc enim finem calici illi benedicitur, vti fiat sanguis Domini, & benedictionis forma non alia est, quàm illa ipsa Domini verba: *Hic est sanguis meus.*

*In Eucharistia minister transmutat panem & vinum in corpus & sanguinem Domini.*

*Calicem benedicit.*

Quare vel ex hoc ipso colligitur, solis Apostolis tantum munus commissum esse à Christo illis verbis:

*Hoc facite in meam commemorationem.* Scilicet Apostolos Christus voluit conficere mysteria corporis & sanguinis sui, facta illis diuina potestate, ceteris vero fidelibus id non commisit, sed eos voluit ab Apostolis mysteria confecta accipere, Apostolosque ipsis dare. Aliàs necesse esset dicere, vt ante inferebamus: Omnes fideles esse institutos à Christo ministros, omnibusque datam potestatem Sacramenta administrandi, quod D. Paulo, & rationi repugnare ostendimus. Hæc ad propositionem Anonymi sint satis.

*Ministri  
Euangelici  
fatentur se  
errare posse*

Iam cum Anonymus in Assumptione ait, Ministros Euangelicos non se gerere pro Apostolis & Prophetis, eò quòd Apostoli & Prophetæ errare non possint; Ministri vero vtrò fateantur se posse errare, partim verum, partim falsum asserit. Verum est, imò verissimum, quòd errare possint Ministri, neque possint tantummodò, sed etiam se pissimè re ipsa errent, quotiescunque fidei Catholicæ contradicunt. Quod si vtrò Ministri Euangelici fatentur se errare posse, quomodo verum est quòd adiungit, illos persuasissimum habere verissima esse quæ docent? Anne qui docendo errat, persuasum habet se verissima docere? An veritas & error simul consistere possunt? an qui persuasum habet se in eo quòd docet errare posse, potest simul persuasissimum habere verissimum esse quòd docet? quasi in re verissima locus esse errori possit. Ita Anonymus pugnantia loquitur, & ex vno vt dicitur ore, calidum & frigidum efflat.

*Catholici  
Doctores  
quomodo*

Porro cum & ipsi fatentur se errare posse, & res ipsa loquitur: quis non videt, quanta horum auctoritas Doctorum esse debeat, qui errare docendo possunt, hoc est falsa docere? Quis cordatus in erronea  
corû

eorum doctrina conquiescat? Nostri Doctores Ca-  
 tholici, quamvis si suos sensus sequantur, errare vt  
 homines possint: tamen cum doctrinam Ecclesiæ  
 Catholicæ prædicant fidelibus, errare nullo modo  
 possunt, sicut nec ipsa Ecclesia Catholica, *quæ est co-*  
*lumnæ & firmamentum veritatis:* & ideo Catholici fide-  
 les conquiescere in eorum doctrina possunt, & de-  
 bent. ex quo magnam consolationem in animo per-  
 ciipiunt, quam non habent quicumque Catholici non  
 sunt, ipsismet aduersarijs testibus.

At vt hoc verum dicunt, quòd errare possint; ita  
 illud falsum, quòd se pro Apostolis & Prophetis non  
 gerant. Demonstratio est manifesta: Quicumque mu-  
 nus Apostolicum sibi vendicat, is se pro Apostolo ge-  
 rit; Apostoli siquidem ratione sui muneris Apostoli  
 sunt, & dicuntur: Ministri verò Euangelici munus  
 Apostolicum prædicandi, & Sacramenta ministran-  
 di sibi vendicant. Gerunt igitur se pro Apostolis. nã  
 pro Prophetis non est quòd se gerant, cum nihil vn-  
 quam veri prædixerit Spiritus mendacij in ore ipso-  
 rum.

Quamquam & id quod dicunt, suos Ministros non  
 se gerere pro Apostolis, concedi quadam ratione po-  
 test. Apostoli enim non sunt, cum à missione Apo-  
 stoli nomen acceperint. Cum igitur ministri Evan-  
 gelici suam missionem nec velint, nec possint osten-  
 dere, hoc ipso Apostoli non sunt; & tamen quia A-  
 postolicum munus sibi assument, ex ea parte pro  
 Apostolis se gerunt.

Iam cum dicit suos Ministros non afferre nouam  
 doctrinam, sed acceptam ab Apostolis, & in sacris li-  
 teris consignatam; id tantum à vero abest, quantum

*Euangelicorum doctrina no-*  
*ua*


Ephes. 4.

à cœlo terra. Nam doctrina Apostolorum non periit in mundo cum Apostolis, sed ad finem vsque mundi perpetuari debuit, *ad consummationem Sæculi*, donec occurramus omnes in unitatem fidei in virum perfectum. At isti toti antiquitati contradicunt, nihilque illis est æquè difficile, quàm vt ex tota antiquitate vnum aliquem Evangelicum fidelem proferant, qui eam in omnibus fidem tenuerit, quam ipsi modo prædicant.

*Hæresis Evangelica  
ex multis  
hæresibus  
constat.*

Sparsæ quidem fuerunt variæ hæreses, in varijs hæreticis, diuersis sæculis & locis, in quibus quædam nostrorum Evangelicorum dogmata inveniuntur, at quæ isti in vnum collegerunt, nullus ante ipsos collectè docuit; verùm quidquid mali seu venenatæ & pestilentis doctrinæ erat in diuersis hæresibus, ea isti in vnam hæresim Evangelicam coagmentarunt, & ex varijs hæresibus vnam hæresim effecerunt. Qui igitur fieri potest, vt isti doctrinam Apostolicam profiteantur, quam tota antiquitas non solum non agnouit, sed etiam repudiavit, & damnauit?

Ex his facillè colligere quilibet potest, qualis sit ea Anonymi demonstratio, in qua neque Propositio, neque Assumptio vera est, quare neque Conclusio, quæ inde infertur, vera erit.



Ad



## Ad candidum Lectorem.

*HAbes candide Lector, Demonstrationes decem ad falsos Ministros Euangelij cognoscendos. Tuumerit eas expendere ea diligentia, quam cura salutis à te exposcit, eo candore, qui rei sacrosanctæ debetur. Tantummodo tuiipse preconceptæ opinionis velamen à corde amouere velis, perspicies profectò, Deo bene adiuuante, & unico hoc ipso labore, te à varia & multiplici laborum, & molestiarum arumna expeditum senties, finemque tandem aliquando dubitandi & disputandi de alijs fidei articulis facies, hoc uno contentus, quòd eos Magistros sequendos elegeris, qui tibi erroris causa esse non possunt, eos verò re fugiendos duxeris, quos certum est legimos non esse, aut verò villo modo esse posse.*

# THE HISTORY OF THE CITY OF BOSTON

FROM THE FIRST SETTLEMENT  
TO THE PRESENT TIME  
BY  
JOSEPH NEALE  
OF THE BOSTON BAR  
IN TWO VOLUMES  
VOL. I.  
BOSTON: PUBLISHED BY  
J. NEALE, 1822.







9-3-3

